

# أحمد فؤاد نجم

الأعمال الشعرية الكاملة  
شاعر حورق

SHARIA  
KHOSH KADA

الطبعة  
الشرعية  
الأولى

جilletات أدبية

# الأعمال الشعرية الكاملة

**الأعمال الشعرية الكاملة**

**أحمد فؤاد نجم**

الطبعة الأولى . ٢٠٠٥

(c) دار ميريت

٦ (ب) شارع قصر النيل، القاهرة

تليفون / فاكس: ٥٧٩٧٧١٠ (٢٠٢)

[www.darmerit.com](http://www.darmerit.com)

[merit56@hotmail.com](mailto:merit56@hotmail.com)

الغلاف : أحمد النيل

المدير العام : محمد هاشم

رقم الإيداع: ٢٠٠٥/١١٤٢٠

الترقيم الدولي: 977-315-256-8

أحمد فؤاد نجم

الأعمال الشعرية الكاملة

دار ميريت

٢٠٠٥ القاهرة



---

## إهداء ...

إلى أحمد بن عروس ... وعبد الله النديم ...  
ومحمود بيرم التونسي ... شعراء الشعب الخالدين.  
وإلى زينب ... مكافأة نهاية الخدمة .

أحمد فؤاد نجم



---

## الشعر.. حرية

"آه من الشعر.. هذا الكائن الساحر الخلاب.. منحة  
الموهبة الجزيلة وامتحان الحياة الصعب الوعر" .. !  
بيتهيألي أنا سمعت الكلام ده قبل كده أو قريته.. لكن  
إمتي وفين ومين وليه؟ الله أعلم.. هو أنا يعني عقلي دفتر؟  
إنما والشهادة الله الكلام ده كلام واحد عاشق خد رمش  
عين رشق في صميم قلبه جاب رجليه فوق ورأسه زرع  
بصل، كما حدث للعبد الفقير المطبور، كاتب هذه السطور.  
أول الزمانات، قابلته ملكاً متوجاً على عرش من الأنغام  
السحرية، شايلاها مجموعة من الحناجر الذهبية زي أم كلثوم  
وعبد الوهاب وزكرياً أحمد والسنباطي وفتحييه أحمد، وأستاذ  
الأستاذة الشيخ على محمود معجزة الأداء العظيم في العصر  
ال الحديث.

---

وأيضاً قابله مستخبي في المواويل الحمرا والخضراء  
اللي قالها الفلاح المصري الفصيح في شکوى الزمان  
والمكان.

وزى ما بيقولوا العشاق وقعت في شباكه من أول نظره،  
ومن يومها وهو مشحتفي و مجر جرنى و راه في المحاكم  
والسجون لحد ما حفيت رجليا و تعبت أحلى تعب، وأنا برضه  
ماشي و راه.. بلاد الله خلق الله.. مطرح ماترسى بادق لها،  
والمخوزق يشم السلطان، واللي يعرف أبويا يروح يقول له  
واللي بيحبيب لي العشا يحوشه، وقدرت أقول كلمتي بالصوت  
العالى ورزقى ع اللي رازق الدوده في بطن الحجر، لأن  
الشعر رباني وعلمني لا أبلغ لسانى ولا أجز على سانى ولا  
أدهن الكلام ألوان ولا أقول للفرد.. يا قمر الزمان.

وأنا في الأصل عاشق تراب بلدى، ومتensus في ناس  
بلدى مصر المحروسة، ومتواعد مع الحلم الإنساني هنا على  
شط البحر البحور وسيد الأنهر النيل الخالد العظيم، وباطلب  
من الله ولا يكتر على الله إنه يمد في عمرى كمان فترة زى  
رؤساء الجمهوريه تبعنا لحد ما أشوف بعيني مصر الخضرا  
بتغنى للحب والزرع والحداد، والعالم كله بيسمع ويقول:  
كمان يا ست كمان !!

---

معنى الكلام، إن القصائد الموجودة في هذا الديوان تقدر  
سيادتكم تسميتها - الشعر الحر - وأنت مستريح البال  
والضمير، لأن الشعر حرية! وكل واحد يسمى شعره على  
هواء، وإذا كان السادة اساطين النقد الأدبي رأيهم أن الشعر  
الحر هو اللي - بلا قافية - ولا شكل فهم أحرار، لكن أنا  
رأيي إن الشعر الحر هو اللي بيطلع م القلب عدل أو يوصل  
للقلب عدل، والمسألة في رأيي لا تخرج عن كونها خلاف في  
وجهات النظر، وأهلاً بأي خلاف في وجهات النظر على  
شرط إنه يكون خالص لوجه الوطن، لا تشوبه شائبه، لا بقعة  
نقط من جزيرة العرب ولا شبة نفاق لحاكم مستبد راكيز على  
قلب شعبه بالحديد والنار والتليفزيون...!

في عشق مصر المحروسة - حبة عين العرب ونبض  
قلبهم الحي - كتبت هذه القصائد، وفي عشق مصر حضنت  
كل القصائد وقدمتها للناس، وكان التمن مزيد من العشق  
والجنون، وصدق اللي قال - المجانين.. في نعيم - والشعر  
حرية.

أحمد فؤاد نجم

القاهرة مارس ٢٠٠٥



---

## الرسالة رقم ١

### من معتقل طره

كل ما تهلّ البشائر  
من ينابير كل عام  
يدخل النور الزنازين  
يطرد الخوف<sup>(١)</sup>.  
والظلم  
يا نسيم السجن ميّل  
ع العتب وارمي السلام  
زهّر النوار

---

(١) دأب نظام السادات على ما أسماه بالضربات الوقائية ضد الوطنيين المصريين فكانت أجهزة أمنه توجه ضربه شامله لكل القوى الوطنية مع حلول أول كل عام حيث لا يظل خارج أسوار المعتقلات سوى الكوادر التي لا خطر منها.

---

وعشش في الزنازين .. الحمام

\* \* \*

من سكون السجن

صوتي

نبض قلبي

من تابوتني

بيقولوك يا حبيبتي

كلمتى

من بطن حوتى

سلمي لي ع الحباب

يا حبيبتي

سلمي لي

كل حب

وله نصيه من سلامي

بلغى لي

احضنى العالم عشانى

بين عيونك

وابعنتى لي

نظره

---

منها أشوف حبابي  
واشفى قلبي  
واسأليلي  
كل عالم في بلدنا  
كل برج وكل مادنه  
كل صاحب من أصحابنا  
كل عيل من ولادنا  
حد فيهم شاف علامه  
من علامات القيامه  
قبل ما تهل البشائر  
يوم تمنتasher بناير  
لما قامت مصر قومه  
بعد ما ظنوها  
نومه  
تلعن الجوع والمذله  
والظلم  
والحكومه؟

\* \* \*

---

سلمي لي ع الولاد السمر  
حضر العمر  
في عموم الحواري  
سلمي لي ع البنات  
المخطوبين في المهد  
لسرير الحواري  
وأساليبي بالعتاب  
كل قاري في الكتاب  
حد فيهم  
كان يصدق  
بعد جهل  
وبعد موت  
إن حسن الشعب يسبق  
أي فكر  
وأي صوت  
هي دي مصر العظيمه  
يا حبيبتي  
هي مصر  
اللي فضلتني في هواها

---

عشنا  
على ألف قصر  
هي دي يا عزه  
مصر

معتقل طره / يناير ١٩٧٧

\* \* \*

---

## السندباد

حكيم عليم  
مخلص جسور  
طوير على جناح العصور  
دائر  
كما يدور الدولاب  
ورا التاریخ  
من الجدور  
يطلع جبال  
يقطع شعاب  
يغوص في أغوار البحور  
ينبش بعينه في الكتاب  
يقرأ الشواهد  
ع القبور  
ولما عاد  
السندباد

رمي السلام  
وقال كلام  
واسمع كلامه وحلّه  
تلقاء بسيط من أوله  
تعمل حويط وتأنّله  
تطلع غشيم  
قال الحكيم  
العمر ماشي  
وكل ما شي قوله مداه  
وكل فرد  
وله بدايته ومنتهاه  
الشعب هو الباقي الحي  
هو اللي كان  
هو اللي جي  
طوفان شديد  
لكن رشيد  
يقدر يعيد  
صنع الحياة  
والشعب لما يقول

---

يا أصحاب العقول  
نسمع  
ونوعى  
ونحترم  
صوت الإله

القاهرة

١٩٦٧

\* \* \*

---

## هلال العيد

في نورك يا هلال العيد  
يطير بینا  
سفين عوام  
على الأحلام يودينا  
نمد جسور  
نعني بحور مغطيه  
في مركب نور  
عليه الحور مراكبيه  
قلوعه من نسيج الشوق  
يهب الريح  
يا خدتها لفوق  
ودفه من أمانينا  
بغير ملاح  
تغوط في الغريق بینا  
عشان نرتاح

---

نلاقي الموجه لجاجه  
ولا نرتاح ولا حاجه  
نعود بالحيره ونعدى  
بُحور بالحزن موآجهه  
وبيجي العيد  
هلاله جديد  
يلاقي الناس حزين وسعيد  
حسب شوقه يوجد ويزيـد  
ويحرم ناس على كيفه  
 يولع للسعـيد شمعـه  
ويطفي للحزـين شمعـه  
ويرمي البـسمـه والـدمـعـه  
حسب شـوقـه  
وعـلـى كـيفـه  
ونورك يا هـلـالـ العـيد  
يطـير بـيـنا  
سـفـين عـوـام  
علـى الأـحـلام  
يـوـديـنا

القاهرة / ١٩٦٩

---

## حَنْقَنِي

حَنْقَنِي وَدَائِمًا  
حَنْقَنِي  
وَنَبْشُرُ بِالْخَيْرِ وَنَمْنَى  
وَنَلْفُ الدُّنْيَا الدُّوَارِه  
عَلَى صَوْتِ النَّغْمَهِ الْهَدَارِه  
وَمَعَانِا الْمُشْرَطِ وَالْبَلْسِيمِ  
فِي الْكَلْمَهِ الصَّاحِيَهِ النَّوَارِه  
هُوَ احْنَا كَدَه  
وَحَنْبَقَى كَدَه  
مَاشِينِينِ  
عَارِفِينِ  
عَلَى مِينَ عَلَى مِينَ  
دَائِمًا وَاضْحَيِينِ  
مَشْ بَيْنَ دَا وَدَا  
هُوَ احْنَا كَدَه

---

وحنقى كده

\* \* \*

الشارع بيتنا وغنوتنا  
والشارع أعظمها مغني  
من لحم الشارع كلمتنا  
على لحن الشارع بنغني  
وإن جعنا شبعنا  
بتتقضى

ما نبعش الكلمه بميت فضه  
والصوت الشايل غنوتنا  
بتراب الشارع متحنى  
هو احنا كده  
وحنقى كده  
ماشين عارفين مع مين  
على مين  
دائماً واضحين مش بين دا ودا

القاهرة / ١٩٧٤

\* \* \*

---

## بھیہ

یسبق کلامنا سلامنا یطوف ع السامعين  
معنا

عصفور محندق یزفرق کلام موزون ولہ معنی  
عن ارض سمرا  
و قمرہ  
وضفہ و نهر و مراکب  
ورفاق مسیرہ عسیرہ  
وصورة حشد و مواكب  
فی عيون صبیہ بھیہ  
علیها الكلمه والمعنى

\* \* \*

مصر یامہ یا بھیہ  
یام طرحہ و جلابیہ  
الزمن شاب  
وانتی شابہ

هو رايم

وانني جايـه

جـايـه فوق الصعب ماشيـه

فات عليـكـي لـيل وـميـه

واـحـتمـالـكـ هـوـ هـوـ

وابـسـامـتـكـ

هيـ هيـ

تضـحـكـي للـصـبـحـ يـصـبـحـ

بعـدـ لـيلـهـ وـمـغـرـبـيـهـ

تـلـعـ الشـمـسـ تـلـاقـيـكـيـ

معـجـانـيـهـ وـصـبـيـهـ

يا بـهـيـهـ

\* \* \*

الـلـلـيلـ جـازـيرـ جـازـيرـ

يـمـدـ الـبـحـرـ يـفـنـيـهاـ

وـفـجرـ شـعلـهـ حـ تـعلاـ

وـعـمـرـ المـوجـ ماـ يـطـوـبـيـهاـ

وـالـشـطـ باـيـنـ مـدـاـيـنـ

عـلـيـهـ الشـمـسـ طـوـافـهـ

---

ايدك في ايدنا  
ساعدنا

دي مهمما الموجه تتعافي  
بالعزم ساعه جماعه  
وبالإصرار نخطيها  
مصر يا مه يا سفينه  
مهما كان البحر عاتي  
فلاحينك ملاحينك  
يزعوا للريح يو اتي  
اللي ع الدفه صناعي  
واللي ع المجداف زناتي  
واللي فوق الصاري كاشف  
كل ماضي وكل آتي  
عقدتين والتالته تابتاه  
تركبي الموجه العفيه  
توصلي بر السلامه  
معجبانيه وصبيه.. يا بهيه  
ويعود كلامنا بسلامنا  
يطوف ع الصحبه حلواني

---

عصفور محنى  
يغنى على الأفراح  
ومن تانى  
يرمى الغناوى تقاوى  
تبوس الأرض تتحنى  
تفرح وتنطرح وتسرح  
وترجع تانى تتغنى  
اللى ببني مصر كان في الأصل  
حلوانى

معتقل القاطر / ١٩٦٩

\* \* \*

---

## دور يا كلام

دور يا كلام على كيفك دور  
خلي بلدنا

تعوم في النور  
إرمي الكلمه في بطن الضلمه  
تحبل سلمي

وتولد نور  
يكشف عيننا  
ويلهلنا

لسعه ف لسعه  
نهب نثور  
دور يا كلام  
علي كيفيك دور

\* \* \*

عم إمام  
عنه كلام

وَمُسَوَّحٌ فِي بَلَادِ النَّاسِ  
مِنْ شَوْقِ نُولِهِ  
يَغْزُلُ قُولِهِ  
وَيَغْنِي مَرْفُوعَ الرَّاسِ  
بَلْدِي يَا نَبْعَ النُّورِ سَلْسَالِ  
يَهْدِي الْفَكْرَهِ  
لِلْأَجْيَالِ  
بَلْدِي يَا لَقْمَةَ عِيشِ  
يَا حَلَالِ  
عَالِيَّهِ  
وَعَالِيَّهِ  
يَا أَمَّ النَّيلِ  
سَاهِلِ مَوَاوِيلِ  
كُلَّ مَغْنِي وَلِهِ مَوَالِ  
وَأَنَا أَرْغُولِي لَمَا يَمْوُلِ  
سَوْيِ فِي الْآخِرِ  
سَوْيِ فِي الْأُولِ  
مَشْحُونٌ يَغْنِي إِلَيْا مَصْرِ  
يَا رَكْوَبَةَ رَكَابِ النَّصْرِ

---

سرقوكي سكان القصر  
والظابط  
عبد المأمور  
دور يا كلام  
علي كيفيك دور

القاهرة / ١٩٦٩

\* \* \*

---

## سلام للأرض

سلام يا أرضا  
يا غيطان الفلاحين  
يا ورشة الصناعي  
يا بحور الصيادين  
يا مدرسه يا جامعه  
سلام والدنيا سامعه  
يا ذئمه يا خنادق  
يا مدفع يا بنادق  
واقفين والعزم صادق  
تردوا المعذبين  
ع الحق والسلام  
سلام سلام سلام

\* \* \*

سلام بإدين قويه  
خشنين وعرقانين

---

يناموا المغاربيه  
ويقوموا مبدرين  
يَخْضُرُوا الجناني  
ويطيروا الحمام  
ويعمّروا المداين  
ويضيعوا في الزحام  
سلام يحمي الحياة  
وصنع الحياة  
ويزيد الانتباه  
في الناس الطيبين  
للحق والسلام  
سلام سلام سلام

\* \* \*

سلام يا أرضنا  
يا جنات الزيتون  
يا أعلى عندنا  
من حبات العيون  
سلام نحميه بروحنا  
ونصونه في القلوب

---

ونداوي بيه جروحنا  
إحنا  
 وكل الشعوب  
 سلام يطرح أمني  
 ويزوّق الأغاني  
 ويروّق الأناني  
 ويُسقى العطشانين  
 للعدل والسلام  
 سلام سلام سلام

معتقل القنطر / ١٩٧٠

\* \* \*

---

## أنا رحت القلعة

أنا رحت القلعة وشفت ياسين  
حواليه العسكر  
والزنارين  
والشوم والبوم  
وكلب الروم  
يا خساره يا أزهار البساتين  
عيطني يا بهيه  
على القوانين<sup>(١)</sup>.

\* \* \*

---

(١) لجأ نظام السادات إلى أسلوب جديد في قمع القوى الثورية في مصر فحول نيابة أمن الدولة إلى جهة إصدار وتقنين قرارات الاعتقال، وكان دائمًا يقول "كله بالقانون وسيادة القانون".

---

أنا شفت شباب الجامعه  
الزين  
أحمد وبهاء  
والكردي وزين<sup>(١)</sup>.  
حارمينهم حتى الشوف بالعين  
وف عز الضهر مغميin  
عطي يا بهيه على القوانين

\* \* \*

وقابلت سهام<sup>(٢)</sup>  
في كلام إنسان  
منقوش وتأثير  
في الجدران  
عن مصر

---

(١) أحمد عبد الله وأحمد بهاء الدين وشوقى الكردى وزين العابدين، مجموعة من  
قيادات الحركة الطلابية المصرية في السبعينات.

(٢) سهام صبرى طالبة الهندسة التي أُسست مع زوجها محمد توفيق ومجموعة من  
رفاقها جماعة أنصار الثورة الفلسطينية التي أشعلت الشرارة الأولى لانتفاضة ١٩٧٢  
الطلابية المجيدة.

---

وعن عمل حلوان  
مظالم العهد المعطلين  
عطي يا بهيه  
على القوانين

\* \* \*

وقابلت هناك  
منذر وزياد  
وقابلت كمان  
عزت وجاد<sup>(١)</sup>.  
أربعة أبطال  
شنعوا الجلا  
التل يهودا الفدائين  
زغرطي يا بلدنا  
لدول مساجين  
واسمعي يا بلدنا خلاصة القول

---

(١) منذر وزيادة وعزت وجاد الأربعة الفدائين الذين نفذوا مشينة الشعب بإعدام الخائن وصفي التل في فندق شيراتون بالقاهرة واعتقلوا معنا عام ١٩٧٢.

---

وباقولك أهه  
وأنا قد القول  
مش ممکن كده  
حيحول الحول  
على كده والناس يفضلوا ساكتين  
خليکوا فاکرین  
خليکوا شاهدين  
أنا رحت القلعة  
وشفت ياسين

معتقل القلعة ١٩٧٢

\* \* \*

---

## على الأرغول

الأوله آه  
والثانية آه  
والثالثه آه

\* \* \*

الأوله آه  
والغدر لمن حكم  
صبح الأمان بقشيش  
والثانية آه  
والندل لما احتم  
يقدر ولا يعفيش  
والثالثه  
آه

والحر مهما انحكم  
للندل ما يوطيش  
الأوله غربتي

---

والثانية بلوتي  
والثالثة كلمتي

\* \* \*

أرغول يا أرغل  
يا أبو النغم موصول  
شطره تجيب شطره  
والشطر غنيوه  
منظومه وحليوه  
والسامعين أدرى  
والسامعين أشتات  
زي النغم مقامات  
قسم وغني وهات  
وأملا المكان خضره  
بالفن والقدره  
والأوله آه  
والثانية آه  
والثالثة آه

\* \* \*

يا عم يا قوّال

---

يا أبو الحرير موّال

كيفاً

وكيف الحال

اغزل وسمعنا

واشطح مع النغمات

ودوس على المقامات

هات اللي عندك هات

لمن تشعّبنا

داحنا الحياري دليل

مستتظررين موّاول

توصّل مع المراسيل

والصّهباء تجمّعنا

\* \* \*

صهبتنا صباحي

طول ما الألم صاحي

يا شوقي يا جراحى

يا حبي يا بكره

يا صحبتي في الهم

يا شركتي في الدم

---

عزوتنا  
لو نتل  
ونغني للفرا  
أخضر خضر ضر مال  
للعشق والموَّال  
وكان أصيل الحال  
لكن فقير الحال  
شد الرحال في الحال  
جاب البلاد رحَّال  
ينزف على الأرغول  
دم الصبا سلسل  
أخضر خضر ضر مر  
على كل بحر وبر  
داق الشتا في الحر  
والعشق له أهواه  
رجع صاحبنا حزين  
يقطد مع المساكين  
ويغنى للعاشقين  
ويقسم الموَّال

---

يا ليلي آه يا عين  
يا عم يا جمال  
ترعى جمالك وين  
وأنت فقير الحال  
يا ليلي آه يا عين  
والمرعى للأندال  
يا ليلي آه يا عين  
يا عم يا جمال  
والصبر مهما طال  
ما حينفتشي حبال  
اللزم قلوب وإدين  
يتمدوا ع الشطرين  
ويعمروا العيارين  
ويطخوا رأس المال  
والأوله آه  
والثانيه آه  
والثالثة آه

١٩٧٤ / القاهرة

\* \* \*

---

## ضلالة فوق راس الشهيد

(خبر)  
بالنكته لوجيا  
والحداقه  
والتكنولوجيا  
والتاريخ  
هجم الزناتي ع الخواجة  
ولبسنه العمه بصاروخ  
"جود" عليهه  
"باد" مائير  
كل عام فانتوم بخير  
(وكالات الانباء والصحفين  
٦ أكتوبر ١٩٧٣).

\* \* \*

(تعليق)  
قبل البدا

يا سامعين  
أبعت سلامي للميدان  
وافهم كلامي واسمعين  
وأوزن  
ودق في الميزان  
تعرف مرامي يا اسماعين  
من دون فلاسفه وترجمان  
أصل الحكايه  
يا سامعين  
مش ناقصه لف  
وللفنان

\* \* \*

كان وقت نكسه  
يا اسماعين  
والبر غاطس  
في الهوان  
والدم ساigh أجمعين  
والأمر غرمان للودان  
والأرض رايحه

ولا معين  
والعفشه ناقشه  
والغيلان  
سانين سنانهم  
طماعين  
ياكلوا السواكن بالمكان  
والناس حياري يا إسماعين  
بين مين وفين وليه وكان

\* \* \*

إذ هذا يحصل يا اسماعين  
طلعوا الفلسفه الببغان  
ناقلين كلام  
يملا البرام  
عن حد سيف الأمريكية  
إلياذه بالشعر المهوول  
وهول وهيل وهيلمان  
خلونا شبنا يا إسماعين  
وكبرنا من قبل الأوان

\* \* \*

---

طُبوا الفلاسفه في الغلط  
لما الزلط قدح الزناد  
نفر العناد عرق الغصب  
واقزح يا واد  
واضرب يا واد  
قرحت صعайдه وفلاحين  
بحر الكنال في شمال يمين  
وأدیني عقلك يا اسماعين  
واضغط بقلبك ع الزناد  
واجمد يا واد واضرب يا واد  
قرحوا الولاد  
قرحت قلوب الناس وراثم  
اسم النبي  
يحرس خطاهم  
من خطاهم  
رنوا الخواجه البربرى  
علقة معلم عبقرى  
وارتد جيش المفترى  
وعيالنا نار

---

تلحس قفاهم

اسم النبي يحرس خطاهم من خطاهم

\* \* \*

يا مصر جيشك م الصعيد

وم البحاروه

ومن رشيد

شبان هلايله وطبيين

فيينا الحنين والعنيد

نعشق

ولا عشق الحمام

للولف والعش السعيد

ونجود

كما جاد الغمام

باللقمه

والنوب الجديد

ندى بمزاجنا كل شيء

لأي شيء

ما دام نريد

لكن عدوك يا اسماعين

لو سخنـت النار عـ الحـديـد  
والـظـلـم خـوم عـ العـبـاد  
سوـى من قـرـيـب  
أـو بـعـيد  
حـلمـ الـحـلـيمـ  
يـصـبـحـ جـحـيمـ  
وـالـدمـ يـتـسـمـ صـدـيدـ  
نـرمـيـ الغـضـبـ  
رـمـنـيـ الحـطـبـ عـ النـارـ  
نـقـومـ النـارـ  
نـقـيدـ  
وـاحـناـ الرـجـاـيلـ يـاـ اـسـمـاعـينـ  
فـيـ الشـدـهـ  
وـالـوقـتـ الشـدـيدـ  
نـصـولـ نـجـولـ كـماـ الـخـيـولـ  
رـاكـبـهـ السـيـوـلـ  
فـوقـ الجـليـدـ  
نـكـسـحـ ضـبـابـ اللـيلـ  
يـزـوـلـ

---

ننطح جبال الخوف تميد  
نطوي السراب طي الكتاب  
ونقابل الصبح البعيد  
نرجع  
نلاقي الدنيا نور  
يا مصر  
والإنسان جديد  
ننشي المداين والكافر  
في جوّ نور  
وبكل أيد  
ونجيب حليب العندليب  
في المهد  
للطفل الوليد  
ونشجّر التين والزيتون  
ضلليله  
فوق راس الشهيد

٦ أكتوبر ١٩٧٣

\* \* \*

---

## على بابك يا سرت

على بابك يا سرت  
نزل الوليد عِ الباب  
كما اللوز مفتر  
مَكْلَضَمَ  
مَكْشَرَ  
يُوأوا  
يَاوَا  
يَبَلَضَمَ يَبَوَا  
يَشْلَتْ بِرْ جَلَه  
يَشَوَّحْ بِإِيدَه  
يَطْبَطَبْ عَلَى امَه  
يَخْرِبَشْ فِي سِيدَه  
يَزَاحَمَ  
وَيَنْدَبْ وَسْطَ الزَّحَام  
يَبْعَدْ

---

## عن الصولجان والمقام

يمشي سنه  
يرجع هنا  
يزحف سهول وجبال  
يفضل كده جوآل  
يسووح يغرب  
ويرجع يقرب  
يسبيك بقهره  
يا ستى يا طاهره  
يجيلك يا زهره  
على ضهر مهره  
عنييه وأصليه  
وبعيون كحيله  
وغرره وهلال  
ولابس عقال  
وندرن على يا ستى الرئيسة  
لو المهره تسق  
واجيي الرهان  
لا بخر مقامك

---

واجيـب لك عروـسه  
وأسمـي العـروـسه  
حـلـوة زـمان

\* \* \*

مـدد يا أمـ هـاشـمـ وـنـظـرـةـ وـصـالـ  
لـعـاشـقـ  
مـالـوشـ فـيـ العـواـشـقـ مـثـالـ  
مـحـسـوبـ وـلـدـ مـحـسـوبـ  
لـلـسـتـ وـالـأـحـبـابـ  
وـاـكـمـنـهـ كـانـ مـكـتـوبـ  
دـخـلـ الـولـيدـ كـتـابـ  
يـتـعـلـمـ المـكـتـوبـ  
وـيـعـلـمـ الـأـصـحـابـ  
عـلـىـ بـاـبـكـ يـاـ سـتـ

١٩٧٢ / القـاهـرةـ

\* \* \*

---

## الشربة العجيبة

البلـي بـم بـم  
والـبلـي باـه  
قال لـك ايـه  
قال لـك آـه  
شرـبـه عـجـيـبـه  
من تـرـكـيـبـه  
بلـدـي  
يا بلـدـالـبلـي بلـي باـه  
قال لـك ايـه  
قال لـك آـه

\* \* \*

قال لـك  
أـكـلـ الـفـولـ بـيـقـوـتـ  
قال لـك  
حـشـوـ الـمـعـدـةـ يـمـوـتـ

قال لك  
صهين  
قال لك فوت  
كل دا كدب  
الناس كاشفاه  
زي ما كشفوا  
البلبي بلي باه  
قال لك ليه ؟  
قال لك آه  
أي مواطن يا ولداه  
زاده الفول  
لازم تلقاه  
عنه البنكرياس بطال  
والممساك  
فوق الإسهال  
عنه الرهقه  
عنه الدوخه  
عنه أنيميا  
عنه عيال

---

قال لك

ثم الجهل مصيبه

مؤلف ويأ العيا

تركيبيه

شرب منها

تعطش تاني

شرب

تعطش

شرب تاني

تعطش شرب

خمسه ف ستة

مية نار

لو طالت جته

لازمن تلحس

أشمن حته

يعني المخ يا خلق الله

آدي البير

وادي غطاه

والبللي بم بم

---

والبلي باه  
قال لك ايه  
قال لك آه

\* \* \*

قال لك تصبر ع المكتوب  
زي ما صبر النبي أیوب  
يعني  
تسلم للميكروب  
ياخذ رزقه  
بفضل الله  
يفضل ينحل وبرك لما  
تنترفط من وسط اللمه  
خايخ نخب السوس في عضاك  
خلا فوايمك  
ما هي شايلاك  
ويعالجوك الناس بالصبر  
مع إنك عيآن بالصبر  
قومك صبر  
ونومك صبر

لحد القبر يا حول الله  
وحياتك م الدار للنار  
تتولف عند العطار  
يسقيك الحكمه ف أشعار  
ويركب م الصبر دواه  
وتقرع  
والداء عمّال  
في عضام الأبعد نحال  
وتخلف للبؤس عيال  
وبهيه صبيه يا ولداه  
آدي البير  
وادي غطاه  
والبللي بم بم  
والبللي باه  
قالت لك آيه  
قال لك آه

\* \* \*

بعد الكشف بميكروسkop  
شفنا التوب

وَمَا تَحْتَ التَّوْبَةِ  
تَشْكِيلَةُ أَمْرَاضِ عَشَنَاهَا  
وَإِلَيْكُمْ فِي الْآتِيِّ  
دُواهَا  
وَصَفَةُ عَجِيبِهِ مِنْ تَرْكِيَّبِهِ  
بَلْدِي  
يَا بَلْدَ الْبَلْيِ بَلْيِ بَاهِ  
قَالَ لَكَ إِيَّاهِ  
قَالَ لَكَ آهِ  
وَجْعُ الرَّاسِ حِنْ عَالِجَهِ بِإِيَّاهِ؟  
قَالَ لَكَ تَدْئِي النَّاسُ الْقَوْتَ  
قَالَ لَكَ طَبُ وَالْجَهْلُ يَا بِيَهِ؟  
قَالَ لَكَ سَبِيلُ الْكَلْمَهِ تَفُوتُ  
طَبُ وَالْكَلْمَهِ تَفُوتُ إِزَايِ؟  
قَالَ لَكَ لَمَا الضَّلْمَهِ تَمُوتُ  
طَبُ وَالضَّلْمَهِ تَمُوتُ إِزَايِ  
قَالَ لَكَ لَازِمُ بِالنَّبُوتِ  
وَالنَّبُوتُ حِنْجِيبِهِ مِنْيَنِ؟  
قَالَ لَكَ لَمَا نَهَزَ التَّوْتَ

---

قال لك قدر خفنا نهز؟  
قالك

نشرب صبغة يوت  
حَنْطَهْ أَيُوب من صبره  
وتفجر كيد المكبوت  
ونقوق يونس من نومته  
ويفلق  
من بطن الحوت  
آدي البير  
وادي غطاه  
وادي وجعنا  
وادي دواه  
والبللي بم بم  
والبللي باه  
قال لك ايه  
قال لك آه

١٩٧٦ / القاهرة

\* \* \*

---

## القواعد الفصيح

سلمي يا عزيزه على الأستاذ  
فنان اليوم  
والمستقبل  
محمود محمود محمود الباز  
بنتي السنوره القموره  
على فكره  
بترقص ممتاز  
أرقصى يا عزيزة متتكسفيش  
محمود بقى منا خلاص ولا فيش  
يا عزيزه النيزه كوا النيزه  
كان ممكن  
تطلعى مركيزه  
نكي تم تكى تم تكى تم  
تم تم  
الرقص النقص يزريح الهم

---

تكى تم تكى تم تكى تم  
تم تم  
ويَمْشِي الحال  
ويجري الدم  
تكى تم تكى تم تكى تم  
تم تم  
على فكره يا كابتن محمود  
وبرغم الكبت الموجود  
أنا راجل ثوري ومتتحرر  
وعزيزه بتلعب ع العود  
إليبي يا عزيزه منتكسفيش  
محمود بقى منا خلاص  
ولافيشه  
يا عزيزه النيزه  
كو النيزه  
كان لازم تطلعى مركيزه  
ترالم ترالم ترالم  
ترالم لم لم  
العود النود

ببزیح الهم  
ترالم ترالم  
ترالم لم لم  
ويمشی الحال ويجری الدم  
أنا رأیي يا سید محمود  
وبرغم الصمت المقصود  
إنك فنان المستقبل  
ونشيد العصر المنشود  
قرئبي يا عزيزه من الأستاذ  
محمود ما بقاش محمود الباز  
محمود بقى منا خلاص  
ولا فيش  
يا عزيزه النيزه كوا النيزه  
كان لازم تطلعى مرکيزه  
ترالم ترالم ترالم  
لم لم  
العود النود  
ببزیح الهم  
ترالم ترالم ترالم

لم لم

ويخلی القعده شهية ياعم  
قربي يا عزيزه ما تتأخريش  
محمود بقى منا خلاص  
ولافيش

يا عزيزه النيزه كوا النيزه  
أنا رأيي إنك مركيزه  
هلام هلام هلام لم لم  
محمود النود بقى نازل هَمْ

هلام

هلام

هلام لم لم

وعزيزه النيزه  
تحب الهم

هلام

هلام

هلام لم لم

سجن الاستئناف / ١٩٧٣

\* \* \*

---

## الخط دا خطى

الخط دا  
خطى  
و الكلمه دي  
ليا  
خطى الورق غطى  
بالدمع يا عنى  
شط الزتون شطى  
والأرض عربى  
نسايمها أنفاسى  
وترابها من ناسى  
ولين رحت أنا ناسى  
ما ح تنسانيش هي  
والخط دا خطى  
و الكلمه دي ليا  
لاكتب على عيني

---

يحرم عليكِ النوم  
واحبس ضيًّا عيني  
بدموعي طول اليوم  
قبل الوفا بديني  
زي الصلا والصوم  
والدين في عرف الحر  
هم ومذله ومر  
وشجون تصون وتجر  
أحزان مخبيه  
والخط دا خطٌ  
والكلمه دي ليَا

\* \* \*

لاكتب على كفي  
والحبر من دمي  
يا همني كفي  
يا عزوتني ضممي  
أول ما ح نوفي  
بالوعد  
ح نسمى

---

باسم اللي ماتوا صغار  
في المدرسه والدار  
والمصنع اللي انها  
فوق الصناعيه  
والخط دا خططي  
والكلمة دي ليَا

معقل القاطر / ١٩٧١

\* \* \*

---

## منشور وطني علني رقم ١

أيها المواطنون  
أيها المواطنات  
مصر من طول السكات  
بتتاديكم  
تسمعون؟

\* \* \*

عطروني بالبارود  
كحلوني بالملعون  
عايز اغمض  
أو أفتح  
يرجع الشوف للعيون  
والقى سينا جوا حُضنِي  
والجنابين والزتون  
يا حبائبي  
يا جنودي

---

ما عساكم تفعلون

\* \* \*

يحكى من أمثال زمان  
كل وقت وله أدان  
يابهيه وخبرينا  
يعني أيه  
معنى الأدان؟

لما نصحي في الصباح  
والخلائق مجروحبين  
تبقى حي على الكفاح  
والسلاح يا مظلومين  
وأما نصحي بالسلام  
والخلائق مرتاحين  
تبقى حي ع الكلام  
والمناقشة يا أفلاطين

\* \* \*

أيها المواطنات  
مصرنا  
ست البنات

---

عايزه منكو  
تزوقوها  
وانتو أهل المكرمات  
عايزه عقد النصر وردي  
والحلق بالدلاليات  
عايزه طرحه وعايزه فرحة  
وعايزه ساعه م الساعات  
تعجنوا الحنه السويسى  
من زتون البيرات

\* \* \*

ما عساكنْ فاعلات  
أيهما الموطنات؟

\* \* \*

يا حياء الشعب يا  
مصر يا  
نور العيون  
الحياة والممات  
والمشانق والسجون  
والكلام والألام

---

والدسانتر  
والقانون  
والعساكر  
والدسانتر

كله في حبك يهون  
ليس فينا من جبان  
ليس فينا يحزنون

فينا طيبه  
زرع طيبه  
بس آه لو تعلمون  
لو يفيض الصبر بينا  
تطفح النار م الأنون  
لو يغطي الصعب سنا  
والعبور

يصبح جنون  
نرمي يا مصر العزيزه  
جسمنا فوق المنون  
وانتمي يا مصر الحبيبه  
عندنان جوا العيون

---

واحنا يا مصر الجميله حبنا  
فوق الظنون

القاهرة/ أكتوبر ١٩٧٣

\* \* \*

---

## حالة

ما بيعملش حاجه  
وما عندهوش كلام  
صرصار القهاوي  
هربان م الزحام  
غيبان عن وجوده  
يصحى  
عشان ينام  
ياكل مورتديلا  
ويقربع سخام  
ويقول لك  
دا موقف  
وبيبع لك الكلام  
فالعالم في رأيه  
منحوت من رخام  
شرقه زى غربه

---

كله مش تمام  
والربيع مزيف  
والنجم .. ركam  
والأمل خديعه  
والعمل حرام  
طب إيه القصيـه  
يا أستاذ حمام  
والحلول في رأيك؟  
يعمل نفسه نام  
وندور تلاقي  
صرصارنا الهمام  
يائس من حياته  
من صدمة غرام  
حاجه تعرف

القاهرة / ١٩٧٩

\* \* \*

---

## أوأه

أوأه المجنون أبو برقوقه  
عيره وبرانى وملزوقه  
نصاب  
ومنافق  
ودماغه  
مليانه مناطق موبوءه  
والنكته كمان انه حلنجى  
وعامل لي فكاكه  
وحندوقه  
مع إن الجحش  
أفهم منه  
والعالم  
فاهمه ومفلوقه  
بسالمته بيسرح قال بينا  
يعنى إحنا مواشى

يا زقرقه  
داحنا العريفة الحرifice  
غيرش الأيام المدعوقه  
شفت الولادات الشلبيه  
ليلة التحرير يا اسطى فاروقه  
أهو دولا ولا دنا وأكبادنا  
وقلوبنا عليهم مشقوقه  
يا سلام يا صلاة النبي أحسن  
على جيل العلم يا مرزوقه  
حلوين وحياتك يا بلدنا  
يا أم الخيرات المسرورقه  
إحنا اللي رمينا البذرائيه  
وروينا الأرض المعزوقه  
ونحن حصد بكره وحنغنى  
وعيون الخائن مخزوقة

معنقول القلعة/١٩٧٣

\* \* \*

---

## في المعتقل

في المعتقل يا سلام سلم  
موت وأتألم  
لكن لمين راح تنتظم  
والكل كلاب  
كلاب حراسه  
وكلاب صيد  
واقفين بالقيد  
يكفوا عنتر وأبو زيد  
ويهينوا دياب

\* \* \*

الكلب فيهم لا يميز  
ولا يتميز  
عن الغوريلا  
ومطير  
وبصفر وناب

ومدربينه يدق الكعب  
 فوق راس الشعب  
 يزرع ف قلبه الخوف  
 والرعب  
 من غير أسباب  
 غير أن شلة حراميه  
 وشمحطيه  
 عايشين فى مصر عواطليه  
 وبياكلوا كباب  
 عايزين يعيشوا  
 عرض وطول  
 على كده على طول  
 وان حد بلضم  
 سيدنا يقول جريئه يا كلاب  
 ع المعنتل  
 يرموه في الضيق  
 ما يلاقى صديق  
 وإداره  
 شغلتها التلفيق

---

تكتب له جواب  
وعن النيابة ومحاكمه  
وتقوم حاكمه  
عشان بلدنا بلد بكمه  
عاش الكذاب  
غير الصحافه ما تهول  
بفى وتأول  
وبعد ما الكدب يطول  
طلع في كتاب  
لكن يا مصر حبييجى اليوم  
ويطير النوم  
وكل ظالم أو مظلوم  
حيكون له حساب

معتقل القلعة / ١٥ مايو ١٩٦٩

\* \* \*

---

## بيان هام

هنا شقلبان  
محطة إذاعة حلاوة زمان  
من القاهرة  
ومن كردفان  
وسائل بلاد العرب  
والليابان  
ومن فترويلا  
وأيضاً إيران  
ومن أي دار  
أو بلد مستباحه  
بفعل السياحه  
مع الأمريكان

\* \* \*

هنا شقلبان  
محطة إذاعة حلاوة زمان

---

نقدم إليكم بكل اللغات  
مرا ساح و سيماء و جميع الفنون  
صحفه و منابر  
و تليفزيونات  
و خطباف جوامع  
وجبنه وزتون  
ونقزح و نركب جميع الموجات  
و نبحث و نفهم  
في كل الشئون  
ودايما نلعل في كل الحالات  
ولا حد سامع  
ولا يحزنون

\* \* \*

و تسمع ما تسمع  
دا ما يهمناش  
لأن احنا أصلا  
بنأكل بلاش  
فخليك في نفسك  
وما تخليناش

---

نَسْلَطُ عَلَيْكَ الْقَلْمَ  
وَاللِّسَانُ

\* \* \*

هَا شَقْلِبَانُ  
مَحَطة إِذَاعَة حَلَوة زَمَانُ  
يَسِرُ الإِذَاعَة  
وَمَا يَسِرُ كُوشُ  
بِهَذِي الْمَنَاسِبِ  
وَمَا بَنْدِعِي كُوشُ  
نَقْدَمُ إِلَيْكُمْ  
وَلَا تَقْرُفُوهُ  
شَحَاتَهُ الْمَعْسُلُ  
بِدُونِ الرَّتْوَشُ  
شَبِنْدَرُ سَمَاسِرَةُ بَلَادِ الْعَمَارُ  
مَعْمَرُ جَرَاسِنُ لِلْعَبِ الْقَمَارُ  
وَخَارِبُ مَزَارِعُ  
وَتَاجِرُ خَضَارُ  
وَعَقْبَالُ أَمْلَنَى  
أَمِيرُ الْجَيُوشُ

---

ما تقدرش تتنكر  
تقول ما اعرفوش  
ما تقدرش أيضا  
تقول ما اسمعوش  
شحاته المعسل  
حبيب القلوب  
يزيل البقع  
والهموم والكره  
يأنفس  
يأفين  
يبليع حبوب  
ويفضل يهلفط  
ولا تفهموش  
وتفهم ما تفهم  
دا ما يهمناش  
لأن أنت فاهم  
وعامل طناش  
ح تتنكر وتحلف  
ح أقول لك بلاش

---

ح تتعب دماغنا  
وتتعب كمان

\* \* \*

هنا شقلبان  
محطة إذاعة حلاوة زمان  
لأن المخبى ظهر واستبان  
وكل المسائل  
بدت للعيان  
وطلعت حكاوى  
ونزلت كمان  
عن التهريبيه  
وعن كيت وكان  
وعن محسوبيه  
وعن العبان  
ظهر في المدينه  
كأنه الطوفان  
وغرق مراكب  
وسوّح غيطان  
وبعض المراكب

---

ح تغرق كمان  
وأزمة مساكن  
وأزمة أمان  
وعالم بيأكل  
في عالم جعان  
وريبة مؤامره  
في جو المكان  
مخطط خيانه  
مع الأمريكان  
لدبخ العشيره  
وحرق الجيران  
وفيه ناس بتزغى  
ولازم بيان  
كما أبلغونا  
جميع الودان  
لهذا وذاكا .. وتلكم كمان  
نقدم إليكم  
عروسة وحصان  
شحاته المعسل

---

وهذا البيان

\* \* \*

هنا شقبان

محطة إذاعة حلاوة زمان

بسم الله

سلام عليكم

وسلمون وموز

وأما المسائل

فهنجف ولوز

فيا إخوتى

ويَا أخوات

إليكم بيانى

كما هو آت

\* \* \*

جميع المسائل

نِمَام التَّمَام

وكل الكلام دا

مجرد كلام

فصبراً جميلاً

---

ولا تقلقوش  
وشغل الضغاين  
أنا ما اقبلوش  
ما فيش أي حاجه  
على الطلاق والعتاق بالتلاته  
ما فيه أي حاجه  
وقدر كمان إن فيه أي حاجه  
ما فيش أي حاجه  
ما لوش أي لازمه الكلام  
واللجاجه  
وعيب أن عيل يسوق السماجه  
ويعمل لي باللو  
ويعمل ديباجه  
أنا بطبعى ضد السمساره الكبار  
بحكم المنافسه  
وحكم الجوار  
لكن مش ف طبعى  
إنى أعمل فضيجه  
لواحد زميلى

---

هبس كام صفيحه  
ما كل الزمايل  
بتهبس صفائح  
وكل اللي جاي  
ماشي زى اللي رايح  
فيها أيها الشعب  
صهين تفلعنص  
مساء التنفس  
مساء الروايج

\* \* \*

أخويا الأمير بزر ميط الإيراني  
بعث لى السنه دى  
عزمنى ودعانى  
أنا قبلت طبعا  
ورحنا العزومه  
وكانت وليمه  
ما تحصلش تانى  
دا إيه المحمر  
وايه المكمَر

---

وأيه المشمر  
وأيه الصوانى  
أنا دماغى تعبت  
ولفت صراحه  
من الفخخه  
والهنا الأصفهانى  
هناك يعنى مثلا  
إذا شربت طافيه  
تمز بكوراع  
وبسطرمه ضانى  
ما شفتش هناك  
ناس بتحقد عليهم  
ولا ناس بتشتم  
فلان الفلانى  
لأنه اشتري عزبتين  
من شطارته  
وحكمه إدارته  
وطلع مبانى  
وبعد الوليمه استلمنا الهدايا

مفضّض  
ومُذهب  
وقزّ وقيشاني  
وطبعاً أخوياً الأمير  
قال لى حاجه  
ح اقولهالكو طبعاً  
إذا الوقت ناسب  
ح يطلع لي عيل  
بدون أي حاجه  
ويعمل لي فلحس  
ويقعد يحاسب

دا حقد اشتراكى أنا ما اقبلوش  
ولو هو إبني أنا ما اعتقوش

\* \* \*

كلام عن سماسره  
كلام عن دعاره  
 حاجات مش صحيحه  
 جمل مستعاره  
 وعايزين يخلوا البلد

---

أرْدَغَانَه

وَعَايِزِينِي اسِيبُ الْبَلَد

مِنْ زَمَانٍ

وَأَنَا مَشْحُوشُ اسْلَمَ

وَاسِيبُ الْأَمَانَ

وَلَا بِالْبُولِيسِ وَالنِّيَابَهِ كَمَانَ

فِيَا أَيُّهَا الشَّعْبُ

كَمَلَ جِمِيلَكَ

وَصَبْرَا

وَأَلْزَمَ حَتِيجَى المَصَارِى

وَتَأْكُلُ وَتَشَرُّبُ

تَبَعُ مَا يَأْتِيكَ

وَتَغْرُقُ فِي بَحْرِ الْعَبِيدِ وَالْجَوَارِى

وَتَرْسُمُ حَيَاتَكَ

حَسْبُ مَا يَرَأِيكَ

وَتَمْلَأُ الْحَوَارِى

فَسَاقِي وَقَصَارِى

تَسْبُحُ بِحَمْدِكَ

وَتَشَكَّرُ جِمِيلَكَ

---

وفضل الزباله  
وطفح المجاري  
ختاما سلاما  
وآخر كلاما  
ضروراً  
يسود الهدوء والوناما  
فماذا وإلا  
ح طربقها واللا  
واهرب فلوسى  
واسافر قواما  
سلام عليكم  
وسلمون وموز  
بصفتى رئيسا  
وابيا  
وجوز

القاهرة/١٩٧٦

\* \* \*

---

## نوّاره

نوّاره بنتى النهار ده تبقى  
بتخطى عتبه  
ليوم جديـد  
يا رب خـلى  
يا رب حافظ  
يا رب بارك  
يا رب زـيد  
يا رب كـبر  
نوّاره تـكـبر  
وتنـقـى أـكـبر  
في كل عـيد  
لـأـكـل جـمـعـه  
لـأـكـل يـوـم  
لـأـكـل سـاعـه  
لـأـكـل لـحـظـه

تنول وتحظى  
وترزيد نباھه  
وترزيد ملاحظه  
وتحظى مصر السعیده بیهم  
ویبقوا لیها  
وتبقى لیهم  
غیطانها جنه  
وترابها حنه  
والنسمه خمره  
ف قرازه حمرا  
والنیل نجاشی  
ما فیش ما جاشی  
تملی بیجی  
أخضر مليجي  
دائما یوفی  
دائما یکفى  
كل الخلائق  
یصبح صباحه  
فلاحه یمشی

على شطّه عايق  
والدنيا صافيه  
والجو رايق  
ما فيش معاكسه  
ما فيش مضائق  
ما فيش عساكر وفهر تانى  
كل الأمانى بقت حقائق  
يا رب وفق  
يا رب وافق  
يا رب زيد  
واكتب عليهم  
في كل لحظه  
فرح وعيد

\* \* \*

بسكته بابا  
حاضر يا ماما  
وتقوم تدوسى  
عشان تبوسى  
وتنام فى حضنى

وتقوم ف حضنى  
وتعلمل العمله  
تملا حضنى  
الله يجاري البعيد شيطانك  
حماره كلبه  
مش عيب يا ماما  
كده البيحاما  
مش بابا قايل  
وماما قالت  
من طول ما حطت  
وطول ما شالت  
ساعَة ما تبقى الحكايه  
كخه  
يقولوا إِلَّا  
قوم يا ماما ؟  
بسكته بابا  
بسكته في عينك  
ما فيش معامله  
بيبني وما بينك

---

ياللا امشى قومى  
حماره كلبه  
باظت هدومى  
ما نقومش طبعاً  
ولا أي حاجه  
وكأنه مثلاً  
ما حصلش حاجه  
تقعد تكلضم  
وتلوي بوزها  
وتجاهلنی  
كأنی جوزها  
خاصمك يا بابا  
ما تكلميش  
ظف عظمتك  
ما يهمنيش  
ديتها بوسه  
او تهشيكاي  
او بسكتايه  
او بمدونايه

حتسوقى شغل النداله طبعاً  
وتروحى جاره الكلام معايا

وبوسه بابا

أديكى بوسه

سکر يا بابا

تدىنى بوسه

كده اصطلاحنا خلاص يابتى ؟

كده اصطلاحنا يا نوارايه

مش دى الحكايه

ولا انتى يعني

لأ

يعنى ايه ما تخرفيش

دى بتقى يعني

الحكاية يعني

ملعون أبوكم

ما تأخذينيش

لو كان في قصدك

أو ربع قصدك

أو كنتم حتى

---

ما تقصديش  
أن انتى يعني  
خاصمك يا بابا  
ح تخصمي  
أطلع ما فيش  
أبوکى أيوه  
ما كانش حاجه  
لكنه حاول يعيش لحاجه  
وجيل أبوکى  
كان يعني حاجه  
وجيلك انتى  
حبيقى حاجه  
ومصر تبقى النهارده حاجه  
وبكره حتما  
حتبقى حاجه  
وأى حاجه  
وما تكونش حاجه  
إلا وسببها  
في الأصل حاجه

---

وبكره لَمَّا

قمر كُو يطلع

والشمس تسطع

فوق كل حاجه

حتقولوا

كان في المكان دا ناس

فيهم طيابه

فيهم حماس

وفي حماس

بعضش عباته

وكانوا آخر الأمر

ناس

وكان زمانهم سجون

وكانوا

ما بين سجونه وأمر يكانه

وبين ضباب الطريق حيارى

ما حد قادر يشوف مكانه

حتقولوا كانوا

وياما كانوا

وياما شربوا  
وياما عانوا  
وياما جالهم  
وياما جيلهم دفع  
وكان التمن أمانه  
وياما ناس في المسيره  
مشيت  
وناس ف نص المسيره خانوا  
حتقولوا كانوا  
أو ياما كانوا  
لكن ح بيقى في الأمر حاجه  
إن اللي عربد  
ما سابش حاجه  
وساب كلابه  
على كل حاجه  
تهيش وتنتهيش  
في كل حاجه  
ما قدرش يقتل في أي حاجه

---

روح التفاؤل  
بكل حاجه

القاهره / ١٩٧٣

\* \* \*

---

## يا فلسطينيه

يا فلسطينيه  
والبندقاني رماكو  
والصهيونيه  
نقتل حمامكو ف حماكو  
يا فلسطينيه  
وأنا بدی أسفار حداکو  
ناري في إديه  
وإديه تنزل معاکو  
على راس الحيه  
وتموت شريعة هولاكو

\* \* \*

يا فلسطينيه  
والغربه طالت كفايه  
والصحراء أنت

م اللاجئين والضحايا  
والأرض حنت  
للفلاحين والsequايه  
والثوره غايه  
والنصر أول خطاكو  
يا فلسطينيه  
والثوره هي الأكيده  
بالبندقيه  
نفرض حياتنا الجديده  
والسكه مهمما طالت  
وباتت بعيده  
مد الخطاوی  
هو اللي يسعف معاکو

\* \* \*

يا فلسطينيه  
فتام عليکو البشاره  
بالنصره طالعه  
من تحت ميت ألف غاره

---

والشمعه والعله  
والأمريكان بالخساره  
راجعين حيارى  
عقلال ما يحصل حداكو

القاهره/١٩٦٩

\* \* \*

---

## بأحبك

بأحبك بأحبك  
بأحبك بأحبك  
بأحبك بأحبك بأحبك  
يا مصر  
مسايا وصباحى  
أسبح بحبك  
وحبك شفایا  
وجراحى يا مصر  
واسافر بحبك  
واميل زى ميلك  
وتحلا الخطاوی  
في حبك يا مصر  
واحب اغترابى  
في صبحك وليلك  
واحب الونس بالرفاقه

---

يا مصر

\* \* \*

نتم الدموع في العيون الهواجع  
وتسرد دموعي  
في حبك يا مصر  
تهون السجون  
والشجون  
والمواجع  
ويغلا مع القهر حبك  
يا مصر  
ولو يحبسوني  
ولو يشنقوني  
ولو فكروا بالعذاب  
يبعدونى  
ح اقرب واقرب  
ومش ممكن أهرب  
وتنزل دموعي على خدوبي  
تشرب  
تلaci الرموش والخدود والمباسم

---

مراسم  
وصورتك عليهم يا مصر  
بأحبك بأحبك  
بأحبك يا مصر  
القاهرة ١٩٧٩

\* \* \*

---

## الأُخْلَاق

مناعة أرزاق  
جلابة أرزاء  
يا سخامه يا لطامه  
ياللى اسمك أخلاق  
إزيك ايش حالك  
ايه آخر الأنباء  
دبحوكى؟  
سلخوكى؟  
خلوکى أشلاء  
ما أنا قايل وسمعتى  
بس انتى اللي طمعتى  
في بلدنا يعزوکى  
مسکوکى دقوکى  
بدماغ الدقماق  
بالقاضيه الفنـيه

صرعوكى السجانه  
حبسوكى  
في قضية  
مرفوضة وخسرانه  
والتهمة الجنائية  
اكمنك إنسانه  
وخدوكى الشرطيه  
وعساكر الهاجانه  
وأبو لكنه فرنساوى  
طلبال ومتناوى  
بيغنى اشتراكاوى  
والعالم طرشانه  
وأبو عسكر جراميه  
ببيرطع فى تكيه  
ويقول اشتراكيه  
والناس  
لسه جعانه

\* \* \*

يا هليله يا فضيله

---

يا بقاعة المهاجـيل  
بلا وكسـه  
بلا نـيله  
بلا هـفـة مـخـالـيل  
دى بلدـنا  
ولا حـوـلا  
ما بـقاـش فيـها عـلـاـولـه  
وعـوـضـنا عـلـى المـوـلـى  
في ولـادـنا الشـمـاـيل  
بـإـدـيـنا وـرـجـلـينا  
أـسـنـا وـعـلـيـنا  
وـعـلـمـنا اللـى عـلـيـنا  
جيـل يـطـلـع وـرـا جـيـل  
ويـقـولـوا اـبـنـوا الـبـكـرـه  
وـالـبـنـى آـدـم ذـكـرـه  
نـتـحـمـس لـلـفـكـرـه  
مـن كـتـرـ التـطـبـيل  
وـأـخـيرـاً وـلـا آـخـرـه  
أـخـلـاقـنا بـتـاخـرـه

---

ومهازل  
ومساحر  
وهزيمه  
وتضليل

القاهرة/١٩٦٧

\* \* \*

---

## قل أعودو

قل أعودو  
مَدَ بوزه  
الجبان  
اين الجبانه  
كل غداننا  
قام لقانا  
شعب طيب  
كل عشانا

١٩٦٨

\* \* \*

---

## سايجهون

أبْجَدْ هُوَرْ  
حُطَّى كَلْمَنْ  
إفتح صفحه  
إمسك قلمُنْ  
إكتب زى  
الناس ما بتتطق  
سقطت سايجهون  
رفعوا العلمنْ

\* \* \*

طلعت شمس اليوم دا  
أغاني  
كل ما نسمع  
نعشق تانى  
طلعت شمس اليوم دا  
حريقه

---

تشفى الجرح  
وتبرى الألمُن

\* \* \*

سايجون عادت للثوار  
فوق الدم  
وتحت النار  
جَدُوا فوجدوا  
زرعوا  
فحصدوا  
واحنا إدينا للسمسار  
واللى قالوه السمسار جيه  
واللى حكاه السمسار دار  
لما قروه القروانجيه  
بالمستعد والمendar  
هتش ونش  
بعزم الصوت  
عن أمريكا وهوأمريكا  
زعموا الفانتوم  
شاييل موت

---

سقط الموت بعلم أمريكا  
جانکو فضیحه  
يا طبقة سطیحه  
واعامله فضیحه  
وجاییه العار  
قراؤنچیه  
وكتبنچیه  
وسمسارچیه  
وسمساردار

\* \* \*

سايجون دره يا ثوار  
عادت حره  
للأحرار  
داحنا حنشبع بكره أغاني  
إسمع واحفظ يا كتبانى  
واثبت عندك في الأوراق  
مصر بتتصفح بالأسواق  
مصر عروسه  
وبكره عريس

---

والعشاق احنا العشاق  
فيما وبينا ولينا الثوره  
احنا الثوره  
وهي الناس  
فيما الماضي  
وبينا الحاضر  
والمستقبل  
هو الناس

١٩٧٤/ القاهرة

\* \* \*

---

## الشعب الزين

تكرم عين الشعب الزين  
في عمان  
وفي القطرين  
شعب عنيد  
يقول ما يريد  
وشنوا ما يقول  
ع الراس والعين  
ويما مروح زرع بالجاي  
تكرم عينك يا أبغضائي

\* \* \*

تكرم عين شبيه ملاح  
يفدوا الثوره  
بالأرواح  
شالوا بجنب الليل سلاح  
وحطوا الرقبه

---

ع الكفين  
ونحنا زلامكم  
يا ثوار  
ولو بتزيدوا  
نعدى بحار  
ولا رجعيه  
ولا استعمار  
بتفرق بين الأخين  
ويما مروح زعق بالجاي  
تكرم عينك يا أبصاى

\* \* \*

تكرم عين الفدائيه  
مصابيح الأمة العربيه  
ع طريق الوحده الحتميه  
من حد المغرب  
للشريقين  
وشو شبك  
يا لللى تريد لبنان  
غريب الأهل  
عن الأوطان

ع طرابلس  
حوّد من شان  
تشوف لبنان  
رايح عاوين  
ويما مروح زعق بالجاي  
تكرم عينك يا أبضاء

\* \* \*

يا فلسطين يا جرح الناس  
ويما مسبب أو جاع الراس  
بتضل تسهر حراس  
هموم القلب  
ودمع العين  
ولا يلمك غير جرح جديد  
ونز رصاص  
ودم شهيد  
وسيف بتار ونار وحديد  
تعيد الحق ترد الدين  
والرايح يز عق بالجاي  
تكرم عينك يا أبضاء

معتقل القنطر / ١٩٦٩

---

## حسبة بِرْمَا

### بمناسبة زيارة ابن الهرمه

كشف الرافضين  
ببطاريه ماركه - نانسين -  
يهوديه عربيه  
سته مشاغبين  
وستمهه سته وستين  
واتنين صناعيه  
سبعه مداررين  
وسبعمهه سبعه وسبعين  
غاويين شيو عليه  
ألف وستين  
وربعمهه  
منهم عشرين  
وتلاته وطنيه

أما الباقيين  
فألف ميه وثمانين  
طلاب وشضليه  
تسعه وثمانين  
من اللي راحوا ف تشرين  
تحت المعديه  
يبقى موافقين  
حسب انضباط القوانين  
والحسابه شر عيه  
تسعه وتسعين وتسعميه وتسعه وتسعين  
من ألف في الميه  
أجرى التدوين  
بمبني بندر قافشين  
وبلجنـه مدنـيه  
طرطور الدينـه  
رئيس نـيـابـه هـابـشـين  
وشـكـوكـو عـدوـيه  
وحـسـين حـابـسـين ضـاـبـط مـبـاـحـث عـابـدـين  
والست سـريـه

---

لجنة  
عشرين  
شبرا ومغاغة  
وقلين  
أسوان دقهلية

القاهرة/١٩٧٤

\* \* \*

---

## دیستان

فالیری جیسکار دیستان  
والست بتاعه کمان  
حیجیب الدیب من دیله  
ویشبع کل جعان  
یا سلاملم یا جدعان  
ع الناس الجنتمان  
داحنا حنتمنجه واصل  
وحتبقی العیشه جنان  
التلفزیون حیلوَن  
والجمعیات تتکون  
والعربیات حتمون  
بدل البنزین  
بارفان  
وتحصل نهضه عظیمه  
وحتبقی علينا القيمه

في المرسح أو ف السيماء  
أو ف جنينة الحيوان  
وحتبقى الأشيا ز لابيه  
ولا حوجه لسوريا ولبيا  
ونحن عمل وحده أر ابيا  
مع لندن والفاتيكان  
والفقرا حياكلوا بطاطا  
وحيمشو بكل ألاطه  
وبدال ما يسموا شلاطه  
حيسموا عيالهم

جان

ودا كله بفضل صديكى  
ديستان الرومانتىكى  
ولا حدش فيكو شريكى  
في المسكن  
والسكان

القاهرة ١٩٧٥

\* \* \*

---

## محكمة

إسمع وشوف ما حصل  
برضه السمع واجب  
قاضى المظالم وصل  
وأتأكد الحاجب  
غمز بعينه لمره  
وراح مكسكس ورا  
القاضى قال محكمه  
وهو قال  
مجزره  
مع إنه كان قبلها بدقيقه  
عامل عون  
نازل شتيمه وأذى  
في عساكر الكراكون  
مجهوص بيقرأ الصحف  
ويرد ع التليفون

ويمر من وسطنا  
وكانه نابليون  
وفجأة فز اتنر واقف على حيله  
كرشه الجسيم انهطل  
أنا قلت دا ديله  
قول حبتين وانتصب  
باسم العداله ميزان  
دموغ بكلمة شرف  
مش كلمة السلطان  
ممكن يشيل الهرم  
ويتخ من شعره  
حسب الظروف والعلل  
والرك ع الوزان

\* \* \*

أول قضيه شطح  
سمى الرعيه جاموس  
ثاني قضيه نطح  
قال ع الضحية  
جاسوس

---

تالت قضيه وأنا في الأصل  
راجلها  
سألنى إيه تهمتك  
أنا قلت أجّلها  
لما الميزان ينصلح  
ويلاقى وزانه  
ومن الصباح للمسا  
ربك يعدلها

معتقل القاهرة/١٩٧٠

\* \* \*

---

## ع اللي حاصل

ع اللي حاصل في الحواصل

يا سلام

يا سلام

الكلام عايزة إذاعه

والوطن عايزة كلام

والإذاعه مُستباعه

للمياعه في الغرام

والبلد آخر مجاعه

والجماعه في انتخام

واللى يخشى إيه يمشى

جيم وريه ودال ولام

ينفع الكلمه الرصاصه

ع القصيدة وع المقام

تدوى زى الرعد

تدوش

---

تهنـك اللـيل وـاللـنـام  
يـنكـشـف جـسـم الـحـقـيقـه  
تـظـهـر النـقطـه الـحرـام

\* \* \*

يا سـلامـلـم يا سـلامـ  
وـالـوطـن عـاـيـز كـلـامـ  
وـالـإـذـاعـه مـسـتـبـاعـه  
قولـياـعـمـ الشـيـخـ إـمامـ

\* \* \*

ما حـنا قـلـنـا مـ الـبـدـايـهـ  
وـأـنـتـوا عـارـفـينـ الخـتـامـ  
حيـثـ وـإـنـ الصـالـهـ بـوـظـهـ  
وـالـحـضـورـ نـيـامـ نـيـامـ  
وـالـمـجـالـ فـيـهـ أـلـفـ قـاضـىـ  
كـلـ قـاضـىـ وـلـهـ مـرـامـ  
وـالـشـهـودـ نـسـيـوـاـ الشـهـادـهـ  
وـالـقـضـيـهـ وـالـكـلـامـ  
وـالـقـفـصـ لـمـ الضـحـاياـ  
وـالـهـلـالـىـ لـمـ قـامـ

قلعوه روب المحامى  
لبسوه توب لاتهام  
والنيابه ع الغلابه  
طبقت بند اللجام

\* \* \*

يا سلاملم يا سلام  
والوطن عايش آلام  
والإذاعه مستتابعه  
قول يا عم الشيخ إمام

\* \* \*

بينما والحاله نيله  
والبلد بالعه الفتيله  
والخواجه بآلف حيله  
جاي يلغوص فى البرام  
يحكوا عن أسطري الفلاسفه  
إنه أفتى  
ولا أفسى  
في القضيه الهيكليه  
وain دى

---

ما هوش منافسه

\* \* \*

وأنت مالك يا أسطي فلس  
جاي تحسس أو تملس  
الخواجه لاما فلس  
جاب دفاترينه القدام  
دشش الباترينه تبعه  
شد شعره  
غض صابعه  
إنت ايه شأنك تتابعه  
أما مخك مش تمام  
شالوا هايكل  
جابوا علوه  
كلهم في الهم بلوى  
إنت شوف لك سهره حلوه  
بكام قزازه وجوز حمام  
واحنا شايفين الخواجه  
واللى جايبيين الخواجه  
واحنا كاشفين

---

كل حاجه  
وانت تنتيل تمام

\* \* \*

ع الهياقه في الكلام  
شوف يا عم الشيخ إمام  
خلق فاضيه  
وعامله قاضيه  
وهي موضع لاتهام

\* \* \*

بينما شهدانا لسه  
دمهم أخضر .. ولسه  
جرحهم في القلب لسه  
بيواجعنا  
لو ننام  
وان صحينا  
تلقى غابه  
ضبعت فيها الديابه  
والغلا كاوى الغلابه  
والكابه ع الزحام

يحكوا عن واحد صاحبنا  
كان أمين دائرة صاحبنا  
والدواير  
قرع داير  
عِ الجمِيع قَرْنَ صاحبنا  
نزل العداد وهاتك  
واعلا  
وانزل بجنيهاتك  
خد مراتى  
وهات مراتك  
كله ماشى يا عب سلام  
واما ريحه القرع فاحت  
ع اللي بانى  
واللي فاحت  
والإشعاعه  
جت وراحت  
جابوا تفسير المنام  
فضحوا فنانه في زمانها  
بعد ما الزمان غبنها

---

رحنا مصر وجيئنا بنها  
واحنا سارحين في الكلام

\* \* \*

يا سلام يا سلام  
والوطن عايش آلام  
وإذاعة مستباعه  
قول  
يا عم الشيخ إمام

القاهرة/١٩٧٥

\* \* \*

---

## ورقه .. من ملف القضية

- = إنت شيوعى  
- أنا مصراوي  
= إنتو مصايب  
إنتو بلاوى  
- ممكن أعرف مين الأول  
بيكلمني  
إحنا نيابة أمن الدولة  
- دولة مين  
= دولة مصر  
- مصر العشه  
ولا القصر  
أيوه حنبدى ندور ونلف  
حاجة تترفز خالص  
إف  
- مالك ... شايل طاجن خالك

- 
- = لم لسانك ما تخرف  
- أنا ما اقصدش اهانتك طبعاً  
= أيوه استعبيط  
- لا ما اعرفش  
= ايه رأيك في سفارة كوريا  
- ايه رأيك في قضية مصر  
= مصر ف وحده  
هي وسوريا ولibia  
ولازم يبحى النصر  
- بيجى منين وازاي ولمين  
= آدى كلام الشيو عيين  
- أنا من حقي  
= حق ف عينك  
- أنا بتكلم بيئي وبينك  
= يعني كلام بره التحقيق  
- إذا كانش يسبب لك ضيق  
= طيب قول  
- مين مسئول؟  
= مين مسئول عن أية يا أخينا  
- ع اللي جرى لنا ف غزه وسينا

= أنت شيوعي أكيد وطاو عندي  
فض دماغك من دي قضيه

شعبنا جا هل

مهما تقول له

مش حيامن بالشيوعيه

- ما الشيوعيه في فييتنام

إيه رأيك فيهم يا همام

- مش بطال مش بطال

لكن إحنا.. ورانا عيال

- طب ما نحارب

لجل عيالنا

يطلعوا أسعد من أجيالنا

= أنت الظاهر مخك فاضي

وحتتعبني معاك ع القاضي

وأنا ببحث معاك بكفائية

إيقي انفلسف عند القاضي

- هي قضية؟

= لا ملوخية

أمّال فاهم إيه أمّال

هي الدولة دي لعب عيال

- ممکن أعرف أنا هنا ليه  
= أيوه حتعرف  
أمال أيه

يوم خمسة وعشرين الماضي

إيه مشاك عند التحرير

- تحرير إيه يا جناب القاضي  
= أنا مش قاضي

- بكره تصير

= بطـل غـلـبـه وجـاـوب دـوـغـرـي

- أنا غـلـبـاوي كـدـه من صـغـرـي

- كل الشـيوـعـين أمـثـالـك

آخر غـلـبـه وقلـة ذـوقـ

يـحـصـلـ أـيـةـ لـوـ تـمـشـيـ فـ حـالـكـ  
فاـكـرـ نـفـسـكـ مـيـنـ

ما تـفـوقـ

- لـوـ رـاحـ اـفـوقـ

مش من مصلـحتـكـ

= أنا معـجـبـ جدا بـصـراـحتـكـ

إـيهـ رـأـيـكـ فيـ حـكـاـيـةـ الـطـلـبـةـ

- حاجـهـ عـظـيمـهـ وـبـشـرـهـ خـيرـ

= أنت دماغك ينفع جزمه  
- وأنت لسانك ينفع سير  
= آخرس قطع لسانك سافل  
- كتر خيرك  
= مخك قافق  
مین وداك بقى عند الطلبه  
رایح ضمن المندسين  
- رحت أناقشهم واسمع منهم  
= تسمع منهم أيه يا سي طين  
دول عايزين الدنيا تولع  
علشان أصلا  
مش فاهمين  
هي الحرب يا عالم لعبه  
دي بتتكلف بالملائين  
= وأنت حتدفع أيه من جيبك  
- أمال ح ادفع من جيب مین  
= انت حمار وخدوك في مشبك  
رحت هناك زي الباقين  
عاملين لجنه  
وقال وطنية

مش ممكن دول وطنين  
وجماعة أنصار الثورة  
وفلسطين وهبب الطين  
ما نخلينا يا سيدى في حالنا  
مالنا ومال الفدائين  
هو أحنا اللي نهينا بلدهم  
دول عالم صيئ فاقدين  
قتلوا الرجال عند الشيراتون  
واحنا اللي طلعننا القاتلين  
- وصفى التل دا كلب وخاين  
= أهو كل العالم خاينين  
واحد صاحبي مراته مرافقة  
وهو مرافق  
بيجي عشرين  
أمريكا بتزعل وبتحرن  
هو أحنا يا عالم ناقصين  
مش نستعتبر  
م اللي جرالنا  
ونعيش بقى زي العايشين  
دي عيال عملا للشيو عليه

واحنا عدو الشيوعين

- روق دمّك بس يا بيه

مين مساعدكو بقالكو سنين

= بيساعدونا صحيح يا سبي بعجر

علشان أصلاً مش فاهمين

إحنا حيلتنا منين نديهم

ونسددهم بالملابين

= يمكن يعني قضية مبدأ

- مبدأ مين وزكايب مين

هي دي عالم تعرف مبدأ

دوا لا باقول لك

ناس مجانيين

اختر عولنا السد العالي

علشان نبقى اشتراكيين

اشتراكيه هناك ف بلدتهم

واحنا ف دارنا

نعيش حرّين

عايزين الفلاح الجا حل

يتساوى بالمحترمين

وكمان قال

تحديد ملكيه

أبو ألفين

يدُوه خمسين

شغل ملاحده و عالم كفره

ومخالفين أحكام الدين

والعمال رخرين اسم الله

فاهمين روحهم

بني آدمين

ناس عايزين الحرق بولعه

ودا كله من الشيوعيين

نشروا لنا الأفكار السودا

أولاد الكلب الملاعين

مين وداك بقى عند الطلبه

انطق قول

اتكلم مين

- هما الطلبه ايه مطالبهم؟

= أنت حستجوبني يا شاطر

- لا مش قصدي

بس أنا بأسأل

كانوا طالبين كراريس ومساطر

و لا مطالب ميه الميه  
كل الشعب مآمن بيها  
= دول طالبين حرب وشعبية  
مبن مجانون بقى  
حيمشيهها

عايزين يدوا الرتش سلاح  
علشان تحصل فيها مجازر  
أنا لو أشوف حلوف فلاج

شايل شومه  
لازم أهاجر  
- لازم بيته وبينك دم  
= دم ف عينك

هُنْ اتلم  
ثم نحارب ليه  
وبايده

بسلاح ما يموتش بعوضه  
- روق دمك بس يا بيه  
الحرب ضروره ومفروضه  
واهو نفس سلاحنا المظلوم  
في فيتنام دابح أمريكا

= دي طبيعة أرض يابني آدم  
- بطلوا بقى كدب وبولوتيكا  
طب ما الهند بنفس سلاحنا  
في باكستان  
بعزقت الغرب

= رأيك يعني ضروري أن احنا  
وحتما يعني نخش الحرب  
طيب

حاضر  
فين المخبر  
حتغير رأيك  
بالضرب

يناير / ١٩٧٢

\* \* \*

---

## نيكسون جاء

أَبَتْثَجْحَ

الْفِباء

جونسون روح

نيكسون جاء

قولوا هاؤُوْ

أو قولوا هاء

على صحفتنا

الغير غراء

\* \* \*

ذات صباح

يا فتاح

بالجرانين على ريق النوم

جم على سهوه

كبسوا القهوه

وابتدأوا فتضييع اليوم

اللي يقول النصر نميس

ينفع تاكسي

ويمشي رميس

واللي يقول الفورد يا بيه

أجعص من أجعصها جعيص

واللي يقول جونسون دا حمار

راجل

عقله عقل صغار

راجل تيس

من غير حيث

ينصب ألف جنازه بطار

بس أهو راح

وحنرتاح

وحنتحجح بقى ونقول

يخرب بيته

ويدلق زيته

ويعيش نيكسون لنا

على طول

نيكسون عال

مش بطال  
واللي يقول غير كده  
مفيقول  
شفت كلامه  
إلا كلامه

صح كلام راجل مسئول  
ولا عندي  
ياختي عليه

فيهم سكس ما هوش معقول  
واللي يقول يا بقر يا شراكسه  
نيكسون ما له ومال النكسه  
واللي يقول بلوتنا كبيرة  
واللي يقول فضوها السيره  
واللي يقول مين المسئول  
واللي يقول  
واللي يقول

\* \* \*

شوفوا بقى يعني  
ما تفلقونيش

---

آدي صحافتنا

وغيرها ما فيش

مش عاجباكو ما تلومونيش

قولا هاو أو

أو قولوا هاء

على صحافتنا

الغير غراء

القاهرة / ١٩٦٩

\* \* \*

---

## ساتيا جراها

إلى روح المهاتما غاندي محرر الهند العظيم

ساتيا جراها  
ساتيا جراها  
تبرى السقم  
وتشفى العاهه

\* \* \*

لف المغزل تاني تاني  
إغزل توبك  
واغزل تاني  
ملعونه السلعه البرانى

واللي جلبها  
واللي قناتها  
ساتيا جراها  
ساتيا جراها

\* \* \*

---

ساتيا جواها  
تعني سلام  
لا سلبيه ولا استسلام  
لكن  
لكن خطوه تسير قدام  
بالشعب  
إن هب وخطاها  
ساتيا جراها  
ساتيا جراها

\* \* \*

يا ولاد الهند يا غافلين  
وبقى لكم ع الحال دا  
سنين  
البقره تحت السكين  
وخلاصها ف كلمه  
ومعناها  
ساتيا جراها  
ساتيا جراها

\* \* \*

---

تجمع شعب  
انغرب  
تاه  
ضاع من بعضه  
يا ولداه  
مش فاكر  
غير كلمه آه  
من عله استعصلت  
ودواها  
ساتيا جراها  
ساتيا جراها

القاهرة / ١٩٦٧

\* \* \*

---

## قال الراوي

الحلم في العلم  
بكره اللي جاي اخضر  
والشعر في الحلم  
فارس بيتمطر  
راكب حصان السبق  
شاهر حسام قاطع  
رایح يجیب النبأ  
زی النهار ساطع  
ويطلع الشمس  
فوق النهار لا غیر  
يا سامع الشعر فكر  
تشوف أكثر

\* \* \*

حكايتها كانت  
من قديم الأزل

---

ولسه كاينه  
وياما لسه تكون  
طول ما العمار مسكون  
يالغفلانيين ياما  
طول ما الغضب مسجون  
جوَا الصدور ياما  
طول ما احنا متعاركين  
والشمتانيين ياما  
طول ما احنا نبقى كده  
والجهل فوق كل دا  
ممکن نعيid الحكايه  
من أول المشوار  
وتلف بينا الرحايه  
دوار  
ما بعده دوار  
ويخش ديب الصباريا  
في عباية السمسار  
ياكل فراخنا العنّاقى  
ويبدئح اللي صغاري

---

الحلم يتأخّر  
والشعر يتبخّر  
ويغرس الشّمس  
بحر الضباب لا صِفَر  
يا صاحب العقل فَكَرْ  
تشوف اكتر  
وحدوه

\* \* \*

---

## من فضلکم

- من فضلکم وبإذنکم  
- من فضلنا وبإذنا  
دلوقتی حنقدم لكم  
- دلوقتی حتقدم لنا  
- سیده الأغا وكلب الأغا  
سمسار حارتانا يلبعا  
حنش دماغه في المحيط  
وديله سايبه عندکم  
من فضلکم وبإذنکم  
- من فضلنا وبإذنا

\*

\*

\*

- من فضلکم سیده الأغا  
نصاب وغاوي الفنطره  
- نصاب وغاوي فنطره  
- وبإذنکم كلب الأغا

---

سايق عليكو العنظره  
- سايق علينا العنظره  
- يعني الأغا وكلب  
متسارعين بجهلكم  
- من فضلکم وبإذنکم  
- من فضلنا وبإذننا

\* \* \*

- من فضلکم سيده الأغا  
ما لوش وطن غير سوق وبار  
- مالوش وطن غير سوق وبار  
- وبإذنکم كلب الأغا  
عنهه الإله هو الدولار  
- عنده الإله هو الدولار  
- يعني الأغا وكلب الأغا  
متمجهين من فرکم  
من فضلکم  
وبإذنکم

\* \* \*

---

شُمُلُ الْحَبَابِ فَرَطْ  
بَعْدَتْ أَمَانِنَا  
وَالنَّدَلْ لَمَّا احْتَكْ  
بَاعْ وَاشْتَرَى فِينَا  
يَا غَرْبَهْ جَوَّا الْوَطَنْ  
يَا وِحدَةَ الْإِنْسَانْ  
لَمَّا قَصْرُ عَقْدَنَا  
طَالَتْ لِيَالِيْنَا

\* \* \*

---

## تاجر

تاجر نزل سوق  
غزاله  
مع الدلال  
قرئب يدوق العسل  
نهر الدموع شلال  
شرب عديم التنا  
من دمعنا المسفوح  
زاد في السعار والغنا  
من خسه الدلال  
أخص  
إخص  
إخص.. على كده

\* \* \*

---

## اطلع من دول

اطلع من دول يا أبن الأباليس  
اطلع من دول يابن الهرمه  
تلبسوا قفاطين  
تلبسوا تلليس  
أنت النخاس  
وإنت البورمه  
غير هلاهليك  
يا خواجه  
وهدوم دلاديلك  
يا خواجه  
وإن شا الله تخش في تلاجه  
يا خواجه الناجه كوا الناجه  
حتشيل سمسارك في شكارك  
وحتطلع  
واكل .. بالصرمه

---

## بلغ أبريم

يا بلح أبريم يا سماره  
سواك الهوى في العالى  
هوبيت

على طمي النيل يا سماره  
وشربت عكار  
لما استكفيت

بس احلوبيت قوى يا سماره  
لما اسمريت قوى يا سماره  
لقيت الشارع والحاره  
على زي نقاونتك فين  
ما لقيت

\* \* \*

يا حلاوه بنار الشمس النور  
يا سمار وعمار الصحراء البور  
شباك الهوى

---

داير ما يدور  
حواليك

أتاريك دبت وطبيت  
بس اغلويت قوى يا سماره  
لما اندليت قوى يا سماره  
ونزلت الشارع والحاره  
سوقك

لا رخصت ولا اندليت  
يا بلح أبريم  
يا سماره

\* \* \*

حصنت بعقدك صدر الناس  
من شر النخاس الخناس  
بابو قلب لا سوسه  
ولا سواس  
ورقيتك يا اسمر  
واسترأيت

الضم حبابيك بقى يا سماره  
وافتح شبابيك لقا يا سماره

---

على جو الشارع  
والحاره  
تغلو زياده  
وتملأ البيت  
يا بلح أبريم يا سماره

\* \* \*

## يا بهيه

يا بهيه وخبرينا  
ع اللي جتل يا سين  
في الصحرا وفي المدينة  
اليوم دا ومن سنين  
ناس تمشي  
وناس تجينا  
واحنا متبعترین  
ولا صاري ع السفينه  
ولا مربط للهجين  
والدنيا بتجري بینا  
واحنا متاخرین  
يا بهيه ولملمنا  
نطرح مليون ياسين

\* \* \*

---

## دعا الكروان

دار الفَلَك  
في مغزاك  
طول السنين  
ما أمناك  
يا ناسج الروح  
في الحياة  
الحب لك  
والخلد لك  
أنت الأزل  
وأنت الأبد  
والهالك  
اللي يجهلك  
"يا شعب"  
يا نبض الوجود  
الحُكم لك

وَالْمُلْكُ لِكُ. الْمَلَكُ لِكُ. الْمَلَكُ لِكُ

\* \* \*

اللَّيْلُ حَلَّاً

وَالْبُوْمُ

سَلَّاً

وَالْبَحْرُ

عَطْشَانٌ مَنْهَلَكُ

وَالسَّهْمُ طَاشُ

اسْقِي العَطَاشُ

إِنْتَ الْكَرِيمُ

وَبِنْسَلَكُ

يَهُوذَا خَانُ؟

أَكْمَ يَهُوذَا

وَبَاعَ مُسِيحُ

لَا يَهُوذَا دَامُ

وَلَا جَرْحُ

بِيَلَازُمُ جَرِيحُ

مَلِيُونُ يَهُوذَا

خَانُ أَمَانَكُ

---

وأنهلك  
وفضلت باقى  
ع السواقى ومنجلاك  
يفرش حصیر القمح  
فوق دم المسيح  
وأنت الجريح  
تیجي الأطبا وتسالك !!  
ما أغببك  
ما أنجبك  
ما أحملك  
ما أنبلاك  
" يا شعب "  
يا روح الخلود  
الحكم لك  
والمُلَكُ لك المُلَكُ لك  
الملك لك

\* \* \*

## الصوت المصري

(١)

فيه قاضي اتعَّين قاضي  
بِيرد جميل مولاه  
بَيْبع الذمه "بنكله"  
ويشرد خلق الله  
لمجرد إن الحاكم  
طلعه ف الصورة معاه!

(٢)

فيه قاضي أساساً  
قاضي  
ومعَقد من جواه  
وباباه كان أصله حرامي  
واترقى "بفضل الله"  
ودا يحبس كل الشرفا

ل مجرد  
يرضى بباباه!

(٣)

فيه قاضي صحيح  
مش فاضي  
حاكم  
بحدود الله  
ودا صنف عزيز  
"في بلدنا"  
زي الألمااظ.. تلقاه  
وأنت القاضي اللي ميز انك  
وجدانك  
عمره ما تاه..

(٤)

كان حُكمك  
"فعلاً قاضي"  
ع الخاين. والّي وراه

كروان  
ف الليله الضئله  
بيطلع. وامصراءه  
الله ع الصوت المصري  
الله الله الله

\* \* \*

---

## شوباش طزان

زغروطه للحزب الجديد  
حيَدِمُ الحزب اللي فات  
ويحطّم السكه الحديد  
ويكسر المستشفيات  
ويقرب المستبعدين  
ويبعِد المستقربات  
ويركب المستبسطين  
ويبيسّط المستركبات  
ويحلل المستربطين  
ويربط المستحّلات  
ويعجز المستقدرين  
ويقدّر المستعجّرات  
ويرجع الأيام سنين  
ويعيد زمان المعجزات

مع إنْ طرزان الوليد  
ذات نفس  
طرزان اللي مات !!

\* \* \*

---

## إصحى يا مصر

اصحى يا مصر  
اصحى يا مصر  
هزّي هلاك  
هاتي النصر  
كوني يا مصر وعيشي يا مصر  
مذى إديكي  
وطولي العصر  
أصحى وكوني وعيشي يا مصر

\* \* \*

إصحى يا عامل مصر يا مَذْعَع  
وافهم دورك  
ف الورديه  
مهما بتتعب  
مهما بتتصنع  
تعبك رايج

"للرامي"

جهدك عملك

رزق عيالك

عرقك مرقك

ولا يهناك

إصحى يا عامل

غير حالك

صون المصنوع

واصنع مصر

إصحى وكوني وعيشي يا مصر

\* \* \*

إصحى يا زارع مصر الخضراء

قدره وخضره

ونور وجمال

ابدر غيطك

واحْمِي الْبَدْرَه

ضد الأفه

والاستغلال

أرضك عرضك

---

باب الدار  
صَبُحُوا مَذَاسِه  
لِلسَّمْسَار  
نَعْطَشِ  
وَلَا نَشَرَبُشْ عَكَار  
وَصَقَهْ قَالُوا الْحُكْمَا يَا مَصْر  
إِصْحَى وَكُونِي وَعِيشِي يَا مَصْر

\* \* \*

إِصْحَى يَا جَنْدِي  
يَا تَارِ الشَّهَدا  
عَمِي وَخَالِك  
أَخْتِي وَأَخْوَك  
لَجْلَ ما تَهَدَأْ وَتَارِكِ يَهْدَا  
فَرَغْ نَارِكِ فَالِّي خَانُوك  
يَابِنِ الشَّعْبِ يَا حَامِي الشَّعْبِ  
أَنْتَ امْلَنَا فِي يَوْمِ الصَّعْبِ  
إِصْحَى يَا جَنْدِي وَدُقَ الْكَعْبِ  
حَرَرِ مَصْرِ وَطَهَرِ مَصْرِ  
إِصْحَى وَكُونِي وَعِيشِي يَا مَصْر

---

## جنون لبنان

إلى حضرة...  
عيون الأهل والأوطان  
واعفوا

عن سبب جهلي  
تمام الاسم والعنوان  
واعفوا

كوني أشرف  
بأنني اليوم إراسلكم  
ولا أنزل منازلكم

\* \* \*

أنا إنسان بسيط  
مجهول  
ماليش في الهيئة شان وكيان  
لانا دكتور من الجامعة  
ولا شاعر

ولا فنان  
ولا محسوب من المحاسبين  
ولا باتحظر في الإعلان  
ولا عالم  
ولا عالمه  
بتطلع صوري في الجرnan  
أدينا في العذاب صحبه  
و فوق نفس الطريق  
سايرين  
ومهما تبعد الصحبه  
أكيد وأصلين  
ومتقابلين

\* \* \*

لخويَا زناتي  
كان منكم  
ويتكلم كثير عنكم  
حكي لنا زمان  
"وكان موجود"  
عن الزعتر

وعن مسعود  
وعن سلمان  
وعن سلمي  
حكاوى تشيب المولود  
وعن عبله  
وعبير الورد  
وعن عنتر  
هزيل العود  
وعن إنسان  
بيات إنسان  
ويصبح في الصباح  
طوريبد

\* \* \*

زناتي يجز على نابه  
وهو بيحكي لصحابه  
ولاد الكلب دول يا ولاد  
منظار  
إنما أو غاد  
نهار مالموا لمنهم

برمّتهم  
ورمّتهم  
وعُبُوا الغدر ف سلاحهم  
وسنوا سنان خيانتهم  
نهارها الجو كان اسود  
سود بصفار  
وجوف الأرض بيطلّع  
خراب ودمار  
وكان يوم القيامه صحيح  
على الأطفال  
وع المغارب  
وكان برضك نهار أغبر  
على الأندال  
وعكس الريح  
لأن الشهداء م الثوار  
لأولوا الضهر  
والأدباء  
ولا خانوا الحمي والدار  
وعاشوا كبار

وماتوا كبار  
وفوق الخد بسمتهم  
آدي الحاجة اللي كادتهم  
ويسكت لحظة يتأمل  
ويرجع تاني ويكمel  
ولاد الكلب آخر منهم  
يبيعوا بالدولار دينهم  
ولاد الكلب آخر منهم  
حييجي اليوم وأحاكمهم  
وراح مسكين  
في ذات مره  
ما نالش مرامه بالمره  
زناتي الباقيه في حياتكم  
خدوه لارناكا  
مات برءه  
خدوه إزاي  
ومات إزاي  
أهم قالوا أنه كان رايج  
يدافع عن شرف بلده

زناتي

اللى اتولد مظلوم

وعاش محروم هنا ف بلده

خدوه قبرص عشان رايح

يدافع عن شرف بلده

ومهما نقول

ومهما نعيد

حنفل

والسلب حيزيد

خلاصه القول ومعنى القصة والموال

سلامي للجميع واجب

نسا ورجال

خنادقكم

بنادقكم

وبرضه عشمنا في الآتي

وهلبت القريب آتي

أخوكم في الكفاح والهم

وبكره

في السلاح والدم

---

## موال فلسطيني مصرى

يامه مويل الهوى  
يامه مويليا  
طعن الخناجر ولا  
حكم الخسيس فيها  
الصبر حلم العواجز  
يطرح زهور الأماني  
والقهر عدى الحواجز  
وأنا اللي واقف مكانى  
شايف غيطان البشائر  
خايف. وكان إديا  
حتى الحمام اللي طاير  
ما رضيش يرفرف عليا  
يامه مويل الهوى  
يامه مويليا  
طعن الخناجر ولا

---

## حكم الخسيس فيا

\* \* \*

سألت شيخ الطريقة

ما رضييش يجاوب سؤالي

وداري عنى الحقيقة

وفاتني حابر ف حالى

سألت شيخ الأطبا

دوا الجرح اللي بيا

نظر لي

نظرة محبه

وقال دوايا بآيديا

يامه مويل الهوى

يامه مويليا

طعن الخناجر ولا

حكم الخسيس فيا

\* \* \*

يا مصر وانتي الحبيبة

وانتي اغترابي وشقايا

وانتي الجراح الرهيبة

وانتي اللي  
عندك دوايا  
علمني حبك عباره  
سهله  
وبسيطه  
وعفيفه  
شرط المحبة الجساره  
شرع القلوب الوفيه  
يامه مويل الهوى  
يامه مويليا  
طعن الخنادر  
ولا  
حكم الخسис فيتا

\* \* \*

---

## يا عرب

يا عرب  
يا عرب  
يا عرب في أي مصر  
يا عرب  
يا عرب  
اسمعوا صوت شعب مصر  
احفظوا مصر المكان  
واحنا ع العهد اللي كان  
مصر أوفى م الزمان  
وانتموا عارفين شعب مصر  
يا عرب  
يا عرب  
يا عرب يا أهل مصر

\* \* \*

اللي خانوا العهد بينا

واستباحوا كل حاجه  
واستهانوا بالعروبه  
واستكانوا للخواجه  
مستحيل  
حيكونوا منا  
إحنا حاجه  
وهما حاجه  
هما باعوا البنديه  
والوطن والجلابيه  
وإحنا أصحاب القضيه  
إحنا ما بنبعش مصر  
يا عرب  
يا عرب  
يا عرب يا أهل مصر

\* \* \*

يطلع الدجال بزيفه  
يملا بحر النيل ضباب  
ينزل الجلاد بسيفه  
يزرع الموت والخراب

يطول الليل زي كيفه  
الصباح له ألف باب  
وإحنا بوصلتنا في أدينا  
ما تخافوش م الليل علينا  
مهما غبتو عن عينينا  
انتوا جوه في قلب مصر  
يا عرب  
يا عرب  
يا عرب يا أهل مصر

\* \* \*

سينا ولا  
يافا ولا  
حيفا ولا  
دير ياسين  
إسألوا الشمس اللي هاله  
ع اللي صحيوا مبدرين  
يزوعوها  
نور وغله  
دول جدوننا

ولا مين؟  
حقنا وحتما يعاد  
بس لو بانت سعاد  
والبيان ده  
له معاد  
والمعاد  
ح يكون في مصر  
المعاد  
ح يكون في مصر

\* \* \*

---

## انتظار

باستظرك  
باستظرك  
رغم القساوه  
ف منظرك  
لحظة هروبك يا رب اب  
م الحب  
لما استنصرك  
باستظرك  
باستظرك

\* \* \*

باستظرك  
رغم الشتا  
والبرد والرعد المخيف  
باستظرك  
في الشارع المشغول

بأو حال الرصيف  
أنا أصلني حاسب موعدك  
وعارف اللي بيبعدك  
وأنا اللي خابر  
تبقى مين  
وأنا اللي صابر  
من سنين  
وباعد لك  
بالثانية عمرى  
واعد لك  
مطرح في بستان الأمل  
وبامدلك  
وف كل خطوه  
أمد لك أيدي اللي  
شققها العمل  
مدى الخطاوي يا حبيبتي  
وقدمي  
وأن كنتي خايفه م الطريق  
اتبسمى

يا شمس ياللي ضحكتك

قمر

ينور سكتك

أنا اللي عشقك

عزني

وانتمي الله عشقني

مستترك

باستظرك

يا جرحى يا حلمي العنيد

باستظرك

يا مصر يا حبي الوحيد

وحتيجي يوم وتصدقني

عشقي الأصيل وتحققني

حلمي الجميل وتزوجني

عمرى اللي ضاع

مستترك

باستظرك

باستظرك

\* \* \*

---

## استغمايه

غمي عيونك  
سد ودانك  
افتح بقاك  
قول حرفين  
أنا فين؟

\* \* \*

الشاطر فيكو  
يحرز فزر  
في دققتين  
والأسطر منه اللي يحرزها  
في غمضة عين  
والأسطر خالص  
ما يحررش. يقول أنا فين  
والأسطر أسطر  
اللي بيص يشوف بالعين

أنا فين؟

\* \* \*

فيه ناس اختلفت  
في الموضوع  
وحكاوي اتفاالت  
عن مواضع  
والناس لا مؤاخذه  
في زمن الجوع  
يتعشوا كلام  
يفطروا تشنبع  
فيه واحد  
شافني بلده ولاسه في باب اللوق!  
والثاني  
لمحني بقفصين موز  
على باب السوق!  
والثالث  
شافني في كاديلاك راكب  
مع بنتين !!!  
والرابع

---

شافني في طنطا  
بابيع بلابيع ونشوق!  
وصحافة الصاوي  
والورداوي والجمال  
وأباظه ولا ظه  
وبباقي الشراميط والأندال  
بتتأكد جداً  
جداً جداً بالتدقيق  
إن أنا محبوس  
وباروح يومياً  
للتحقيق!  
طب أصدق مين  
وأكدب مين!  
ما هي حاجه تخول ليها عاقل  
وأنا مجنون  
وباكلم نفسي  
وعقلي صراحة ما هوش مضمون  
لو كنت بلبلده ولاسه  
وماشي في باب اللوق

---

طب أيه مشاني مفلس جدا  
جنب السوق؟  
لو كنت بدأت  
"كتاجر فاكهة"  
وبقفصين  
مش كنت زماني  
علم طمبه  
وجوز اتنين؟  
لو كنت في كاديلاك  
زي ما قال التالت بيه  
ومعانيا بنات  
زي الشربات  
طب ح انزل ليه؟!  
لو كنت يا طنطا  
بابيع بلابيع  
وسلط وبخور  
مش كنت زماني  
مدير الجامع  
أو مأمور؟

وصحح الصاوي  
والورداوي والجمال  
حابسين أفكار الناس في بلدنا  
وعال العال  
إياك قاصدين  
إن أنا مسجون  
زي الملايين؟  
كده يبقى تمام  
ولأول مرة  
بقم صادقين!  
بس أنا لا مؤاخذه  
وبالتدقيق  
ما حصلش معايا  
ولا تحقيق  
مش حاجه تحير؟  
طب أنا فين!  
حررتوا خلاص؟  
فزررتوا خلاص؟  
أنا ساكن قلبي  
ومتونس

بالناس  
و الناس الونسه كتير  
مالين القلب  
وز احمينه  
سارحين في الدم  
وف التفكير  
وجنайн قلبي العمر انه  
بالناس الأزهار العصافير  
سايعاني  
وسايعه اللي باحبه  
وتساعى معانا  
رفاقه كتير  
شاييفين أنا فين؟  
الساطر فيكو  
يخرز فزر  
في دققتين  
والأسطر طبعا  
حيحررها في غمضة عين  
أنا فين؟

\* \* \*

---

## طهران

صباح الخير يا طهران العزيزه  
صباح النصر  
وبلوغ المNAL  
على عودك  
عزفنا الفرحة غنوه  
وقلنا الشعر  
وركبنا الخيال  
أديكي صحيتي بعد النوم  
عروسه  
ولا كل العرائس في الجمال  
شهوتك ناس  
ومهرك ناس يا غاليه  
يا أغلى الناس  
حلال فيكي الدلال  
نداكى ضحكه

في عيون العذاري  
وسمسك فرحة ف عيون الرجال  
ونسمة صبحك الصاحي  
 بشائر

لبكره الآتي  
بالعيد للعيال  
وغنوة عندليبك  
في العلالي  
شراب العاشقين  
بعد الوصال  
صباح الخير  
يا طهران الوفيه  
صباح النصر  
وبلوغ المNAL

\* \* \*

---

## أول الكلام

كلامنا عن إيران  
ما لوش طبعا مكان  
في إعلام الخيانه  
وصوت الأمريكيةان  
لإن الأمن شايف  
بأن الأخ خايف  
ليلزق على الشفائف  
وويلبس في الودان  
كلام عن الخيانه  
ومن عالم جعاته  
فتظهر الإدانة  
على الشاه اللي خان  
نه يعني ثوره  
ما تقبلش المناورة  
وفضح وكشف عوره

---

وآخر بهدان  
فليه الأمن يرضى  
يبحبح للمعارضة  
دي عالم يابا مرضى  
وأغلبهم جعan  
وهكذا الطريقة  
طناش  
على الحقيقة  
فتبقى الناس  
عرية  
وتسمع شقلبان  
لهذا  
أو لذلك  
حنمشي في المسالك  
ونطلع م الزمالك  
نخش الترجمان  
وكلمنتنا نقولوها  
حليب من بز أبوها  
فناسنا يسمعواها

فيحصل ببغان  
فهات ودنك يا خلي  
أقولك وأنت قوللي  
وسيباك م اللي واللي  
ونحكي  
عن إيران

\* \* \*

---

## الفريحة

فرحانين فرحانين فرحانين  
كل ثورة  
واحنا دائمًا فرحانين  
اللي ماتوا في المعارك  
فرحانين  
واللي حضر واللي شارك  
فرحانين  
واللي ساكنين الخنادق  
فرحانين  
واللي ماسكين ع المبادئ  
فرحانين  
واللي شايلين شوق لفكرة  
فرحانين  
واللي حاملين هم بكره  
فرحانين

واللي معدتهم جعane  
فرحانين  
واللي كلمتهم أمانه  
فرحانين  
إحنا ملح الأرض  
وتراب العجين  
كل صناع الوجود والمبدعين  
عد موج البحر  
ونجوم الليالي  
عد رمل الأرض واكتر  
م السنين  
كل ثورة واحنا دايماً  
فرحانين  
كل ثورة واحنا دايماً  
فرحانين

\* \* \*

---

## الرعب

مرعوبين مرعوبين مرعوبين  
مش باقولك يا حبيبي  
مرعوبين  
اللى كان فاكرينه عنتر  
مرعوبين  
واللى رقصوا في حضن كارتراى  
مرعوبين  
واللى سافروا الجولدا ماير  
مرعوبين  
واللي بيغلوا السجاير  
مرعوبين  
والنسايب والقرائب  
مرعوبين  
والمشايخ في الزكايب  
مرعوبين

---

والسفاك المصري كاني

مرعوبين

والفراخ الأمريكي كاني

مرعوبين

كل حكام الخيانة المأجورين

والسماسرة والحشم

والطباخين

مهما حاولوا يخوفوكوا

بالعساكر

فتشوهم

حتلاقوهم مرعوبين

مش باقولك يا حبيبي

مرعوبين

\* \* \*

---

## الثورة

مارد رفض وانتقض  
زلزل عروش العار  
الشمس ولا الجبل  
ولا المحيط هدار  
ولا القمر في السما  
فجر سحاب النار  
ولا الربيع انتشر  
غطي الوجود ثوار  
ولا النشيد انطلق  
عالي على الأسوار  
طير سلاح الحرس  
من لمسة الأوتار  
ولا نسيم الصبا  
ولا هو الإعصار  
أنت الجميع كلهم

والكل فيك حضار  
يا شعب لما رفض  
يا شعب لما اختار  
سطر بدم الشرف  
انشوده للأحرار  
نار الخيانه حطب  
نار الشعوب  
صبار

\* \* \*

---

## الهلوسة

أنا متأسف جداً جداً  
عندِي سؤالٌ  
متلخفن جداً  
أيها واحد  
لو يجاوبني  
أنا متشكر  
 جداً جداً  
 كلنا طبعاً نعرف جداً  
 ان خميني الجامد جداً  
 بعد الثورة  
 وكشف العوره  
 قال بالصوت الواضح جداً  
 إن مفيش لعصابة بيجن  
 ولا بنزوله  
 لما حدتن

كلنا برضك  
نعرف جداً  
إن خميني الجامد جداً  
أعلن هذا  
قوللي لماذا  
قالك ثورة شعب إيران  
ملك الشعب العربي كمان  
والمستقبل  
غير الفايت  
يعني التار العربي البايت  
يتأخذ  
أبا عن جداً  
كلنا أيضاً عارفين جداً  
أن مناحم  
حيس جداً  
وانفتحت ف رقبته قزازه  
واترسمت لعصابته جنائزه  
وابتعتر هو وأعوانه  
وانخفضت أمريكا

عشانه

وأتهزت واترعبت جداً  
ودا كان هايل  
جدا جداً

علي حين فجاه  
جدا جداً

زي الشيء التافه جداً  
طلع الشاهنشاه الكورو  
إتمطبع جيص من زوره  
عايز يثبت ليهم دوره

إنه عملي

ومعفن جداً  
قال الشيء التافه جداً

قصده يطمن بيجن جداً أنه بتاعه وملو دراعه  
ضد خميني  
الجامد جداً...

والبترول ياخذوه من سينا  
والمركب ترسي في مراسينا  
واحنا اخوات

وبنوع بعضينا  
وحانتمنجه جداً جداً

من غير ولا صهيوني مايدن  
ممكن أسأل  
 جداً جداً

يبقى الشيء التافه جداً  
خاين جداً جداً؟

ولا مهلوس  
 جداً جداً؟  
أنا متشرك جداً جداً.

\* \* \*

---

## الأقوال المأسورة

المجد للشاه  
في الأعلى  
وبالناس المذلة  
وعلى الأرض  
الخراب  
" شاهبور باختيار "   
من سفر ما قبل الخروج

\* \* \*

حبيبك وصاحبك  
صاحب حبيبك  
كلام كله فارغ  
عديم المعاني  
إذا الندل صاحبك  
يصاحبك لعله  
وتسمع كلام

زي كدب الأغاني  
وأنا اللي اشتريت الخسيس  
بالخساره  
وبعد الأصيل  
اللي يا ما اشترااني  
وأول ما هبت  
رياح النهاية خلعني الخسيس  
من صباعه ورمانني  
" الشاهنشاه رضا فهلوی "  
من سفر الخروج

\* \* \*

أخويا الأمير  
بزرميط الإيراني  
وعظني ونصحني  
وسلك ودانني  
لإن اللي نابه  
يا حبه عنياً  
ما يتخلوش  
أي كاتب أغاني

---

دا كان لسه قاعد معايا  
النهارده  
ولابس خواتم دهب  
أمريكانى  
صحيح الشعوب  
بنت كلب ولثيمه  
وممكن  
تربيح العروش في ثوانى  
"واحد صاحبنا"  
من سفر ما بعد الخروج

---

## الندالة

يا كارتز يا ندل  
حبيبك وصاحبك  
صاحب مراتهك  
وتبقى أنت صاحبه  
وصاحب مراته  
وكان والده أيضا  
صاحب حماتك  
وكان برضه والدك  
صاحب حماته  
وطول عمره نافد  
على استخباراتهك  
وشغال جاسوسك  
على استخباراته  
وقاعد يزود  
رصيد ملياراتك

وسارق  
وشائل معاك ملبار اته  
وراجل مامنك  
وخلين ضميره  
 وخايف  
 وحاطط في أيدك مصيره  
 ودابح في حبك  
ألف الضحايا  
ودايس في طين الدنس  
والخطايا  
يقوم لما يطبق عليه المحيط  
تطنش يا كارت  
وتعمل عبيط  
وتخلع  
وتتسى الحمار والغبيط  
وتأكل عيالك  
بدون وجه عدل  
صحيح  
أنت ندل

---

## الخالق الناطق

إيران يا مصرى، زينا  
كان عندهم..  
ما عندنا  
الدم هو دمنا  
والهم من لون همنا  
تمسك ودانك من قفالك  
تمسك ودانك من هناك  
الخالق الناطق هناك  
الناطق الخالق هنا  
الأرض حبلى بالربيع وبالغنى  
والجو  
مشحون بالقصايد والغنا  
والشمس  
فوق الكل تشبه شمسنا  
والثوره

---

ملو الأرض والناس والبنا  
بس العصابة الأمريكية  
مرربعه  
فوق الغلابه  
والديابه مضبعه  
والصحفية العرصبيه الأربعه  
لبسين صاجات  
وكل حاكم له غنا  
تمسک ودانك من قفاك  
تمسک ودانك من هنا  
الخالق الناطق هناك  
الناطق الخالق هنا

\* \* \*

نفس البلاوي  
ع الغلابة متناته  
من فقر شوف وهم خوف  
نازل بلا  
والقهرا زاد  
والسيف على رقاب العباد

والمخبرين زي الجراد  
ملو الخلا  
والفنانين الموسمين  
والفنانات  
دول شغالين  
تبع وزير الإعلانات  
يحصل جواز  
يحصل طلاق  
يحصل ممات  
دول مبسوطين  
ومأججين طول السنن  
تمسك ودانك من قفاك  
تمسك ودانك من هنا  
اللّي حصل فيهم هناك  
لازم حيحصل  
عندنا

\* \* \*

---

## التضليل

دا شيعه  
واحنا سنه  
دا فين ومصر فين!  
عايزين يدخلونا  
نظام ودنك منين  
وناس تقول شيوعي  
وعامل نفسه شيعي  
عشان خايفين طبععي  
ليبيتوا ثورتين  
يا أسيادنا اللصوص  
قرينا في النصوص  
لو الإنسان يلوض  
يغورووا الفرقتين  
وشفنا في الكتاب  
لقينا الدين حساب

وثره وانتساب  
وعين تساوي عين  
سرقتوا الثورة منا  
وقلتوا الصبر منه  
وعقب الصبر جنه  
وباب بمقاتلين  
ودان الملك ليكو  
وشاع الكفر فيكو  
وزاد الفجر بيكون  
عملتوا إسلامين  
وكفروا الإمام  
وطفشتوا الحمام  
خلاصة الكلام..  
يزيد ولا الحسين!

---

## آخر الكلام (الدرس)

آه يا خي  
وآه يا خي  
كنا نملا الدنيا ضي  
بس آه  
لو كنا زي  
ألف آه  
وآه يا خي

\* \* \*

كنا جينا الشمس  
من برج الأسد  
واديناها للعيال  
غزل البنات  
يطبعوها ع الهدوم  
والكراسات  
يشبكونها

ورد في شعور البنات  
ينظموها  
عقد من شر الحسد  
يضوئ نوره  
لما يضوئي  
كل حاره وكل حي  
بس آه لو كنا زyi  
ألف آه  
واه يا خي

\* \* \*

كنا والمظلوم إذا هاجم  
جري  
كنا لو كان السلاح في يدنا  
والمعارضة  
يد واحدة عندنا  
دنسنا شاهنا  
وأمريكانه بنعلنا  
وابتدينا الثورة  
من أوسع طريق

---

كان تمنتاشر ينایر  
في الشوارع لسه حي  
بس آه  
لو كنا زي  
ألف آه  
وآه يا خي

\* \* \*

---

## صندوق الدنيا

بانوراما الدنيا فونيا  
صندوق الدنيا عصري  
الصوره من أميركا  
والصوت من جوه مصرى  
لو تفهم كل قصدي  
أو هب لك نص قصري  
واكتب لك الوصيه  
على جناح الحمام  
وانترج يا سلاملم  
وانترج يا سلام

\* \* \*

---

## السيما

شوف عندك يا سلام  
وانتدرج يا سلام  
أفلام القرع كوسه  
حتقدم فيلم خام  
من مخرج الروايج  
ومسبب الزكام  
عن قصه واقعيه  
من تشخيص المدام  
والفيلم لجل خاطرك  
واخد مليون وسام  
وانتدرج يا سلام  
ع السيما يا سلام

\* \* \*

الناس ملهيه وساكته  
والصاله بتشغل عيون  
والفيلم مطلع ريحه  
والناس مش لاقية لمون

---

عيل فرحان بسبابه  
ومغرق شعره صابون  
مشكلته.. ما بيخلفشي  
ومراته كمان بتخون  
ودلال بتحب عطيه  
وعطيه جدع مجنون  
لازق في زبده التشه  
اخت الأستاذ مأمون  
اللي مراته أم قداره  
اخت محمد سعدون  
جوز تانت ماريكا الهمله  
اللي مرافقه المأذون  
اللي معلق نبويه  
بنت الأستاذ مأمون  
الفيلم اتعقد خالص  
جايدين له شجيع مجنون  
دب خنaque في خماره  
وشالوه على البيت معجون  
البطله حشرب نجه

---

مبروك  
وصل المأذون

\* \* \*

عنتر

شوف عندك يا سلاملم  
وانترج يا سلام  
عنتر بنى الشواربى  
فارس ما فيش كلام  
بالشنطه السامسونايت  
والنضاره السيكام  
يهزم جيش الضرايب  
والدوله والنظام  
ويطلع في المضاربه  
ويراهن بالمدام  
وانترج يا سلاملم  
على عنتر يا سلام

\* \* \*

سلی الجمارك والإداره  
يا عبله يا حته حماره  
عن لعبة التهريب وعنى  
يا بنت مالك العماره  
صاحبتي فيكي الف فارس  
وجبتهم لك المغاره  
عملتني فيها نص فله  
ولبسنی برقع الطهاره  
عشان سی عبده  
دا بوی فرنندک  
أبو الشوارب مستعاره  
يا هبله  
يا أم دماغ رومانسي  
يا مؤخراني في التجارة  
دفعت فيكي دم قلبي  
وطلعني بيشه بالخساره

\* \* \*

## علة

شوف عندك يا سلام  
وانترج يا سلام  
على عبله بنت مالك  
عمارة السلام  
تلوعة النوادي  
اللي انقطمت مدام  
خيوبه في المدارس  
لهلوبه في الغرام  
تعشق في الثانية دسته  
شوف تبقى الساعة كام  
وانترج يا سلام  
على عبله يا سلام

\* \* \*

عبدوي يا حبيبي  
يا كلب يا لئيم  
عشان وفة شواربك  
باغير من الحرير  
وابات أسمع داليد

واهيم في عب حليم  
واعض في المخده  
وأطير مع النسيم  
وأكلم مامي عنك  
وخلاتي أم إبراهيم  
باحبك  
يا مغفل  
وأروح فيك الجحيم  
وبابي الحاج مالك  
مبارك يا غشيم  
ولو عنتر يبلضم  
حياكل بالقديم

\* \* \*

## جائزة نوبل

سوف عندك يا سلاملم  
واتفرج يا سلام  
مواطن  
شخص عادي

---

ما لوش أي اهتمام  
ومبارك الخيانه  
ومسميه السلام  
وفي يوم قرأ الجرائد  
تاریخ ما اعرفش کام  
من يومها يا ضنايا  
بيشقلب في الكلام  
واتفرج يا سلاملم  
على شقلب يا سلام

\* \* \*

لما محانم جيبن يادخ  
زايجه لو بن  
يعني مناحم بيجن  
يأخذ جائزه نوبل  
تبقى النوديا  
يعني الدنيا  
ماشيه بتهدف بالمندار  
يبقى الشهر انتاشر ساعه  
يبقى اليوم

ليلتين ونهار  
يبقى القاتل  
شخص ضحية  
والمقتول مجرم جبار  
شفتوا إزاي؟  
أما صحيح الطب اتقدم  
و هنا ما وصلتاش أخبار  
أيوه يا لجنة لو بن بيه  
قاعدہ إزاي بتلحني إيه  
أنا مش فاهم حاجه صراحه  
لما القاتل يأخذ جائزه  
كده من دون تلبیخ وإياحة  
يبقى  
يا إما اللجنہ دي بايظه  
او لا مؤاخذه  
رئيسها حمار  
يبقى يا لجنه يا عره يا كوسه  
جتنا وجتكوا ستين حosome  
يبقى في هذا الزمن المايل

---

ياما حتجري علينا هو ايل  
تبقى الكلمه بدل الكلمه  
والكاتب يمسك منشار  
يبقى الراعش  
يعني الشاعر  
يسكن شقه في بيت  
في قصيده  
يكتب فول  
يأكل أشعار

\* \* \*

## الانتخابات

شوف عندك يا سلام  
واتفرج يا سلام  
ع المدعو دومه عيسوي  
وزير الأمن عام  
في الفصل الانتخابي  
من مرح السلام  
سارح بالباطجية

والهجامه القدام  
عشان ضمان عبوره  
من دائرة لانتقام  
وانقرج يا سلاملم  
على عيسوي يا سلام

\* \* \*

العيسوي بيه	-
العيسوي بيه	-
صاحب البوكسات	-
العيسوي بيه	-
والحبسخانات	-
العيسوي بيه	-
ملك اللومانات	-
العيسوي بيه	-
والمعتقلات	-
العيسوي بيه	-

\* \* \*

بشرى لجميع الهباشه  
العيسوي

رمز الطفашه

سبحان الله

من أومباشه

حكم المأمور يا ما شا الله عليه

- العيسوي بييه

- العيسوي بييه

\* \* \* \* \*  
بشرى لجميع الحشاشه

العيسوي بييه

رمز الماشه

سبحان الله من أومباشه

بقى كل الامن العام في إديه

- العيسوي بييه

- العيسوي بييه

من أجل ضمان الحرية

لجميع تجار الباطلية

العيسوي بييه ميه الميه

حيخلي القرش

بربع جنيه

---

العيسوي بيه -  
العيسوي بيه -  
خليكوا فاكرين -  
العيسوي بيه -  
تنتخبوا مين -  
العيسوي بيه -  
فليحيا أمين -  
العيسوي بيه -  
أبن أم أمين -  
العيسوي بيه -  
العيسوي بيه -  
العيسوي بيه -

\* \* \*

## فزورة

شوف عندك يا سلاملم  
وانفرج يا سلام  
فزورة قرعاويه  
من إنتاج النظم

---

سمك لبن طماطم  
بصل عس سخام

\* \* \*

يساوي حزب حاكم  
وآخر انسجام  
ولسه نشوف طلامس  
ما دام الوعي نام  
وانفرج يا سلام  
وافهمها يا سلام

\* \* \*

واحد بقال تموين  
كان مطرح طه حسين !  
وكمان مرضيش بالمطرح  
تفتكرروا يروح على فين  
كان قال في الجامعه مدير  
على درجة نص وزير  
أظهر في القرع مواهب  
أكبر من سنہ كتير  
ولأن الشله إياها

---

مواهبها  
ما هيش وياما  
فاعتبروا صاحبنا هديه  
للوساطة القرعية  
هيلا بيلا وشيله ويام الله  
لفعوا البقال اسم الله  
على مجلس أنس الشله  
بقى رئيس فرقه كبير  
واحد بقال تموين  
تفتكروا دا يطلع مين؟

\* \* \*

### السلام

شوف عندك يا سلام  
وابقراج يا سلام

\* \* \*

هزليه مرسحيه  
على تياراتوا السلام  
سلام كلام أغاني

---

وعليكم السلام  
ما عاد على الغلابه  
عايد.. غير الكلام  
والحاله كل مادا  
يا ساده يا كرام  
وانترج يا سلام  
ع المسرح يا سلام

\* \* \*

سلامه يا سلامه  
كوكولا جت بالسلامه  
سلامه يا سلامه  
ايا سالمه يا سالمه

\* \* \*

نشروا الإعلان  
ملوا الجرنان  
جوا البراويز الذهبية  
والتليفزيون  
بالصوت واللون  
كوكولا هي الأصلية

---

إشرب يا خفيف  
بطل تخاريف  
بلا طيظ الطور  
بلا وطنية  
كوكاكولا نتفوق  
وتزوق  
ضد الأفكار الهدامة

\* \* \*

سالمة يا سلامة  
وداليدا رجعت بسلامة  
أيا سالمه يا سلامه  
مصريه ومن مواليid شبرا  
من تحت نفقها ومجاريها  
لو كانوا ما حرقوش الأوبرا  
كانت حتلغمط لياليها  
بالغنوه المدهونه شفافيف  
غرقانه وسايحه في بلاويها  
سيد درويش اللي حيلتنا  
سرقوه

---

وباعوه بيعه ندامه

\* \* \*

سالمه يا سلامه  
طيري بينا ورفرفي يا حمامه  
سالمه يا سلامه  
على مصر الثانيه أم علامه

\* \* \*

ولاده وحبلني وبكر به  
غضبن عن عين اللي خانوها  
لا تغير لونها  
ولا أوانها  
ولا تنسى لسانها  
ودار أبوها  
تحبل مواويل  
من فيض النيل  
وتخلி ولادها يغنوها  
تسرح غناويها في حواريها  
على نغمة بكره البسامه  
وسالمه يا سلامه

---

تولد و تقوم بالسلامه

\* \* \*

### الشحاتين

شوف عندك يا سلام  
وانتدرج يا سلام  
على فرقه جوع وغنى  
سارحين وسط الزحام  
ع الطلبه والربابه  
والرك ع الكلام  
يا شحاتين بلدنا  
عدcko بيجي كام  
لو كل بق كلمه  
حتلاقوا البر عام  
وانتدرج يا سلام  
ع الفرقه يا سلام

\* \* \*

الحمد لرب مقتدر  
وصلاة الله على البدري

---

واللعنة نهديها طرأ  
للقلب الصخري الحجري

\* \* \*

---

فيم الإحسان وختاما  
في قوم أكلوا أقواما  
بالسحت وبالباطل عاما  
وسنيناً بصنوف القهـر  
قد فاض الكيل أيا ساده  
والجوع يرعب بزياده  
والهم لحاف ووساده  
يقلقنا إلى وجه الفجر

\* \* \*

قد كان الناس إذا شبعوا  
طعموا المحروم كما طبعوا  
واليوم تراهم قد تبعوا  
سبل التخزين أو الحذر  
ففقير القوم إذا جاعوا  
وجميع عزال قد باعوا  
لا يجد العون إذا ضاعوا  
بل يسمع لوما كالصبر

\* \* \*

وغنى القوم ومولاهم

---

لا يمنح شيئاً إياهم  
غير الترحيب برؤياهم  
جوعى  
والجوع أبو الكفر  
فيضييع الحب المكتون  
ويشيع الحقد المجنون  
ويذاع السر المدفون  
بفضائح سكان القصر

\* \* \*

قد قالوا سلاما فرخاءا  
فالخير إلى الناس تراءا  
فازدادوا غلاءا فثراها  
فكر هنا أقواس النصر  
فالنصر إذا لم يعطينا  
قوت الأطفال ويحمينا  
فبماذا نفرح ياسينا  
عدت  
أو غرت إلى القبر

١٩٨٠ / القاهرة

---

## اليويو

يا واد يا يويو  
يا مبرراتي  
يا جبنه حادقه على فول حراني  
استك لسانك  
فارد ولازم  
حسب الأبيج  
يا مهلياتي

\* \* \*

يا واد يا يويو يا مهلياته  
فوق الصوانى  
سايحه وطريه  
في كل جلسه تلبس قضيه  
وتخيل عليها  
يا مشخصاتي

\* \* \*

حسب الوظيفه  
وأنت وشطارتك  
تظهر حلوتك  
تظهر مرارتك  
لو خفضوك ترتفع حرارتك  
لو صعدوك  
تنقلب جيلاتي

\* \* \*

وبالمناسبه  
وأنت اللي أدرني  
كان لك تحفظ على المبادره  
ليه النهارده بترش بودره  
يا بن الأبالسه  
يا ملطفاتي

\* \* \*

وفي النهايه  
لك عندي كلمه  
آخر طريقك زحل وضلمه  
حيث أن آخر الفرع ضلمه

---

يا إما كفته  
من عند العجاتي

معتقل القاطر ١٩٧٠

\* \* \*

---

## قيدوا شمعة

قيدوا شمعه يا أحبه  
ونوروا لي  
رمشتين  
من رمش عين  
وبيندهولي  
من هنا سكة ملامه  
من هنا سكة ندامه  
سكتين ياللا السلامه  
أمشي فين يا ناس قولولي

\* \* \*

رمشتين من رمش جارح  
فوق عيون السحر طارح  
زادوا نبض القلب  
حبه  
بالأمانى

---

في المحبة  
والأمانى هناك بشوكتها  
طالعه فوق الشط دكها  
بتلاغيني  
وتتاذليني  
من بعيد وتقول أديني  
كان بودي  
عايز أعدى  
والظنون بتقول لي هدى  
من هنا سكة ملامه  
من هنا سكة ندامه  
سكتين ياللا السلامه  
أشهي فين يا ناس قولولي

\* \* \*

قيدوا شمعه يا صبایا  
نورو لي وطمدوني  
بحر بيني وبين هوایا  
موجه يشبه موج ظنوني  
كل موجه شايله شيله

حلم ليله  
وهم ليله  
عد موج البحر ياللي  
شفت حالي  
وقول لخلي  
كان بودي.. عايز اعدي  
والظنوں بتقول لي هدى  
من هنا سكة ملامه  
من هنا سكة ندامه  
سكنين ياللا السلامه  
امشي فين يا ناس قولولي

\* \* \*

مال يا قلبي العشق بينا  
مال وحالى البال يلومنا  
مال وقال للسوق يجيينا  
في الليالي يقل نومنا  
بين مسانا وبين صباحنا  
نصحي والناس نعسانين  
موعدين بالجرح يا حنا

---

والدوا للموعدين  
ايه دا كله يا قلبي  
ايه دا

سوف طريق العقل واهدا  
من هنا سكة ملامه  
من هنا سكة ندامه  
سكتين ياللا السلامه  
امشي فين يا ناس قولولي  
قيدوا شمعه ونورو لي

معتقل القنطر / ١٩٧٠

\* \* \*

---

## كلب الست

في الزمالك  
من سنين  
وفي حما النيل القديم  
قصر  
من عصر اليمين  
ملك واحد من الحرير  
صيتها اكتر م الأدان  
يسمعوه المسلمين  
والتنر والتركمان  
والهنود والمنبوذين

\* \* \*

ست فاقت ع الرجال  
في المقام والاحترام  
صيتها وشهره وتل مال  
يعني في غاية التمام

قصره يعني هي كلمه  
ليها كلمه في الحكومة  
بس ربك لجل حكمه  
قام حرمتها م الأمومه  
والأمومه  
طبع ثابت  
جوه حوا من زمان  
تعمل أيه الست  
جابت

فوكس رومي وله ودان

\* \* \* \*

فوكس دا عقال أملتك  
عنه دستة خدامين  
يعني مش موجود في عليتك  
شخص زيده يا اسماعين

\* \* \* \*

واسماعين دا يبقى واحد  
م الجماعه التعابنين  
اللي داخوا في المعاهد

والمدارس من سنين

\* \* \*

حب يعلم واد فاكاهه  
ويمشي حبه في الزمالك  
والقيامه والفتاكه  
يرموا طبعا ع المهالك

\* \* \*

عم سمعه من قيامته  
حب يعلم فيها فله  
بعد ما ألوظ بيجامته  
اشتري حنة مجله  
قول مشي بيقرأ ف حكايه  
من حكايات الغرام  
واندماجه في القراءه  
خلا مشيه مش تمام

\* \* \*

ع اليدين يحلف بعيد  
خطوتين ويروح شمال  
لمحه فوكس من الحديد

قال دا صيد  
سهل وحلال  
هب نط في كرشه دوغري  
جاب بيجامته لحد ديلها  
إسماعين بدار ما يجري  
قال يا رجلي  
رجلي مالها؟  
بص شاف الدم سايح  
من عاليها ومن واطيها  
وياللي جاي  
وياللي رايح  
المجله مش لا قيهها

\* \* \*

حبه وانتموا الظنايا  
اللي هما البوابين  
والحكايه والروایه  
قال لهم  
دا كلب مين

\* \* \*

كلب مين  
ما كلب مينشي  
سمعه لبخ حبتين  
قال له واحد منهم  
امشي  
اللي جابك عنده مين؟  
قال دا شارع يا مواشي  
والجميع بيمر منه  
اللي راكب  
واللي ماشي  
مستحيل نستغنى عنه

\* \* \*

كلمه من دا  
 وكلمه من دا  
 ظاطو واترسمت فضيحة  
 قول نهايته  
 والقصد من دا  
 إسماعين أكل الطريحة

\* \* \*

---

راحو قسم الشرطه طبعا  
والنيابه كفيله بيهم  
واترموا في الحجز جمعا  
لما ييجي الدور عليهم

\* \* \*

حبه الشاويش أمين  
قال: سعيد النقشبendi  
قام غريم عم اسماعين  
قاله له:  
محسوبك يا افندى  
قام سي سمعه  
يروح معاه  
ال Shawi sh قال:  
غور بدمك  
راح تعوصنى  
وفوق قفاه  
كف طرقع  
داهيه في أمك  
تفتكر يفضل سي سمعه

---

قد ايه في القسم نايم؟  
استضافه الحجز جمعه  
يا بلاش  
آدي العزائم

\* \* \*

شاف بلاوي  
ما تتحكيس  
م الديابه المكبوتين  
قال يا عالم  
يا شاويش  
يا نيابه  
يا مسئولين  
خلصوه بعد المناهذه  
جته من جحر الديابه  
هي يمكن ساعه واحده  
كان في مكتب النيابه  
قال له مالك يا اسماعين  
قال له زي البمب.. مالي؟  
قال له عضك فوكس فين  
قال له سيبني أروح لحالی

أنت شوف سي فوكس يمكن  
خذ تسمم  
غصب عنى  
الوكييل قال برضه ممكن  
والشاويش  
قعد يغنى

\* \* \*

إنت فين والكلب فين  
إنت قده يا اسماعين  
طب دا كلب الست يا أبني  
وأنت تطلع أبن مين؟  
هيص يا كلب الست  
هيص  
لك مجامك  
في البوليس  
بكرة تتولف وزاره  
للكلاب  
يأخذوك رئيس

القاهرة ١٩٦٥

---

## دوا لا مين

دوا لا مين ودوا لا مين  
دوا لا عساكر مصربيين  
دولار مين ودوا لا مين  
دوا لا ولاد الفلاحين

\* \* \*

دوا الورد الحر البلدي  
يصحى يفتح  
تصحي يا بلدي  
دوا خلاصة مصر يا ولدي  
دوا عيون المصريين  
دوا لا مين  
ودوا لا مين  
دوا لا اخواتنا ودوا بنينا  
دوا الأمل اللي يخلينا

---

دوا لا المجد اللي يعلينا  
فوق الجرح  
نعود سالمين  
دوا لا مين  
ودوا لا مين

\* \* \*

دوا لا القوة دوا لا العز  
دول شاربين من أظهر بز  
هز يا دفعه هلالك هز  
واحنا وراك  
ملايين جايين  
دوا لا مين  
ودوا لا مين

\* \* \*

دوا لا يا سينا ولاد الشهدا  
دوا لا النار  
لا ينام ولا يهدا  
خلي ترابك يسكن يهدا

---

ويضم الشهداء الجائين  
دوا لا مين  
ودوا لا مين

أكتوبر / ١٩٧٣

\* \* \*

---

## موال السمك

يا بحر قول للسمك  
طول ما الشبك فوقك  
لا العشق كارك  
ولا رمل الشطوط شوقد  
إنزل قرار النجا  
واغطس ولا تقبش  
موج العلالي خطير  
في النوه  
ومغبش  
داري على شمعتك  
وتحب.. ما تحبس  
الصبح نور يا سمك  
واعشق على ذوقك

---

## الطنبور

زهر الجنائن طرح  
والعنتر مش واحد  
مع إن أصل الشجر  
طالع في غيط واحد  
والحب لما اندر  
مسقى بماء واحد  
عجبني على فرعون  
كان أصلهم واحد  
واحد غرز في الطين  
واللّي سرح .. واحد  
والورد لما انقطف  
يا رب يا واحد  
ريحت بيه الوفات  
واللّي تعب .. واحد.

\* \* \*

بسیطه جاوي جاوي  
رواية المجاله  
 مليحه جاوي جاوي  
 للی مانایمشی  
 طویله جاوي جاوي  
 حکایة الرساله  
 جریبه جاوي جاوي  
 وانت ما عالمشی  
 مد الخطوه وامشي  
 تلجي الصعب فات  
 غير الله ما دامشی  
 وكل حی مات

وإن كنت ناصح وفهمت المجاله  
 فمهما يا بني للی ما فاهمشی

بسیطه  
كيف الدنيا لف ودور  
يا طنبور  
هم شويه  
خلي الميه تغطي البور

---

معدوده الخطاوی  
رایحه ولا جایه  
ما يلمکش خوفك  
ع الدنيا الدنيه  
جول الكلمه عالي  
بالصوت البلالي  
جول ان العداله  
دين الإنسانيه  
كامش ليه وخايف  
فرج الشفایف  
هو العمر واحد  
ولا العمر ميه؟  
وإن كنت ناصح  
وفهمت المجاله  
فهمها يابني للي ما فاهمشي  
بسیطه  
كيف الدنيا لف ودور  
يا طنبور  
هم شويه

خلي الميه تغطي البور

\* \* \*

المولى خالجنا بالعدل وناشينا

طل ف خلجه

تلجاه

بالعجل مساوينا

ومنور طريجنا من فضله وهادينا

بالنور اللي طال

من غرة نبينا

جن الليل غوانا

ومشينا ف عمانا

ونسيينا شار عنا

وتهنا في المدينة

وأن كنت ناصح

وفهمت المجاله

فهمها يابني للي ما فاهمشي

بسيطه

كيف الدنيا لف ودور

يا طنبور

---

هم شويه خلي الميه  
تغطي البور

\* \* \*

يا مودر شبابك  
بسنين العذاب  
بين وهم الأماني  
والصبر اللي شاب  
صبرك ع المساوي  
بيزيد البلاوي  
تبجي انت للصبيه  
وتتجي انت المصايب  
يا ويلك بصبرك  
ع الظالم وظلمه  
في الدنيا ويا ويلك  
من يوم الحساب  
وان كنت ناصح وفهمت المجاله  
فهمها يابني اللي ما فاهمشي  
بسقطه  
كيف الدنيا لف ودور

يا طنبور

هم شويه

خلي الميه تغطي البور

معتقل القاطر / ١٩٧٠

\* \* \*

---

## التوبة

أتوب إزاي وأنا أليوب  
رمانني الوعد والمكتوب  
سنين ماشي ورا الأفكار  
على كفوف القدم دوار  
لأخليت في الدروب مشوار  
ولا فوق الورق مكتوب

\* \* \*

رمانني الشوق مشيت سواح  
اغني وملو قلبي جراح  
على يميني شجر  
صبار  
على شمالي  
مافيشأشجار  
على قلبي الهوى جبار  
وبات غالب

---

وأنا المغلوب  
واتوب إزاي وأنا أیوب

\* \* \*

رمانی الشوق  
مشيت حادي  
حدايا وغنوتي بلادي  
يا عيني يا ليل  
على إنسان  
غريب الأهل في الأوطان  
يقوم وقت البدار بدار  
وعند القسمه  
مش محسوب  
واتوب إزاي وأنا أیوب

\* \* \*

يا عيني يا ليلي يا بحر النيل  
يا كلمه مزوجه المواويل  
على شطيك قلوب عشاق  
سهاري يغزلوا الأسواق  
وأنا ويا الجميع مشتاق

---

ليلي الوصل  
يا محبوب

معتقل القنطر / ١٩٧١

\* \* \*

---

## في الليل

الليل ملاح  
تايه سواح  
لا بيوصل شط  
ولا بيرتاح  
الليل مشحون أسرار وشجون  
وألم ونغم  
وكاسات ونaiات ودموع وآهات  
وعبر وحكم

\* \* \*

ومشيit في الليل  
خجلان مكسوف  
إكمان الليل عريان مكسوف  
افراح الناس  
وجراح الناس  
على صدر الليل عناقيد وصفوف

وعيون الليل والضلمه جبال  
فاردين على وش المسا غربال  
الماظ مبدور  
في كاسات بنور  
يفرش للنور ع الأرض خيال

\* \* \*

ويشق سكون الكون  
أرغول  
ونغم فنان ثاير مخبول  
وعليل على فرشه بيتنقلب  
ويحايل جرحه المداري  
ويقول يا طبيب قلبك طيب  
اسمعني  
ح اقولك اسراري  
لو شلت الشكوى على لسانى  
ورميتها قريب  
ما تكونش جراحى مآلمنى  
أبداً يا طبيب؟  
أنا دقت الجرح وخدت عليه

يسقيني المر  
وبرضه اسقىه

من بحر الصبر اللي في قلبي  
ح تقوللي بتشكى أمال من أيه؟  
ولا من أوجاع  
ولا شوق لمتاع  
دانا عمرى أن ضاع  
مش ح أبكي عليه  
أبداً يا طبيب

يا طبيب دانا جرحي ملوعني  
وساقيني الحنضل من كاسي  
والنار في ضلوعي بتلسعني  
وانا لسه صغاري  
والعيَا قاسي  
ولا عمر الليل مره سمعنى  
عليت الآه على أنفاسي  
أبداً يا طبيب

\* \* \*

لكن يا طبيب أنا بابكي صحيح

وباقول الآه  
زي المغاريج  
ودموعي في عيني بتتالم  
وبتتكلم  
على قلب جريح  
مسكين  
كان أمله يحب سنين  
ويلم الحب في عشه اتنين  
وأتهني معاه  
وإن قال الآه  
أنا أقول له يا روح القلب  
آهين  
بس أنا لا بيدني  
ولا بودي  
دا قدر مقسموم  
قدر لحبيبي يعيش بعدي  
في الهوى محروم  
أهو دا اللي وجعني  
وخلاني

---

حطيت الشكوى على لسانى  
إنما وحية اللي قاسيته  
وحية الأمل اللي  
بنيته

وحية القلب اللي جرحته  
لا فرحت معاه  
ولا هناته  
لو شلت الشكوى على لسانى  
ورميتها قريب  
ما تكونش جراحى مألماني  
أبداً يا طبيب؟

\* \* \*

وينام الصوت  
والكون حواليه  
ساكن نعسان  
وكأن الموت  
رمي تقله عليه  
سكت العيان

\* \* \*

---

الكاس له ناس  
و الليل مجالات  
والحان مليان  
والناس مزاجات  
ومجال الكاس  
أشكال أجناس  
مليان حواديت  
مليان روایات

\* \* \*

ونزور في الليل دنيا الخمار  
ونلاقي الكاس  
ع الناس دوار  
ويموت الليل على باب الحان  
حيخش ازاي والدنيا نهار  
ونفوس وقلوب كده ع المكشوف  
عريانه تمام  
وتعالي نشووف

\* \* \*

شوف دا اللي هناك  
قدامه كاسين  
مع إنه لوحده  
ما هوش اتنين  
والناس بيبصوا  
ومش فاهمين  
الكاس دا لمين  
والكاس دا لمين  
أهو دا اللي بنظرة عين  
شبکوه  
له الكاس مليان  
وفاتوه  
وحكايتها طويله  
وهمه تقيل  
وح أقول لك ايه  
وأعيد لك ايه  
راح يملا عيونه بحلم جميل  
بياع السهد ملا له عينه

---

وترن ف جو الحان  
الحان

نشوانه تخلي المولد هس  
وغزاله بتتغزل ف حصان  
ونقول له  
أحبك انت وبس  
ويفز هناك سيدنا المنظور  
ويطبل الكاس ف ايديه  
مكسور

ويقول غشاشه  
حتلعب بيك  
ويرد الثاني عليه بفتور :  
طب وانت مزعل نفسك ليه؟!  
حشري وسخيف  
وح قولك ايه

ومانولي يقول "موس أندك خق"  
والسامر يضحك لما يطق  
ويحط الحشري عنده  
في الأرض

---

وكانه لحن في الدين  
والفرض  
ويقوم  
يطوح مره يمين  
ويميل زي البخت شمال  
وف جوف الليل  
يغرق مسكين  
لا يغير حال  
ولا يشغل بال

\* \* \*

الحظ حمار  
من غير حمار  
فقد التمييز  
زي المجانين  
هجر البساتين  
سكن الدهاليز  
والحظ بطبع غباوته عنيد  
ودماغه حديد  
لو يعند حتى على الغزلان

ينسخطوا معيز  
ونسيب دهليز  
ونخش في باب  
ونعدي الباب  
ندخل سردارب

ونلقي ضحايا الليل واقفين  
والحظ بيلاعب بالأعصاب  
ترابيزه عليها نمر بنظام  
من واحد يمكن لما لألف  
والدنيا بزي ما هي تمام  
على هيئة كوره  
تدور وتلف  
وشنب مفتول  
يصرخ ويقول  
اللقمه يتنده أكالها  
والرزق نصيب  
والدنيا الدايره  
ف أحوالها  
زي المجاذيب

الصبح معاك  
والضهر عليك  
والحظ لو أدى  
ما بينقيش  
جريها  
ويمكن لو تديك  
من جونك برضه  
ما تحرمنيش  
قرب قرب  
جرب جرب  
ودي لعبة حظ  
ما فيش تبكيش

• • •  
والكوره تدور  
زي المقدور  
تحرن على ناس  
وتجامن ناس  
والشيخ سلمون شعبان مندور  
واقف على أعصابه ومحناتس

يلعب ع السته  
الخمسه نصيب  
ينقل ع الخمسه  
الخمسه  
تخيب  
وخلاص الحظ اداله قفاه  
والحظ ان ولی  
بيبقى عجيب  
كلها ساعتين  
وصريخ  
سلمون لطلع مقامات  
نهاوند ورست وسيكا وصبا  
وحجاز وبيات  
يا فلوس الناس  
يا خراب البيت  
يا نهار الشوم  
طلب المسكين من طوله ورفض  
يظهر مات  
والناس ملهميه ف أحوالها

---

يبيدوسوا عليه  
وبتاع الكوره مشغلها  
ح يبطل ليه؟  
و اللقمه بتتده أكلالها  
طب ودا كل ايه؟

\* \* \*

الشارع نايم تحت جناح الليل همدان  
وعيون النور  
تعبانه بنتعس ع العمدان  
والكون ملوف  
بعبايه

نسجها الليل بالخوف  
وف بحر الضلمه رأيت على بعد  
شبح إنسان  
حققت بعيني  
لقيتها يمامه وكاسره الطوق  
كريبيج الليل  
ناقشينها جراح  
من تحت لفوق

والأسى ف عينيها  
مصحى الشكوى تقول حواديت  
حواديت  
ما لهاش علاقات بالسوق  
وليلي السوق  
مسيت  
ورميت ع الحلو سلام  
قالت سلامين  
أنا قلت لوحدك ليه يا حمام  
ووليفك فين  
مالك بالليل وجبال الربع  
خليك يا حمام  
عايش للحب  
شالت بجناح  
حطت بجناح  
ورتني جراح  
تحت الجناحين  
وقالت لي  
زمان الحب ما راح

---

وبيلى لنا سنين في الليل ضائعين  
خذ مني الليل  
وادانى الليل  
ورميته له الغالي بسعر زهيد  
وسقاني الشهد ودقت الويل  
وكسانى حرير ولبست حديد  
وعرفت الناس م الراس للليل  
وآمنت بأن الكل عبيد  
وقالتها وطارت في ثوانى  
وأنا شارد وخيلي يصور  
وغمزنى الفجر وصحانى  
ولقيت الكون بادي ينور  
وصحيت من غفوة سرحانى  
على صوت بيقول الله أكبر

القاهرة ١٩٦٤

\* \* \*

---

## تل الزعتر

يا حكاية كل الناس  
من قلب الناس للناس  
تصحى على لسان الناس  
وتبات في ضمير الناس  
يا أظهر جرح  
وأشرف جرح  
وأوجع جرح ف قلب الناس  
يا تل الزعتر

القاهرة ١٩٧٦

\* \* \*

## رجعوا التلامذة

رجعوا التلامذة  
يا عم حمزه  
للجد تاني  
يا مصر إنتي  
اللي باقيه وانتي  
قطف الأمانى  
لا كوره نفعت  
ولا أونطه  
ولا المناقشة وجدل بيزنطه  
ولا الصحافه  
والصحفية  
شاغلين شبابنا  
عن القضيه  
قيمولنا صهبه  
يا صهبيه

---

ودوقونا طعم الأغاني  
رجعوا التلامذه  
لجد تاني

\* \* \*

طلعوا التلامذه  
ورد الجنابين  
اسمع يا ميلص  
وشوف وعاين  
ملعون أبوك ابن كلب خاين  
يا صوت أميركا  
يا أمريكياني

\* \* \*

---

## النقطه

النقطه	-
عشان لاحباب	-
وصحابها	-
واحد نصاب	-
دا معلم	-
أبداً كداب	-
وبيكسب	-
من غير أسباب	-
والصحبه	-
خنازير وكلاب	-
وأنا وانت	-
نطلع م الباب	-
سلام يا جدع	-

•      •      •

## النقطه

لا صوت يعلو فوق صوت المعركه -  
لا صوت يعلو فوق صوت المعركه -  
كل الجهد كل الزند للعاركه -  
كل الجهد كل الزند للعاركه -  
أغان جنان تعزف نشيد المعركه -  
الحان جنان تعزف نشيد المعركه -  
وكمان لجان عشان عيون المعركه -  
وكمان لجان عشان عيون المعركه -  
سلام يا ولد للست ممعع معركه -  
سلام يا ولد للست ممعع معركه -  
وكمان سلام لأهل بيت المعركه -  
وكمان سلام لأهل بيت المعركه -  
سلام يا جدع -  
• • •  
سندات جهاد جداد عشان المعركه -  
سندات جهاد جداد عشان المعركه -  
لازمن جميع الناس يساعدوا المعركه -  
طبعا جميع الناس يساعدوا المعركه -

مخلوق مفيش إذ لم يعيش للمعركه -  
مخلوق مفيش إذ لم يعيش للمعركه -  
وتموت قتيل ولا فيش بديل للمعركه -  
واموت قتيل ولا فيش بديل للمعركه -  
حاكم ضروري وإن حتما معركه -  
طبعا ضروري وإن حتما معركه -  
سلام عshan لأن حتما معركه -  
سلام عshan لأن حتما معركه -  
سلام يا جدع -

\* \* \*

خطاب خطير يشرح مصير المعركه -  
عشرين خطاب كمان عshan المعركه -  
جندنا جيش مليون عshan المعركه -  
جندتوا ديشيلون عshan المعركه -  
وخبزنا عيش أسود عshan المعركه -  
وأكلنا عيش أسود بلون المعركه -  
الشعب جاع الشعب صاع دي معركه -  
نجوع نصوع راضيين عshan المعركه -  
إذ إن بن تن ترن المعركة -

هرشت مخي هي فين المعركه -  
إخرس يا واد واهتف لتحيا المعركه -  
اهتف لايه مش لما أشوف المعركه -  
إمسك بوليس جاسوس خسيس -  
ما سمعتاش بنقول يا نيس -  
لا صوت يعلو فوق صوت المعركه -  
إهتف يا واد لا صوت يعلو -  
هي فين المعركه -  
إهتف يا واد لا عوت يصلو -  
هي عين المفركه -  
يا همبكا في الهمبكا -  
على بمبكا في الهمبكا -

القاهرة ١٩٧١

\* \* \*

---

## الفوازير العشرة

(١)

شاعر بيتخن من بوزه  
ممکن تخوف به عيالك  
نازل يقرقر أزا أزو  
حتتك يمينك وشمالك  
بقى مليونير  
واللي يعوزه  
يلقاء في إيده  
عقبالك  
وخلبي بالك من زوزو  
وخلبي زوزو من بالك

(٢)

يا وليه عيب اختشي  
يا شبه أيد الھون

---

دانتي اللي زيك مشي  
يا مرضعة قلاوون  
مدحتي عشرين ملك  
وميت وزير ورئيس  
مروان  
وعبد الملك  
والمفتوبي  
وعزيز  
بتغنى بالزمبلاك؟  
ولا انتي صوت إبليس  
من أول المتبدا  
حتى نهاية الكون؟

(٣)

اللورد بن اللورد بن اللورد  
ابن اللورد  
متآصل في الثروه  
لا أوناسيس  
ولا فورد

---

حيطبق بسلامته  
قوانين لاشتراكيه  
ويدافع "من عشمه"  
عن صوت الحرية  
واهي كوسه  
علي باميلا  
على قرع استانبولي  
بتفرع يا بلدنا  
على وش التسيقىه

(٤)

سكرتير عموم مصر  
وافهم كلامي  
تعدد مناصبه  
ولا تنتهيش  
وجيه بالوراثه  
وحاهل عصامي  
جمع جهل طايل  
وابيه؟

---

من مفيش  
وكان أصله ظابط  
وحول حرامي  
ويكتب أدب  
بس ما يتقرיש

(٥)  
لما ليمو الشخلو عه  
الدلو عه الكتكوت  
اللية حيتهد  
ويغنى ويموت  
يشيلوه قال على لندن  
علشان جده هناك  
من بعد ما يتلام  
على دخل الشباك  
ويهرب أموالك  
ويقولك أهواك  
يا شعب يا متلوع  
ع الهدمة وع القوت

(٦)

سننسونه المتبعتر  
ما لقاش أب يلمه  
اين امه  
بس امه كانت أجدع من امه  
باع نفسه بخسارة  
ما قابلش المعايرجي  
كان مالك أفكاره  
وأتعين تفكيرجي  
والحاجه اللي تحرر  
طب ايه اللي اتغير  
كان كاتب سرايرجي  
وأتحول شماشرجي

\* \* \*

(٧)

يكون في عون الصحافه  
الله يكون في العون  
لماك يا دود القرافه

---

يا رمه يا ملعون

تنهش لحوم الفرائس

في الضلمه يا وطواط

والكلمه عندك بضاعه

اما الشرف مطاط

برئيه منك بلدنا

مسلمين وأقباط

ولا انت موسى

ولا انت

من كلاب فرعون

(٨)

مجاول وشاعر

وبياع ملوحه

وتاجر غناوي

وسمسار بنات

نعميه وزكيه وعطيات وتوحه

ومخبر مودك

على التحريرات

حضر من بلدهم  
بمقطف ملوحه  
جبر واشتري له  
ثلاث تاكسيهات

(٩)

يتوب على دي البلد  
منك وأمثالك  
ما عدش لينا جلد  
على سو أفعالك  
الفن للمعركه  
عيته في البلا ليص  
وصحافة المعركه  
في الكدب والتهجيس  
ومليت طريق الهرم  
يا عرص  
بالتعريص  
ما دام مافيش للهرم

---

صاحب  
هنيا لك

(١٠)

لأن الصراحه ف بلدنا قليله  
بغضل المباحث  
وأدب الرموز  
جعلها اللئيم ابن بنت اللئيمه  
شعار يرمي تحته السموم  
كيف يعوز  
وبهدل أصول  
الصراحه العظيمه  
وخلال الندوب  
في الحقائق  
بزور  
وحرم وحل  
وكتر وقلل  
وسماى القبيله  
الذليله

---

حليمه

وقال ع السكوت ع الهزيمه

يجوز !

سجن القلعة ١٩٧٣

\* \* \*

---

## التحالف

يعيش أهل بلدي  
وبينهم ما فيش  
تعارف

يخلبي التحالف يعيش  
تعيش كل طايفه  
من الثانيه خايفه  
وتنزل ستائر بدارير وشيش  
لكن في المولد  
يا شعبي يا خالد  
بنتلهم صحبه  
ونهتف .. يعيش  
يعيش أهل بلدي

\* \* \*

يعيش المثقف على مقهى ريش  
يعيش يعيش يعيش

---

محفظ مزفلط كتير الكلام

عديم الممارسه  
عدو الزحام  
بقام كلمه فاضيه  
وكام اصطلاح  
يفبرك حلول المشاكل قوام  
يعيش المتفق  
يعيش يعيش يعيش  
يعيش أهل بلدي

\* \* \*

يعيش التنابله  
في حي الزمالك  
وحي الزمالك  
مسالك مسالك  
تحاول تفكر تهوب هنالك  
تودر حيائرك  
بلاش المهالك  
لذلك  
إذا عزت توصف حياتهم

---

تقول الحياة عننا  
مش كذلك  
وممكن تشوفهم في وسط المدينة  
إذا مر جنبك  
أوتومبيل سفينه  
قفاهم عجينة  
كروشهم سمينه  
جلودهم بتضوي  
دماغهم تخينه  
سنانهم مبارد تقوت في الجليد  
مافيش سخن بارد  
بياكلو الحديد  
ما دام نهر وارد  
وجاي م الصعيد  
ترزيد الموارد  
كروشهم تزيد  
وتسمع وتسلم  
بأن التقابله  
أو الأكالين

حيسمح كبيرهم  
ويعمل مقابلهم  
مع الفلاحين  
ويحصل تحالف  
ما بين الجميع  
ونملا المصارف  
بدم القطبيع  
أطیع الخليفة  
أطیع والديك  
أطیع التقابله  
دا مفروض عليك  
وتزرع وتبعث لحي الزمالك  
وحي الزمالك  
مسالك مسالك  
تحاول تفكك تهوب هنالك  
تودر حياتك  
بلاش المهالك  
لذلك  
إذا حد جاب لك سيرتهم

---

تبسمل تكبر  
وتهتف كذلك  
يعيش التنابله  
يعيش يعيش يعيش  
يعيش أهل بلدي

\* \* \*

يعيش الغلابه  
في طي النجوع  
نهارهم سحابه  
وليلهم دموع  
سواعد هزيله  
لكن فيها حيله  
تبدر تخضر جفاف الربوع  
م肯 شغل كايرو  
ما يتبعش دايره  
لا يأكل  
ولا حتى يقدر يجوع  
يا غلبان بلدنا  
يا فلاح يا صانع

يا شحم السوادي  
يا فحم المصانع  
يا منتج  
يا مبهج  
يا آخر حلاوه  
يا هادي  
يا راضي  
يا عاقل  
يا قانع  
ما تتعيش عقالك  
في شغل السياسه  
وشوف أنت شغلك  
بهمه وحماسه  
وعود عيالك فضيلة الرضا  
لأن احنا طبعا  
عييد القضا  
ورزقك ورزقي ورزق الكلاب  
دا موضوع مؤجل ليوم الحساب  
كمان الصحافه

حتكتب في حالتك  
وتنشر مناظر لخالك وخالتك  
ونطلع يا مسعد عليك الغناوي  
وتسمع بإسمك  
في قلب القهاوي  
تحبك مشيره وبنات الجزيره  
وقصة غرامك  
تشيع في الرداوي  
يعيش عم مسعد  
يعيش يعيش يعيش  
يعيش أهل بلدي

القاهرة ١٩٦٧

\* \* \*

---

## صباح الخير

صباح الخير على الورد اللي فتح  
في جنain مصر

صباح العندليب يشدي  
بألحان السبوع يا مصر  
صباح الدياie ولفه  
ورش الملح في الزفه  
صباح يطلع بأعلامنا  
من القلعة لباب النصر

\* \* \*

سلامتك يامه يا مهره  
يا حباله  
يا ولاده  
ياست الكل يا طاهره  
سلامتك  
من آلام الحيض

---

من الحرمان  
من القهره  
سلامة نهدك المرضع  
سلامة بطنك الخضرا  
هناكي وفرخة الوالده  
تضمي الولد  
يا والدہ  
يصونهم لك  
ويحميهم  
يكتر هم  
يخليلهم  
يجمع شملهم  
بيكى  
يتقم فرحتك  
ببهم  
صباح الخير على ولادك  
صباح الياسمين والفل  
تعيشي ويفنوا حсадك  
ويسقوهم

---

كاسات الذل  
وبلغ يا سمير غطاس  
يا ضيف المعنقل سنوي  
بصوتك دا اللي  
كله نحاس  
صباح الخير  
على الثانوي  
وأهلا بيكون في القلعة  
وباللي في الطريق جايين  
ما دامت مصر ولاده  
وفيها الطلق والعاده  
حتفضل شمسها طالعه  
برغم القلعة  
الزنارين

سجن القلعة ١٩٧٣

\* \* \*

---

## شيد قصورك

شيد قصورك ع المزارع  
من كدنا وعمل إديننا  
والخمارات جنب المصانع  
والسجن مطرح الجنينه  
واطلق كلابك  
في الشوارع  
وأقل زنازينك  
 علينا

وقل نومنا في المضاجع  
ادي احنا  
نمنا ما اشتهدنا  
وأقل علينا بالمواجع  
احنا اتوجعنا  
واكتفينا  
وعرفنا

---

مِنْ سَبْبِ جَرَاحَنَا  
وَعَرَفَنَا رُوحَنَا  
وَالنَّقِينَا  
عَمَالٌ وَفَلَاحِينَ  
وَطَلَبَهُ  
دَقْتُ سَاعَتَنَا  
وَابْنِيَنَا  
نَسْلَكُ طَرِيقَ  
مَا لَهُشْ رَاجِعٌ  
وَالنَّصْرُ قَرْبٌ مِنْ عَيْنِنَا  
النَّصْرُ أَقْرَبٌ  
مِنْ إِبْنِنَا

معتقل القاطر ١٩٧٣

\* \* \*

## رسالة

وآه يا عبد الودود  
يا رابص ع الحدود  
ومحافظ ع النظام  
كيفك يا واد صحيح  
عسى الله تكون مليح  
وراجب للأمام  
أمك ع تدععي ليك  
وع تسلم عليك  
وتتجول بعد السلام  
خليك ندع لابوك  
ليجولوا منين دا بوك  
ويمصخوا الكلام

• • •

---

واه عبد الودود  
ع أجولك وانتخابر  
كل الجضيئه عاد  
ولسه دم خيك  
ما شرباش التراب  
حسك عينك ترحرح  
يدك عن الزناد  
خليك يا عبده راصد  
لساعة الحساب  
آن الأوان يا ولدي  
ماعاد الا المعاد  
تنقض الشركه واصل  
وينز احو الكلاب  
إن كنت ود ابوك  
تنيب لي تار أخوك  
والأهل يبلغوك  
دميعا السلام

\* \* \*

---

واه يا عبد الودود  
كيفك وكيف زمايلك  
عسى الله طيبين  
خالك زناتي  
داي لك  
ضمن المتطوعين  
واختك تطلع يوماتي  
ع المشتشفى الجديمه  
حاكم ع يمرنوها  
في العركه تكون حكيمه  
ومحمدبن موافي  
يتعلم المطافي  
ويجولك شد عزمك  
ويجولك العوافي  
ومن هنا الجرايب  
والعليه والعيال  
ع يبلغوك سلامهم  
ولنمة الرجال  
وآخر الكلام

نجل لك في الختام  
الله يصون بلدنا  
ويحرس السلام  
والدك / حسن محارب  
غفير برج الحمام

القاهرة ٩ يونيو ١٩٦٧

\* \* \*

أنا أتوب عن حبك؟

أنا أتوب عن حبك أنا؟  
أنا ليا ف بعدهك هنا!  
دانا بترجاك  
الله يجازيك  
يا شاغلني معاك  
وشاغلني عليك  
وان غبت سنه  
أنا برضه أنا  
لا أقدر أنساك  
ولا ليا غنا  
ولا اتوب  
عن حبك أنا

زی ما یحلّاك  
زی هو اک

سهرني عليك  
سهرني معاك

دنا عمرى ما أخاف من هجرك يوم  
ولا قلبى بيفرح وأنا وياك  
وان كان أمل العشاق القرب  
أنا أملى ف حبك  
هو الحب  
وان غبت سنه  
أنا برضه أنا  
لا أقدر أنساك  
ولاليا غنا  
ولا أتوب عن حبك أنا

\* \* \*

أنا لا اتمنيت  
ولا قلت يا ريت  
ولا بعدك عنى  
جعلنى سليت  
دانا كل منايا أدوق اللوم  
ويقولوا على الناس

حبيت

وان كان أمل العشاق القرب  
أنا أملني ف حبك  
هو الحب  
وان غبت سنه  
أنا برضه أنا  
لا أقدر أنساك  
ولا ليها غنا  
ولا أتوب عن حبك أنا

\* \* \*

تخاصمني كثير  
تصالحي كثير  
كل دا يا حبيبي ما لوش تأثير  
توصليني سنين  
تهجرني سنين  
ما تغيرنيش  
دانا حبي كبير  
وان كان أمل العشاق القرب  
أنا أملني ف حبك

---

هو الحب  
وان غبت سنه  
أنا برضه أنا  
لا أقدر أنساك  
ولا ليها غنا  
ولا أتوب  
عن حبك أنا

١٩٦٢ القاهرة

\* \* \*

---

## إملالي املاي املاي

املاي املاي املاي  
واسقيني الود الغالي  
دنا شفت كتير يا حبيبي  
في البعد وياما جرالي  
إملالي املاي املاي

\* \* \*

اسقيني الود حلوه  
على قد عذابي ما طال  
يزداد العمر غلاؤه  
وتزيد الدنيا جمال  
داناعز الشوق  
ما كوانني  
والبال  
جانبني ووداني  
كان عندي أمل يا حبيبي

---

نرجع نتعالب تاني  
إملاكي املاكي املاكي

\* \* \*

صدفة قابلتك يا نعيمي  
صدفة ولا ألف ميعاد  
إحكي لي وقول يا نديمي  
عن حالك واحنا بعد  
إزاي كان قلبك خالي  
وإزاي كان بالك سالي  
على قد ما تقدر طول  
دا الوقت معاك يحلالي  
إملاكي املاكي املاكي

\* \* \*

يا ليلالي الشوق يا طويله  
دوبتي العمر حنين  
وعد ومكتوب  
ولا حيله  
وحنشكي الوعد لمين  
كان دا المقسم يجرالي

---

ولا أدوّق النوم  
يا ليالي

واسهر على قد نصيري  
عطشان للود الغالي  
إملاكي إملاكي إملاكي

القاهرة ١٩٦٥

\* \* \*

---

## غنوة سلام

قد ايه القلب يعشق  
لو سمع غنوة سلام  
يا سلام  
قد ايه والغنوه تحلا  
لو بدينا بالسلام  
يا سلام  
قد ايه الروح تميل  
والنغم يطلع جميل  
والوتر يوصل كلامه  
للقلوب  
صافي وأصيل  
قد ايه  
وقد ايه  
بس أقول ايه ولا ايه  
السلام دا كلمه خضرا

---

زي أوراق الريحان  
ترنوي منها الشفافيف  
لما تجري  
ع اللسان  
زوفوكى الناس يا دنيا  
بالكلام عن السلام  
والكلام غير الحقيقه  
والعمل غير الكلام  
يا سلام

\* \* \*

من هنا نبدي الكلام  
يا صبابه يا مغرمين  
كلنا نحب السلام  
والسلام بيحب مين  
السلام بيحب نورا  
وشوفوا نورا  
تبقى مين  
نورا بنت عيونها خضرا  
زي قلب العاشقين

---

والخدود وردية خمري  
والشفافيف توت وتنين  
والضفافير  
تبير طاير  
يبعد النور  
والرئنن  
والنهود حراس مدینه  
بالبنادق سهرانين  
يحرسوا قلب المدینه  
من عيون البصاصين  
والمدینه ف شرع نورا  
صوروها المنشدين  
هي جنة إنسانيه  
للبنيه وللبنين  
فيها غيط القمح كافي  
يدى كل المحتاجين  
فيها نهر الحب وافي  
يسقي كل العطشانيين  
فيها نور البدر صافي

---

يهدي كل الحيراتين  
فيها مطرح للسلام  
لو فرش  
يغدر ينام  
فيها كل الناس حباب  
فيها كل النائم  
تعلم  
يا مسلم

\* \* \*

قد ايه القلب يفرح  
لو يزور بيتنا السلام  
ييجي ومعاه الحباب  
نورا والنور والكلام  
لا فرش الأرض الحبيبه  
حنه

واعمل مشايات  
وانصب الشادر يلالي  
بالكهارب والزيادات  
واسقى كل الناس

---

حبايب

ميه وردي في الكاسات  
وادعي كل عيال حارتا  
بالمزاهر  
والنaias  
ينشدوا الألحان فرايحي  
تسري في قلوب البنات  
تعمل الأنغام عمايل  
ترسم الأحلام حاجات  
لو قالوها لأمهاتهم  
أو عادوها للحالات  
يفهموها  
ويداروها  
عن عيون الأبهات ويقوموا لها  
ويقعدوا لها  
ويغزلوها الأمنيات  
زوّوكى الناس  
يا دنيا  
بالكلام

---

عن السلام  
والكلام غير الحقيقة  
والعمل غير الكلام  
يا سلام

معتقل القناطر ١٩٦٩

\* \* \*

---

## حلقة ذكر

مواكب مواكب  
رجال الطريقه  
يفوقوا الكواكب  
بنور الحقيقه  
منهم أسارى الليالي السهارى  
يعينوا الخالقين  
على أمر دينهم  
منهم سكارى المحبه الحيارى  
في بحر الحقيقه الغريقه  
ومنهم

\* \* \*

الله حي  
الله حي  
وسع سكه يمر الضي  
شيخنا العاشق

---

جي وراشق  
سهمه وماشي حدي بدبي

\* \* \*

يا سيد يا بدوي  
يا سيدنا الحسين  
مدد يا أم هاشم  
يا كحل العنين  
مولانا الرفاعي  
يا طب الأفاعي  
يا سيدى إبراهيم يا دسوقى  
إنت فىن  
بانادم عليكوا  
يا أهل الطريقة  
وجوابا شوق  
للغزل والحقيقة  
وبرا يا عالم  
مشعل حريقه  
فر عنى ولسعنى

---

## وكوى قلبي كي

\* \* \*

أنا عشقت سلمى  
وغانم غواها  
وأنا لما باعشق  
ما برجعش أتوب  
تاخذني المعاصي  
آدم جدي عاصي  
وأنا راضع معاصي  
وشبعان ذنوب  
ولو قالوا  
عشق المحاسن خطيره  
ألم الخطايا  
وأفوز بالعطيره  
وأسافر بحملي  
سعيد المطيره  
عزيز الخطاوي  
ما يلويني شيء

\* \* \*

وغانم يا سلمى  
يحب السلامه  
ولجل المغامن  
يبيع العمame  
ويبعد ويقرب  
ويعشق لمارب  
وفي الجد يهرب  
ليوم القيامة  
وأنا اللي في هو اكي  
سبقت المعاد  
يا سلمى  
يا عشق البنات والولاد  
وطلعت صورتك  
في كل البلاد  
وكبرت فيها الأمل  
في اللي جي

\* \* \*

يا سيدنا الإمام  
يا حسين يا شهيد

و هلبت عالم  
ورأيك سديد  
لمين ود سلمى  
في شرع الطريق  
ومين القريب ومين البعيد  
ومين اللي باقى  
ومين اللي زايل  
ومين اللي شايل  
ومين اللي طايل  
ومين اللي يثبت  
في وقت الهايل  
ومين فينا ميت  
ومين فينا حي

\* \* \*

الله حي  
الله حى  
غانم رايح  
عاشق جي  
شيخنا الشايب

---

ماشي وسايب  
كلمه بسيطه لأهل الحي  
كل ما تمشي قدم ع السكه  
كل السكه ما تشبع ضي  
الله هي  
الله هي  
فوت في السكه  
تشوف الضي

القاهرة ١٩٧٦

\* \* \*

---

## الجدع جدع

الجدع جدع  
والجبان جبان  
بینا يا جدع  
ننزل الميدان

\* \* \*

والميدان بعيد  
عن جوف المدينة  
يا تار الشهيد  
دير ياسين  
وسينا

\* \* \*

بحري والصعيد  
إحنا اهه أدينا  
أصلب م الحديد  
في الشده تلاقينا  
بالنار والسلح

---

نرفع الكفاح  
فوق كل العواصف  
وهيوب الرياح  
يسبق الليلالي  
ويحبيب الصباح  
يهزم الهزيمه  
ويداوي الجراح  
عاوزين اللي راح  
قدامكو الميدان  
والجدع جدع  
والجبان  
جبان

القاهرة ١٩٦٨

\* \* \*

---

## الخواجہ الامريکاني

الخواجہ الامريکاني  
والسماسره اللي وراه  
تخنو بالکدب ودنه  
وعرضو له مقاس قفاه  
فهموه

من غير ما يفهم  
إن سوق الشرق مغنم  
والخواجہ بطبعه مغشم  
ومصاری معرفتاه  
حب يعمل فيها تاجر  
وانطلق  
يسلب وينهب  
في الزباين بالنهار  
يحدف الدولار يلمه  
تلتميت مليون دولار

بالقز ايز والبنات  
باليبيان  
والبمبونات  
بالمدافع والدانات  
أو بأفلام الرعاه  
قول بقى تاجر وفاجر

\* \* \*

وانطلق لص المواشي  
رعب ماشي في البلاد  
يشفط البترول ويطرش  
كل ألوان الفساد  
عزراائيل من غير فرامل  
يقلب العرسان أرامل  
حتى ف بطون الحوامل  
كان بيذبح الحياه  
بالسناكى والخناجر  
والنهائيه يا خواجه  
مش ف يوم  
كانت بدايه؟

---

البدايه برضه لازم  
يلجي يوم  
توصل نهايه  
مهما زاد الرأسمال  
الهلاك هو المال  
والتاريخ  
هو اللي قال  
لعبة الموت في الحياة  
يسحب الروح م الحناجر

١٩٦٧ القاهرة

\* \* \*

---

## بيانات على تذكرة مسجون

الاسم - صابر

التهمة - مصرى

السن - أجهل أهل عصرى

رغم انسدال الشيب ضفائر

من شوشتى

لما لتحت خصرى

المهنه - وارت

عن جودي والزمان

صنع الحضاره

والحضاره

والأمان

البشره - قمحى

القد - رمحى

الشعر - أخشن م الدريس

---

لون العيون - إسود غطيس  
الأنف - نافر كالحصان  
الفم - ثابت في المكان  
ولما جيت ازحرجه  
عن مطرحه

كان اللي كان  
جهة الميلاد - في أي أوضه مضلمه  
تحت السما  
على أرض مصر  
من أي دار وسط  
النخيل

مطرح ما يجري النيل  
ما دام ما يكونش قصر  
الحكم - الحكم من سبع تلاف سنه  
وأنا راقد سجين  
أطعن على ضراسي الحجر  
من الضجر  
وابات حزين  
الأسباب - سألني سائل

---

حبستك طالت

وليه

لأني طيب

وابن نكته

وابن ايه

ما فيش مخالفه ركبتها

ضد القانون

لأني خايف

والقانون سيفه ف إديه

تسأل على المخبرين

في أي حين

تسمع وتقهم قصتي

ألف وبيه

الإسم صابر ع البلا

أيوب حمار

شيل الحمول من قسمتي

والانتظار

أغرق في أنهار العرق

طول النهار

---

والم همي في المسا  
وارقد عليه  
عرفت ليه؟

معتقل القلعة ١٩٧٤

\* \* \*

---

## بلدي وحبيبي

الغرام في الدم سارح  
والهوى  
طارح معزه  
والحنين للقرب بارح  
والنوى جارح  
يا عزه  
يا ابتسامة فجر هلت  
بددت ليللي الحزين  
يا ندى الصبح اللي سأسا  
فوق خدوبي الدبلانين  
بل شوقيهم  
صحي لون الورد فوقهم  
كل خد  
وشم له ورده  
مين يدوقيهم

غيرك انتي  
ومين سواكي  
يا حياتي  
يا ملاكي  
يا نسيم الحب لما هب  
هز القلب هزه  
يا هوى الأحلام يا عزه

\* \* \*

الليلادي جم خدوني يا ملاكي  
جوز تنابله  
ونص دسته  
من التيران  
كنت باحلم يا حبيبي  
كنت باحلم  
بيكي إنتي  
كنا قال  
أنا وانتي قال  
ف جنينه خضرا  
ومحاوطها البرقان

---

والسيسبان  
وانتى جوا قرنفلايه  
بالعبير بستحми  
أجري يمك يا هوايا  
تسقيني وتجري يمي  
أحضرتك  
واشرب عبيرك  
من شفافيك  
والغضون  
واقفه شايفه  
بنراعينا  
بس خايفه م العيون  
والعيون بتقول كلام  
والكلام  
طابر حمام  
بينادينا بالأغاني  
ويهادينا بالسلام  
كنت باحلم يا حبيبي  
كنت باحلم

ببكي إنتي  
أيوه انتي  
ومين سواكي  
يا حياتي  
يا ملaki  
يا نسيم الحب لما هب  
هز القلب هزه  
يا هوى الأحلام يا عزة

\* \* \*

وانطلق في الجو فجأة  
يا حبيبتي  
صوت مفاجأه  
صوت يخطي الدم يحمد  
إصحى يا حمد  
إصحى يا حمد  
وانتهي الحلم الجميل  
وابتدأ الهم التقليل  
- فين إمام  
- انتو مين

- احنا ناس مكلفين  
تيجي سالك مش ح تتعب  
واحنا طبعاً معذورين  
- انتو دود الأرض  
والآفة المخيفه  
انتو ذرة رمل  
في عيون الخليفة  
إنتوا كرباج المظالم  
والماسي  
إنتو على ف جسم بلدي  
انتو جيفه  
- سكتوه ابن الكلب  
سفوه من التراب  
فتشوا كل الأماكن  
طلعوا رفوف الدولاب

\* \* \*

كمونني يا حبيبي  
كتفوني يا حبيبي  
قوموني

قعدوني  
كل شعره ف جسمي  
بالعين فتشوها  
المخده من جنانهم  
شرحوها  
وانتهى التفتيش

ما فيش  
صدقيني  
ما تخافيش  
هو فيه يا عزه عندي ممنوعات  
غير باحب الناس  
وباكره السكات؟

\* \* \*

بص واحد م التقابله  
جوا عيني  
وانتي عارفة  
عنيه صافيه وطيبين  
زي كل عيون بلدنا يا حبيبي

---

شباكين

ع القلب دوغرى موصلين

\* \* \*

كان مناه يلمح علامة خوف بسيطه  
طب حبيجي الخوف منين ابن  
العيطه

هو مين فينا الجبان  
ولا مين اللي فينا خان  
إلي قلبه بالمحبه وبالأمانى  
وبالربيع لاخضر مزهر  
والأغاني

ولا كلب الصيد  
وأسياده الأباطره  
أكاليلن لحم البشر  
فوق الصوانى؟

هو مين فينا الجبان  
ولا مين فينا اللي خان  
هو بص في عيني بصه  
إرتجف وف حلقه غصه

---

وأتعوج ومال وقال  
جملتين مش مفهومين  
أصله شاف صورتين جمال  
في العيون الطيبين  
مصر في العين الشمال  
وانني في العين اليمين

معقول القلعة ١٩٧٢

\* \* \*

---

## على الربابه

أصلی ع النبي قبل البدایه  
نبي عربی مشفع فی البرایا  
وسلم بالوتر والقوس علیکم  
یا کل السائرین  
ع الشوك معایا  
یقول الشاعر المجروح فؤاده  
من الأندال  
ومن عشق الصبایا  
غرامی فی الحروب یسبق کلامی  
وأملی فی الشعوب  
یخلق غنایا  
وعشقی للكلام  
غللب سکوتی  
وکرهی للسکات  
جالب شقایا

\* \* \*

يقول ابن العرب  
والجرح نازف  
صادق الذل  
ودموع السبابا  
ونار الغل  
من أيلول ويونيه  
وريق المر من طعم الرزابا  
رضانا بالقليل والخوف  
رمانا  
بحكام المواكب  
والهفابا  
وأيش بعد المسيره  
الهاشميه  
على درب الخيانه  
للنهائيه  
وبيع الأرض بالعرض لعدوي  
على عينك يا تاجر في المرابي

ويا شعب العرب  
يا ابن الفوارس  
يا رافع للنضال بيرق ورائيه  
يا واهب للزمن أيام وضيئه  
بنور البذل  
والجود والعطايا  
صلاح الدين  
ينادي من منامته  
على النائمين  
على دم الضحايا  
لا أنا منكم ولا أنتو من ولادي  
إذا رضيتم  
بغير النصر غايه  
ولا غير السلاح في الحرب  
يحكم  
ويحسم  
في المشاكل والقضايا

سجن الاستئناف ١٩٧٣

---

## الشيخ عاشور

سلام مربع يا بلد  
للشيخ عاشور  
قلب الأسد  
سلام يا واد  
على دا واد  
لو دسته منه  
في البلد  
ما كنش كان  
كل اللي كان  
ولا كان دا حالك  
يا بلد  
مدد يا شيخ عاشور  
مدد  
مدد يا شيخ عاشور  
مدد

١٩٦٨ القاهرة

---

## المرجيحه

يا عم ادريس  
يا عم ادريس  
يا بو المرجيحه والقواديس  
ما جاش الدور ؟  
عشان يطلع قادوسي لفوق  
أبوس النور  
واطفى للعلالي شوق  
واغني في الهوى موال  
على ورد الخدود والحال  
ولدوق الحب سحر حلال  
واشوف الدنيا  
وابقى عرييس  
يا عم ادريس

\* \* \*

يا عم ادريس على الدور

أدور واطلع مع الطالعين  
كفايه سنين يا عم أدريس  
يا عم أدريس  
كفايه سنين  
وأنا وعيال  
كما العصافير  
رفاقه كلنا وفرافير  
يا دوب يعلا الجناح بينا  
يعديننا القادوس ويطير  
ونرجع تاني لافرحا  
ولا عرفنا الطريق من فين  
وجينا  
زي ما رحنا  
حياري ومحرومین لاتنين  
نداوي بالغنا جراحنا  
ونرمي اللوم على الجناحين  
وجريدة النفس له وجعين  
يبكي القلب  
قبل العين

---

وَقَاضِيُ الْحَظْ لِهِ شَرِعْنَ  
لِأَهْلِ الْبَخْتِ ... وَالْمَتَاعِيسِ  
يَا عَمَ أَدْرِيسِ

\* \* \*

وَآهَ لَوْ بَخْتَنَا يَشْوَفْنَا  
وَنَرْمِي الْزَّهْرَ يَدِينَا  
وَقَاضِيُ الْحَظْ بِنَصْفَنَا  
وَيَحْكُمُ بِالْأَمْلِ لِيَنَا  
وَنَتَمْرَجُ عَلَى كَيْفَنَا  
وَيَنْسَابُ الْقَادُوسِ  
بَيْنَا  
يَا خَدْنَا بَعِيدٌ وَيَحْدِفْنَا  
وَعِنْدَ الشَّمْسِ يَرْمِينَا  
عَلَى بَحْرِ النَّسِيمِ نَسْبَحُ  
وَتَسْرَحُ فِيهِ أَمَانِينَا  
وَفَوْقَ شَطِ النَّجُومِ نَنْزَلُ  
وَتَرْسِي هَنَاكَ مَرَاسِينَا  
وَيَبْقَيُ الْجَوِ هَلَيلِهِ  
تَلْعَبُ فِيهِ

---

غناوينا

وندر

في الفضا حبه

غناوي

كلها محبه

تقول للهم يتخيبي

وترقص في الهوى الفوانيس

يا عم ادريس

يا عم ادريس

القاهرة ١٩٦٢

\* \* \*

---

## عبد المنعم رياض

زَعَقَ الْوَابُورَ عَ السَّفَرِ  
أَنَا قَلْتَ كَانَ بَدْرِي  
نَعْقَ الْغَرَابَ عَ الشَّجَرِ  
خَطْفَ الْفَرَاقَ بَدْرِي

جَدْعٌ

مَا شَفَنَشَ جَدْعٌ  
فَاتَ فِي الْبَلَدِ زَيْهٌ  
عَيْطَ عَلَيْهِ الْقَمَرِ  
وَالنَّجْمَهُ فِي الْبَدْرِي

\* \* \*

يَا نَنِي عَيْنَ الْبَلَدِ  
يَا بَنَ الْبَلَدِ يَا عَزِيزَ  
بَكِيتَ عَيْوَنَ الْوَلَدِ  
وَالْبَنْتِ  
وَالْعَوَاجِيزِ

---

يا قلب مصر النقي  
وقلب مصر بياض  
عزيز علينا اللقا  
بعد الفراق يا رياض  
يا عترة الحراس  
يا بو الإِدرين تنباس  
يا ريتني كنت معاك  
وشربت نفس الكاس

\* \* \*

هطال يا دمع البكا  
واللي بكى لم طال  
دم الجدع  
يا جدع  
سال ع الكنال  
هطال  
يروي على أرضنا  
حدونه بالموال  
بعد الصلاع النبي  
يا ليل يا عين يا نضال

---

ملعون يا داء البكم  
ملعون يا طول البال  
بعد الوطن ما اندھس  
وصار ترابه حلل  
للغاصب الأجنبي  
والجينا والأندال  
يا حر قلب الناس  
على رنة الأجراس  
الشعب كله رياض  
ورياض مثل  
يا ناس

\* \* \*

يا نني عين البلد  
يا ابن البلد  
يا شجيع  
دمك عزيز ع البلد  
عمر العزيز ما يضيع  
كلمه وقالتها البلد  
في لحظة التوديع

بالدم  
نفدي البلد  
لا سلم  
لا تمييع  
وان كان طريقك سفر  
تفنيه خطاويينا  
ونغوص في جوف السحر  
وعلقونا تهدينا  
وان كان طريقك حجر  
حتبسشه إدinya  
ونرشه من دمنا  
من عندنا لسينا  
يا رنة الأجراس  
دقى وصحي الناس  
ملعون أبوك يا خوف  
بعد الشرف ما انداس

القاهرة ١٩٦٨

\* \* \*

---

## سلام مربع

أول كلامنا وفتح الباب  
سلام مربع  
للطلاب

يا فرحة هلت واحنا حزانى  
يا ميت حلوه عليك يا شباب

\* \* \*

خمس سنين فاتت  
على نار  
كرامه "يوك"  
وعيشه مرار  
ولما حانت ساعة النار  
راجعين يقولوا  
ضباب وهباب  
لكن يا مصر خلاص ما بقاش  
بكش

---

يعيش فيكي وبكاش  
طول ما الشباب فاكر  
مانساش  
والثوره بتدق الأبواب

١٩٧٢ القاهرة

---

## يا مرر ح

يا مرر ح خالص مالص  
يا رقيق جداً وسمين  
يا غصين البان يا لا للي  
يا خواتي  
على الطغمين  
يا حلولاً  
يا ورده يا فلة  
يا معشش في البساتين  
يا بيو شعر مسبب سايج  
من صهد البريانتين  
يا منور في التشريفة  
ومضلم في التخمين  
يا بو كرش مدوار  
كور  
من لحم البنبي آدمين

يا صباح الخير يا لفendi  
يا نهارك  
زي الطين  
يا مرحرح خالص مالص  
ولا سائل في التانين  
مرعوب كده ليه يا حلاوه  
ومفاصلك ليه سايبين  
وتنموت في الدبلوماسيه  
وتحاف م الفدائين  
وتشوف الحل السلمي  
في الراديو وفي الجرانين  
تنتهد من معامي عك  
ونقول قادر يا معين  
ما تصح النوم وتفوق  
وتشوف بتكلم مين  
الشعب بخير يا مرحرح  
والناس كلك عارفين  
مين اللي خان بهيه  
ومين قتل ياسين

---

ومين بهدل بلدنا  
ومين ومين ومين  
ويا مصر يا أول صوره  
في عيون المولودين  
ويا مصر يا آخر صوره  
في قلوب الميتين  
يا بلدنا  
يا بكره ولادنا  
يام الدنيا والدين  
يام الولدات المجدع  
والبنات الطعمين  
يحرم إسمك علينا  
ونعيش متغرين  
لو سبنا الذل يدوشك  
أو عشنا مغلوبين  
ويا سينا  
أكيد جايينك  
ناخد بتار ياسين

القاهرة ١٩٦٧

## أغنية هزار

عزوزِ النوز  
كوا النوز  
مناخيرك  
مش قد الكوز  
مع ذلك  
دائماً تتعارك  
مع نجمك  
مع إنه يجوز  
ييجي مرة يزرجن  
ويبلبك  
على أم دماغك  
بالشوز  
حتبلضم  
حيلبك تاني  
ح تعيط

---

وح حتفق بوز  
ماتهونش على يا روح  
قلبي  
أنا أصلي متيم  
وعجوز  
وباحبك  
أكثر من عيني  
وباعزك أكثر ما تعوز  
فحصالحك  
غضبني عن عيني  
تعزز تاني يا عزوز  
أزهق من عندك  
ورز التاك  
أنزل على "باتا"  
واجيب شوز

القاهرة ١٩٧٧

\* \* \*

## رساله إلى السجن

حبيبي يا مجرم يا ساڤل  
يا دون يا رب السوابق  
يا رد السجون رز التك معاهم  
ونمك عليهم دا زائد جنانك  
ونعم الجنون جابولي وجابولك  
وياما يجييو لنا لأن البلد دي  
حاكمها القانون توقع ما بيني وما بين  
الحكومة !؟ دي برضك حكومة

---

وأنا ليش أكون ؟  
أديك رحت مورته  
وحتروح بشرطه  
وحيفسحوك  
في جميع السجون  
وأنا مش ح أزورك  
كما كنت فاهم  
ولا كنت فاهم  
ولا يحزنون

القاهرة ١٩٧٩

\* \* \*

---

## النيل عطشان

هربت هذه القصيدة من سجن الاستئناف  
إلى الرفيقات المعتقلات في سجن القنطر

النيل عطشان يا صبايا  
للحب وللحنين  
والشط  
لا نور  
ولا نسمه  
ولا ناي  
ولا عود ياسمين

\* \* \*

يا شاهنده وخبرينا  
يا ام الصوت الحزين  
يا ام العيون جنابين

---

يرمح فيها الهجين  
إيش لون سجن القناطير  
وايش لون السجانين  
وإيش لون الصحبه معاكي  
نوأر البساتين  
كلك محابيس يا بلدنا  
وهدومك زنازين  
وغيطانك الوسایع  
ضاقت ع الفلاحين  
والدخان في المداخن  
لون هم الشغالين

\* \* \*

يا بنات النيل يا سبايا  
ف حبال الجلادين  
ما بقاش في زمانكم عنتر  
لكن فيه الملائين  
فارس محسوب الخطوه  
يتحرك بالقوانين

لحظة ما تَحْيِن الساعه  
يركب ضهر التنين  
ويحطم الحواجز  
ويفك المساجين

سجن الاستئناف ١٩٨٠

• • •

---

## حارتنا

حارتنا	-
مجاري وناموس	-
مرابي وفانوس	-
حجاره وكراسي	-
شباب ع النواصي	-
دقون ع الكروش	-
عرق ع الفروش	-
شقوق في البيوت	-
بيوت في الشقوق	-
مساء تموت	-
صباحاً تفوق	-
قديمه وغبيه	-
لبيه وصبيه	-
في ضيق خرم ابره	-
في غوط المحيط	-

على الذل صابره	-
دا صبر الغويط	-
أسانس البلاده	-
معسکر ولاده	-
خسيسه وجبانه	-
جريحه ومهانه	-
ما تسمعش ندهه	-
رنين الدفوف	-
بتاكل ولادها	-
حتولد ألوف	-
ما دام ضعننا فيها	-
ضروري نلاقيها	-

حارتنا في الحواري  
 علم على الصواري  
 لو قال فوقها  
 الكناري  
 تتهَّزْ المشربيه

---

يا حوش آدم  
يا دارنا  
يا ساكن حضن جارنا  
سيدنا الحسين تبارك  
شهيد الإنسانية  
مدد سيدنا وشهيدنا  
يا قايل ومواعينا  
يكون عيدك  
وعيدنا  
يوم طلعة شمس جيه

\* \* \*

يا حاره جوا حاره  
يا مجتمع السهراري  
من كل حي  
حاره  
في الحضره الآدميه  
مدد أنسال الحبابيب  
مدد حاضر وغائب  
مدد زين الصحابيب

يا ساده يا موجيه

\* \* \*

فيك العيدان هزيله  
شليله الحمول تقيله  
ولا باليد حيله  
ولا الأيام هنيه  
سيدنا الدردير يا بابا  
مدد يابو الغلابه  
فوق الحواري غابه  
بتensus الأدميه

\* \* \*

صُبْحَكَ صبایا صاحیه  
هاللين  
من كل ناحيه  
مدد يا سيدى يحيى  
توعدنا باللي هي  
يا حارتنا  
يام شيله  
هزى الهلال

---

وهيلا

قدامك يوم وليله

ع الفرحة

والعيديه

القاهرة ١٩٨٠

\* \* \*

---

## غنوه للشباب

هللى يا شمس البشائر  
طابت وآن الأوان  
طلّي وحلّي الستائر  
نور الأشایر بيان  
وارخي الصفاير مناير  
فوق الزمان والمكان  
مصر الشباب العزيزه  
قامت وكان اللي كان

\* \* \*

مصر اللي خاضت ليالي  
بحر الضلام الرهيب  
تسهر عليها المبالي  
ترعى  
ولا من طبيب  
عرفت بلاها ودواها

---

بعيون شبابها النجيب  
تسلم عيون الأطبا  
ويعيش حكيم الزمان

\* \* \*

قال الشباب المداوي  
شقشق يا نور الصباح  
تظهر أصول البلاوي  
تطهر عيون الجراح  
يحضرّ عود الأغاني  
يسري العبير  
في البراح  
تسرح في مصر الأماني  
زي النشيد والأدان

\* \* \*

مصر العلوم والصناعع  
والفلحين  
والغيطان  
مصر الجنود بالمدافع  
متسلحين للميدان

مصر السلام

بالمعارك

يفرش يغطي المكان

يندِه يا شمس الحقيقة

طلَّي عليكِ الأمان

معتقل القلعة ١٩٧٤

\* \* \*

---

## شُقْع بُقَع

أنا الأديب ولا تعرفنيش  
تقرا لي  
لكن ما تشوفنيش  
كلامي لا هو مدهون ورنيش  
ولا المعاني عليها غبار  
شمع بقع يا ديل الفار

\* \* \*

يا شعب مصر يا خم النوم  
ما تفوق بقى  
وتشوف لك يوم  
الثورة قادت في الخرطوم  
ولفت اللي نايم بالمندار  
شمع بقع يا ديل الفار

\* \* \*

يا شعب ثور

داهيه تسمك  
وشيل أصول أسباب همك  
عصايه  
بتمص ف دمك  
والإسم قال  
ظباط احرار  
شمع بقع يا ديل الفار

\* \* \*

خدوا اليهود  
غزه وسينا  
وبكره يبيقوا وسطينا  
والراديوهات بتغديننا  
خطب  
ونتعشي أشعار  
شمع بقع يا ديل الفار

\* \* \*

الشيخ إمام  
قال كلمة حق  
الست ثومه

---

قالت لك لا  
وأبو النجوم  
على ودنه انزق  
في المعتقل  
والدنيا نهار  
شمع بقع  
يا ديل الفار

معتقل القلعة ١٩٦٩

\* \* \*

هـما مـين

إِنَّا مِنْ وَهْمَا مِنْ  
إِنَّا الْفَعَلَا الْبَنَابِينَ  
إِنَّا السُّنَّةَ وَاحْدَانَا الْفَرْصَ  
إِنَّا النَّاسَ  
بِالطَّوْلِ وَالْعَرْضِ  
مِنْ عَافِيَتَا نَقْوَمُ الْأَرْضِ  
وَعَرْقَنَا يَخْضُرُ بَسَاتِينَ  
حَزَرٌ فَزَرٌ شَغَلَ مَذَكَّرٍ

شوف مين فينا  
بيخدم مين

\* \* \*

\* \* \*

إحنا مين وهما مين  
إحنا قرنفل على ياسمين  
إحنا الحرب حطبها ونارها  
واحنا الجيش اللي يحررها  
واحنا الشهداء كل مدارها  
منتصرین أو منكسرین  
حضر فزر شغل مخا

---

شوف مين فينا بيقتل مين

\* \* \*

هما مين واحنا مين  
هما الأمراء والسلاطين  
هما مناظر بالمزيكة  
والزفة وشغل البولوتيكا  
ودماغهم طبعاً أستيكيه  
بس البركه في النياشين  
حرز فزر شغل مخك  
شوف مين فينا  
بيخدع مين

\* \* \*

هما مين واحنا مين  
هما الأمراء والسلاطين  
هما بيلبسوا آخر موضه  
واحنا بنسكن سبعة ف اوشه  
هما بياكلوا حمام وفراخ  
واحنا الفول  
دوخنا وداخ

---

هـما بـيمـشو بـطـيـارـات  
واـحـنا نـمـوت  
بـالـأـتـوـبـيـسـات

هـما حـيـاتـهـم بـمـبـيـ جـمـيلـهـ  
هـما فـصـيلـهـ وـاحـنا فـصـيلـهـ

حـادـيـ ياـ بـادـيـ ياـ عـبـدـ الـهـادـيـ  
ياـ لـلـيـ عـلـيـكـ قـصـدـ الغـنـوـاـ دـيـ

لـماـ الشـعـبـ يـقـومـ وـيـنـادـيـ  
ياـ اـحـناـ ياـ هـماـ فـيـ الدـنـيـاـ دـيـ

حـزـرـ فـزـرـ شـغـلـ مـخـ  
شـوفـ مـينـ فـيـنـاـ  
حـيـغلـبـ مـينـ

الإسكندرية ديسمبر ١٩٧٧

\* \* \*

---

## شُرُم بُرم

أنا الأديب الأدباتي  
غايظني حال بلدياتي  
وغلبت او حوح وأهاتي  
لكن بلدنا سمعها تقيل  
الله الله يا بدوي  
هات الشخاليل

\* \* \*

شُرم برم والناس غافله  
والغفله ع الأفهام قافله  
والكدب لعلع في الحفله  
وأغلب السامر مساطيل  
الله الله يا بدوي  
دق الشخاليل

\* \* \*

حالتنا ما تسرش إنسان

---

وحالنا يصعب ع الغلبان  
لكن يا خلق علينا لسان  
لو جريناه ع الصلب يسيل  
الله الله يا بلدي  
يام الشماليين

\* \* \*

السوس نَخْب سقف العشه  
وعضمه الغنمات هشه  
عايزين صابونه ومقشه  
وهات يا كنس وهات يا غسيل  
الله الله يا بلدي  
مشوارنا طويل

\* \* \*

آدي العباره يا متولي  
وادي الصراحه اللي  
تمalli  
توجع وتتععب  
وتخلني  
عرق الغصب

---

زلومة فيل

الله الله

يا بدو

لم الشخاليل

القاهرة ١٩٦٧

\* \* \*

---

## القضية

الحکایه والروايه  
والقضیه  
والجنایه  
والفانلہ في الجونله  
والمخدّه في الملايه  
و والإداره بالشطاره  
والخساره  
ع التکايا  
والأمين مهلباتي  
والأمانه مهلبایه  
والصحافه مهليبه  
و والإذاعه يا ضنایا  
ألف ليله وليله  
تندب  
ع الهوا

وتنقول هو ايا  
والمشايخ  
كل شايخ  
واليقان  
في الفساد يهدى للهدايه  
والقناعه للجواعي  
والبضائعه للهبايا !  
والبوليس  
في اليغمه طايج  
بالطبنجه والعصايه  
دب غريب  
من غير كمامه  
يهبس التوب والعبايه  
والقضيه يا قضايا  
بالمكайд والوشاهه  
دبروها  
وفصلوها  
بالمقاس  
لبست قفایا  
والعداله بالنداله

علوها  
وهي جايه  
والحكايه  
والروايه  
والقضيه  
والجنايه  
الحكايه عايشه قده  
والكلام  
ما لوش نهايه

\* \* \*

الحكايه ان البلد  
مش ملك ناسها  
والخليق فى البلد  
مش مالكه راسها  
والبلد  
يا ولاد بلدنا  
مش عليه  
البلد  
علتها جايه

---

من خرسها

\* \* \*

شوف يا صاحبى  
ما انت شايف كل حاجه  
بس خايف  
الحقيقة بنت كلمه  
والكلام لازم يدور  
سندياد موالي عالي  
في المدائن  
والكفور  
يسقى من بحر الحقيقة  
يسبح الإنسان  
في نور  
الكلام الكلام  
يكسر القيد واللجام  
الكلام الكلام  
يدفع الناس للأمام  
شوف يا صاحبى  
قول كلامك

---

## واستخبي في الزحام

\* \* \*

والجنايه ان البلد  
من السكات  
بعضها راح لليهود  
والبعض مات  
واللى جابوا النكسه  
لسه ع الكراسي  
والكراسي  
فوق ضهور المخلوقات  
والقضية فى النهايه  
خدها مني فـ كلمتين  
البلد

مش عايزة قعده  
 وكل منهـ بفتونـين

البلد  
عـ ايـ زـهـ المجـاهـ دـهـ  
بالـ لـسـانـ وـ بـ الـادـينـ  
كلـ نـاـ وـ مـنـ غـيرـ مـعاـهـ دـهـ

للبـلـد  
علـيـنـا دـيـن  
يـكـبـسـونـا  
يـحـبـسـونـا  
يـضـرـبـونـا كـرـبـاجـين  
الـبـلـد  
سـامـعـه وـشـاهـدـه  
وـكـلـ خـرم  
قـصـادـه عـيـن

الـقاـهـرـة ١٩٦٩

\* \* \*

---

## المدرس

احمد افندى محمد حامد  
عبد العال  
صاحب عليه جسيمه  
مراته  
وست عيال  
عنه اسم الله  
حسن وحسين وسعيد ونوال  
والمقروصه نفيسه  
وقدم الخير .. وصال

\* \* \*

احمد افندى  
مدرس عربى قديم  
ومتنين  
شكله تشووفه  
تقول على طول

من أهل الدين  
شايل سبحة خشب البندق  
م الغاليين  
ساعه تلف يمين  
وسواعي تلف شمال

\* \* \*

غير السبحة  
طالعه زبيبه ف قورته كمان  
يعنى دليل  
على إنه بيسجد للرحمه  
هيبه وتنوى  
ومظهر ناطق بالإيمان  
ثم المشيه عليها القيمه  
وفيها جلال

\* \* \*

احمد افندي  
ساكن شقه فى رابع دور  
بيت الحاج عويس  
ومراته الحاجه بدور

---

كانوا حباب قبل ما يتأتى المقدور  
ساعة نحس انقلب البيت  
وأتبَدَّل الحال

\* \* \*

اين الحاج عويس  
كان عامل كوره شراب  
والعصريه  
نازل يلعب جنب الباب  
جاي بيسوط  
قام طارت فرده من القبقاب  
جت فى زبيبة احمد افندي  
وندمها سال

\* \* \*

ضحكَت عيشه مرات السقا  
وقالت يه  
ظاطوا عيال الحاره وقالوا  
الجردل اهه  
احمد افندي فوت عقله  
ما بقاش له

---

رقيع الواد قلمين سخنين  
كومه فى الحال

\* \* \*

صرخت نوسه مرات محمود عبد الجواد  
كبدى يا خويَا  
يا ناس دالراجل قتل الواد  
نزل السيد سالم يجري  
وقال يا ولاد  
إوعوا الرجال يفلت منكوا  
دا موته حلال

\* \* \*

احمد افندى زعق من تحت  
وقال يا حسين  
هات سكينه  
ونزلَ اخوك ومعاك شومتن  
نزلوا العيله  
اشتغل الضرب شمال ويمين  
والصوت لعلع  
والنبابيت غنت موالي

---

خش محمد مرسى يخلص فى الموضوع  
خد سكينه فـ جنبه  
وكان عيان موجوع  
وقع الأرض بئن  
وعينه تشر دموع  
هي ثوانى وطلعت روحه لل المتعل

\* \* \*

ها جوا العالم  
والنسوان فقعت بالصوت  
وامه نقول  
يا حبيبى ازاي دهولك الموت  
واحمد افندى لم عياله  
وعلى برغوث  
طلب النجده  
من تليفون عبده البقال

\* \* \*

وصل النجده  
لقى حوالين الجنة اتنين  
أخته بتلطم

وامه بتترغ فى الطين  
سأل الظابط  
فين امال المتخانقين  
قالت نوسه من شباكها  
دابو وصال  
طلع هجمه  
ان شا الله ما حد يشوفها  
يا ناس  
رزعوا الباب  
فسخوه اتنين  
طار الترباس  
خطط الحله .. قلبها  
وساح منها القلقاس  
 العاص القله  
ولغمط وش البت نوال

\* \* \*

احمد افندى  
وقف على حيله وقال  
جري ايه

لنت از ای تنهجم کده علی بیتی یا بیه  
لاشه الضابط

جريوا عیاله انتموا عليه  
حسن انترمی علی ابوه  
وائشل علی وصال

\* \* \*

أمر الظابط للشرطية  
بالتنفيذ  
واللى حيعتر فى السكينه  
حبيقى شاويش  
بعد ما لفوا إوضها ودخلوا  
وقالوا مفيش  
لمح الظابط  
لم بقع جنب شوال

\* \* \*

زغد المخبر  
قال له از ای بتقول فتشت  
جري من خوفه اتكعبيل  
کوع جنب الطشت

لحقه زميله وقال جرى ايه

مالك

طبشت ؟

قام مذهول

مش قادر حتى يرد سؤال

\* \* \*

مخبر تانى

عشان موعد بيترقى شاويش

فرد المطروح

وهم يمزع ببها الخيش

أول خبطه اتخص

وقال يا خبر ؟

دا حشيش

احمد افندى وقع من طوله

فشر تمثال

\* \* \*

كانت نزله

ان شا الله ما حد يشوفها يا هوه

احمد افندى

فففه من حيل الضرب

هروه

أربعه منه شالوه

وف قلب البوكس رموه

ولام عياله نقول له

يا سبع البيت يا غزال

\* \* \*

ضحكـت عـيشـه مـرات السـقا

وـقالـت يـة

ظـاطـوا عـيـالـاـ الحـارـه

وقـالـوا المـجـرمـ أـهـه

احـمـدـ اـفـنـدـىـ فـوتـ عـقـلـه

ما بـقـاشـ لـه

صارـ يـلـطمـ عـلـىـ وـشـهـ يـقـولـ

حبـسـونـىـ عـيـالـ

القاهرة ١٩٦٣

\* \* \*

---

## أبوك السقا .. مات

شيلنى و اشيلك  
دانا برضه فرحت لك

\* \* \*  
وانا بتاعك يا بيه  
واعرف  
ما اعرفش ليه

\* \* \*  
وكام عبد المعين  
لابد في المسؤولين  
وانا بتاع كل حاجه  
ودراعك اليمين

\* \* \*  
وهنيف الوزير  
وسواق المدير  
ومهماز المدام

ونبوت الغفير  
وفرّاش العيادة  
وخدّام السيادة  
واللّى من غير سناده  
يتعرّز ع السرير ؟  
وناس بدم ساقع  
واقفين  
ورا البراقع  
يمبعوا المبادئ  
ويفسروا الشرائع  
وناس من خلف شيش  
خايفين من الشاويش  
سلبيّه الميّه ميّه  
تعالى  
لأ ما اجيش

\* \* \*

دا كان كلام زمان  
ما يبقالوش مكان  
في مجتمع نضال

بِيَعْجُنُ الرِّجَال  
بِالصَّهْدِ وَالْعَرْقِ  
وَلَوْ حَسْ بِالْأَلْمِ  
يُوشُوشُ الْقَلْمِ  
يَصْرَخُ عَلَى الْوَرْقِ  
يَقُولُ كُلُّ الْكَلَامِ  
عَرِيَانٌ  
مَا يَزُوقُوهُ  
وَيَوْصِفُ الْآلَامِ  
لِلَّى مَا اتَّلَمُوْشِ

\* \* \*

أَصْلُ احْنَا شَعْبُ طَيِّبٍ  
وَالطَّيِّبَةُ فِينَا  
بِلْوَى  
تَاخْدُنَا مِنْ قُرَيْبٍ  
وَتَجْيِينَا  
كَلْمَةُ حَلْوَهُ

\* \* \*

---

سامعين يا اهل البلد  
ولا امسك التفیر  
يا البنّت  
يا الولد  
يا المجدع الكبير  
عارفين ماشيين منين ؟  
والسکه السالکه فين ؟

\* \* \*

مشوارنا  
مش هوين  
وما هواش بالقليل  
مهما الخيال يزير  
لسه الطريق  
طويل  
وع الطريق شكوك  
وجبال حسک  
وشوك  
صحيح يا عين ابوک  
وامسک

---

فی يد اخوك  
عايزين همة رجال  
أبعد من المحال  
واسرع من الامل  
تزلزل الجبال  
وتفتح المجال  
للعدل والعمل  
ويطلع خير بلادنا  
على ذمة ولادنا  
وتبقى عيشه جنه  
وملو الصحن حنه  
على كفوف الصبايا  
واعيش واسوف ولادي  
ماليين عين الأعدى  
قاليمين للعز رايه  
واقعد ويئا الصحابه  
ونقول على الربابه  
يا جيل الانجازات  
يا جيل المحظوظين

---

أبوك السقا .. مات  
من شرب المئه  
طين

القاهرة ١٩٦٦

\* \* \*

## المشوار

ياللى جيت من شط تانى  
حبتين  
ورجعت تانى  
رحت فين  
جيتنين ؟  
حاجه يابا محيرانى !

\*

\*

\*

إنت يوم ما جدى جابك من هناك  
جيتنين  
واما سبت الناس وغلب الناس وراك  
رحت فين  
عم عباس الغفير  
وسليمان عبد البصير  
والمحافظ  
والوزير

---

كلنا ماشيين طابور  
والقدر دائير يدور  
بالكاسات بين المواكب  
ع اللي ماشى  
واللى راكب  
واللى بيتجي الدور عليه  
يلقى كاسه بين ايديه  
واللى يشرب كاسه  
يطلع م الطابور  
واللى يطلع  
بيتاوينه جوف القبور  
والقبور سعر انه  
لم قالت كفايه  
والقدر  
يسقى القلم دم الدوايه  
والقلم يكتب ويشطب  
واللى يشطب إسمه يشرب  
سخن بارد  
كله وارد

---

## مستحيل كائن حيهرب

\* \* \*

رحت فين يابا  
وفين راحو اللي قبلك  
بعد مشوار العذاب  
ايه انكتب لك  
اللى راح قبلك  
ما جاش من يوم ما راح  
والحوادث والليلى  
تروح وترجع  
والى جه بعدك  
بينده ع اللي راح  
بس فين هو اللي راح  
يشوف

ويسمع  
اللى راح  
ما جبش سيره  
واللى جاي  
غرقان فى حيره

---

واحنا ماشيين فى المراكب  
زى قلعان المراكب  
قد ما يميل الهوا  
بنميل معاه  
لا قلنا لأه يا هوى  
ولا قلنا  
آه

القاهرة ١٩٦٢

\* \* \*

---

## اسكندرية

يا اسكندرية  
بحرك عجائب  
يا ريت ينوبنى م الحب نايب  
تحدفني موجه  
على صدر موجه  
والبحر هوجه  
والصيد مطاييف  
أغسل هدومى  
وانشر همومى  
على شمسه طالعه  
وانا فيها دايب

\* \* \*

كأنى فلاح من جيش عرابى  
مات ع الطوابى  
وراح فى بحرك

كأني نسمه فوق الروابى  
م البحر جايه  
تغرق فى سحرك  
كأني كلمه من عقل بيرم  
كأني غنوه من قلب سيد  
كأني جوا المظاهره طالب  
هتف بإسمك  
ومات معيند  
كأني صوت النديم  
في ليلاك  
بيصحى ناسك  
يشدوا حيلاك  
كأني طوبه من بيت فى حاره  
كأني دمعه  
في عيون سهارى  
كأني نجمه فوق الفناره  
تهدى الحيارى  
والبدر غائب

\* \* \*

يا اسكندرية  
يا مصر او يه  
على سن باسم  
على ضحكه هاله  
البحر  
شباك ومشربيه  
وانتى الاميره  
ع الدنيا طاله

\* \* \*

يا اسكندرية عاشق  
وبدى  
ارتاح فى حضنك  
والود ودى  
يكون كلامى  
عربون غرامى  
وبالمحبه  
ناخد وندي  
يا اسكندرية فيكى الغلابه  
على الرزق يسعوا ولا يناموش

صبح صباهم  
رجع مساهم  
وزاد شقاهم  
وما ارتاحوش  
يا عينى ع اللي الزمان تعبهم  
وضاع تعبهم  
وما التقوش  
نزل شبکهم  
في بحر طامى  
طلع شبکهم  
على فاشوش  
وفيکي بين البشر  
ديابه  
وفيکي فوق البشر  
وحوش

وفيکي ناس مغرمين صبابه  
لو خان زمانهم  
ما بيخونوش  
وفيکي خمرى

---

سلمت أمري  
ما اقدر اشوفه  
وما اغنىلوش

\* \* \*

سمك يا بنى يا اسكندرانى  
فى العشق واحد  
مالکش تانى

سمك يا بنى يا اسكندرانى  
فى الحسن ساحر ومعجبنى

\* \* \*

سمك يا بنى  
والعشق غيه  
تبدا بنظره  
تبقى ملاخيه

وكل عاشق وله بهيه  
وكل شاعر وله أغاني  
وانا اللي عشق الصبايا كاري  
أعشق وأغنی  
ما اقدرش ادارى

---

لو أى نظره بتجيب قرارى  
وأيشحال عيونك  
يا الاسمرانى

يناير ١٩٧٦ . الاسكندرية

\* \* \*

---

## يا نظره

يا نظره رُخى رخى  
على شباك البت اختى  
والبت اختى سنيوره  
شاغله الترترع القوره

\* \* \*

والقوره صوره وبرواز  
حواليهما التاج المهزاز  
وخدودها  
فرط الرُّمان  
ورموشها  
تفرش فدان  
يا نظره يا بنت النيل  
شبابيكنا بتطرح موأويل  
في غيابك موسم واتنين  
نرويها بدموع العين

خطفوها الغربان السود  
دفنوها فى الطين للدود

\* \* \*

يا نظره يا م مرائيه  
هاتي عيون القمر ايه  
رخيهم قطره قطره  
في عيون الحلوه الشاطره  
والشاطره تغزل موال  
والموال يولد زلزال  
والزلزال ان ما هدمشى  
حيصتى صاحب الشبابيك  
واللى يصحصح ما ينامشى  
شبابيكه حضرب مزازيك  
طبل طبل غناوينا  
زيحى الواغضش م الطينه  
يا نظره رخى اسقينا  
انا وصحابى وبننت اختى  
يا نظره رخى رخى

القاهرة ١٩٨٢

---

## حنتوب

حنتوب

لندوب فى غرامك دوب  
يا بو خال ع الخد  
وشال ع التوب  
يا حرام  
يا حلال  
يا ابو تيه ودلال  
دوّبنا القلب ولسه يا دوب  
حنتوب

القاهرة ١٩٦٩

\* \* \*

---

## بوتيكات

بوتيكات النَّاتِ كوا النَّاتِ  
وشقق مفروشه وعمولات  
يا حلاه الناوه كوا الناوه  
يا بلدنا يا آخر فنّاكات  
بوتيكات النَّاتِ كوا النَّاتِ

\* \* \*

شبيك لبيك فتح مخك  
لبيك شبيك غمض عينك  
حتقل مخك ح نطخك  
ونلوشك لو تفتح عينك  
ركب قرنين تركب مازدا  
وتعيش سلطان فى البرواز دا  
مش عاجبك فالجبنه الفارزده  
والعيش والغول والكرات  
يا حلاوه الناوه كوا الناوه

يا بلدنا يا آخر فتاكات  
بوتيكارات النات كوا النات

\* \* \*

مين فيكو ما يعرفش عليوه  
شیال المينا الكھيان  
في ثوانى اتمول واتحول  
بقي مسيو عليوه عليان  
إزاي ؟

ما هي بوظه ومفتوحه  
على حسن ولاد المفضوحه  
وأرانب صاحيه ومدبوحه  
تنأسنک تبع البنوكات  
يا حلاوه الناوه كوا الناوه  
يا بلدنا يا آخر فتاكات  
بوتيكارات النات كوا النات

\* \* \*

حتقول لي الفقراء ومشاكلهم  
دى مسائل عايزه التفانيين  
وانا رأى نحلها رباني

ونموت كل الجعانيين

وبهذا ما حدش

ح يجوع

لو نعلن هذا المشروع

وح نقل هذا الموضوع

نهائيًا

ونعيش في تبات

يا حلاوه الناوه كوا الناوه

يا بلدنا يا آخر فنكتات

بوتيكارات النات كوا النات

سجن الاستئناف ١٩٨١

\* \* \*

---

## صابرین

صابرین على حكم الزمن بالبعد  
عن صابرین  
باليتین على حلم اللقا  
وع الفراق صالحین  
صالحین سوا ليل النوى  
إحنا كما العصافير  
طایرین على وعد الأمل  
بالقرب يا صابرین

\* \* \*

لو خدوا مني العمر  
شويه  
بس أشوفك ملو عنـيه  
زى الشمس الدافـيه الصافية  
زى حلـوة النـيل فى المـئـيه  
حضرـا خـضار القـلب العـاشـق

سهمك راشق يا صابرين

\* \* \*

يا صابرين  
والصبر تعينا  
ضييع ويأنا العمر تعينا  
مُر الصبر ندوقه حلاوه  
ونمرمر بإديننا شبابنا  
إمتى الحنضل يطرح غله  
الاف حواديت الصابرين !

\* \* \*

يا صابرين أليوب  
ما هو راح  
ويأنا الليل  
والوعده صباح  
لغت بينما الدنيا ودارت  
ولا صبحك شقشق  
ولا لاح  
سابقه التقل  
وتقللك عاده

كده بزياده  
على العاشقين  
يا صابرين  
والعشق سبيلنا

نمثى وناس تانينين تقابلنا  
نطرح نملا الدنيا جنain  
كل ما نعطش نلقى سبيلنا  
لقمه هنيه وعيشه مريه  
يتعرض صبر الصابرين  
يا صابرين  
يا صابرين

سجن الاستئناف ١٩٨١

\* \* \*

---

## جيل الجينز

الجينز الجينز الجينز الجينز  
ولقيت لك روحي ف قلب الجينز  
عصبي وقلقان  
لكن فرحان  
وكانى لقيت مفتاح الكنز  
فمليت البوت  
وجيوب الجينز  
بالكنز الكنز الكنز الكنز

\* \* \*

أنا جيل نفافيخ تتفخ صواريخ  
نصرخ وتحوم ع المريخ  
عينك وتشوف  
جبنه وبطيخ  
نازلين راكبين مارسيديس بنز  
والحقنا بياده يا جيل الجينز

بالبنز البنز البنز

\* \* \*

أنا أصلى مخاض جن وعفاريت  
وتاريخ متحنط فى التوابيت  
وساعات أحلام  
وساعات حواديت  
عن ست الحسن وسر الكنز  
مدية لك إيدى يا جيب الكنز  
والقى لك روحي ف قلب الجينز

\* \* \*

الجينز الجينز الجينز الجينز  
سوبر ماركت مارسيدس بنز  
نفافيخ صواريخ  
مريخ بطيخ  
نطيت من حيرتى  
فى قلب الجينز

سجن الاستئناف ١٩٨١

\* \* \*

## بِيرَم

يا عيون الشعر الصافي  
يا بحور هايجين مايجين  
ماشيين فى طريقك دايما  
وح نفضل كده ماشيين  
ع الدرب اللي انت سلكته  
بالليل والناس نايمين  
وان كنا نقول ونجد  
ونزود فى المضامين  
بيكون الفضل لبيرم  
أسس واحنا الطالعين  
وح نرجع تانى نغنى  
ونقول ويَا الملائين  
يا بهيه وخبرينا  
ع اللي جتل ياسين

القاهرة ١٩٦٨

---

## الحمام

الحمام الإمرى صبَح ع البنانى  
قابل الصبَح المنور بالأغانى

\* \* \*

والمعاني الحلوه رنت  
فى الخمبله الصاحبه  
غنت

\* \* \*

والقلوب القاسيه حنت  
للامانى

\* \* \*

كنت فين يا فجر غايب  
كنت فين  
والسؤال ف عنئه دايب دمعتين  
والساعات فى الليل طويله  
ع السهارى فى الخمبله

---

والأغانى كل ليله  
ولسه تانى

القاهرة ١٩٦٦

\* \* \*

---

## يا ليل يا عين

يا ليل يا عين ما اعرفش اكذب  
وانا ح اكذب ليه  
عدم المؤاخذه لا أنا باكتب  
ولا أبصر ليه  
ولا عندي نزعه رجعيه  
ولا احتراف اشتراكيه  
لكنى شايف بعنبته  
يا فلاحين  
يا صناعيه  
بر الأمان بان والمركب  
راح ترسى عليه  
وانا ح اكذب ليه

١٩٦٨ القاهرة

\* \* \*

---

## عيون الكلام

إذا الشمس غرفت  
في بحر الغمام  
ومدت على الدنيا موجة ظلام  
ومات البصر  
في العيون والبصائر  
وغلب الطريق  
في الخطوط والدوائر  
يا ساير يا داير  
يليو المفهوميه  
مفيش لك دليل  
غير عيون الكلام

سجن القناطر ١٩٧٠

\* \* \*

---

## مُر الكلام

مُر الكلام  
زي الحسام  
يقطع مكان ما يمر  
أما المديح  
سهل ومرح  
يخدع صحيح ويغر  
والكلمة دين  
من غير إدين  
بس الوفا  
ع الحر

١٩٣٩ القاهرة

\* \* \*

---

## على رأي المثل

إن قلت كلامه لم تخاف  
وإن خفت كلامه  
لم تقول  
كلام نقيل  
على الخفاف  
والفهم لصاحب العقول  
ما فهمتنيش  
شد اللحاف  
ونام وسipp النوم يطول  
وبوس إديك  
وكلها حاف  
والصبر برسيم العجول  
ناكل شمال  
تشيل كتاف  
يعرض قفاك

وأصبر  
تنول  
ولما تفرج  
بالكاف  
تهيصن  
وتملا المخله  
فول  
على رأى المثل

القاهرة ١٩٦٩



---

## موال الفول واللحمة

عن موضوع الفول واللحمة  
صرح مصدر  
قال مسئول  
إن الطب اتقدم جداً  
والدكتور محسن بيقول  
إن الشعب المصري عموماً  
من مصلحته يفرش فول  
حيث الفول المصري خصوصاً  
يجعل منبني آدم غول  
والبروتين الكامن طيه  
نادر زيه في أيها فول  
تأكل فخده في ربع زكيه  
والدكتور محس مسئول  
يديك طاقه وقوه عجيبة  
تسمن جداً

---

تبقي مهول  
لحمه نباتي ولا في الحاتي  
تأكل قدره تعيش مسطول

\* \* \*

ثم أضاف الدكتور محسن  
إن اللحمه دي سُم أكيد  
بنزود أو جاع المعده  
وتعود على طولة الإيد  
وتنتيم ببني آدم أكثر  
ونفرقع منه الموعيد  
واللي بيأكلوا اللحمه عموماً  
حيخشوا جهنم تأبید

\* \* \*

يا دكتور محسن يا مزقلط  
يا مصدر يا غير مسئول  
حيث أن انتو عقول العالم  
والعالم يحتاج لعقول  
ما رأي جنابك وجنابهم  
فيه واحد مجنون بيقول

---

إحنا سيبونا نموت باللحمه  
وانتو تعيشوا وتأكلو الفول  
ما رأيك يا كابتن محسن  
مش بالذمة كلام معقول

القاهرة ١٩٧٤

\* \* \*

---

## الشواعر

قرينا الشواعر  
ودقنا الشواعر  
مشعرر مبعمر وجاعر وناعر  
وطور دنجلاوي  
بيحرت غناوي  
تجيب الأبيج  
وتنمنع بلاوي  
جميع البلاوي استدللت علينا  
وجونا الغوريه  
وشفنا بعنينا  
ونشهد  
ومصر اللي تشهد علينا  
قليل اللي منهم  
يهز المشاعر

١٩٧٤ القاهرة

---

## الصمت

سکات سکات سکات  
حوادیت ورا السکات  
مليان کلام لکني  
آخرس من السکات

\* \* \*

سکات سکات سکات  
مات الكلام وبات  
جدار للاف دار  
پيادلوني السکات

\* \* \*

سکات  
سکات  
سکات  
لکن لسکاتنا معنی  
أنطق من الكلام

وكل من سمعنا  
يفهمنا بال تمام  
وحق من جمعنا  
لينطق الكلام  
ويقول الصمت مات  
ويصرخ في السكات  
سكات  
سكات  
سكات

القاهرة ١٩٧٣

---

## الليندي

سلفادور الطيب  
مات  
وندر نفسه  
بطبيه غريبه  
لما اتلخفن فى العلامات  
شوف مع انه بيقرأ وفاهم  
صح السكه والإشارات  
لكن مشيه ف نص الشارع  
من دون بوصله  
ولا استشارات  
دهسه المترو الغول الوارد  
من أمريكا بالدولارات  
سلفادور الطيب  
مات

القاهرة ١٩٧٣

---

## الشركسي

يا شركسي  
يا أبو بندقيه  
لا دين لا ذمه  
لا إنسانيه  
كرجاج في ايدك  
والناس عبيدك  
والفرده حتى  
ع الجلابيه

\* \* \*

ألف بطيري  
ويلوف بغيري  
يا شركسي  
يا اللي كلت خيري  
شافط عرقنا  
كاشف ورقنا

---

والله وسرقنا  
يا مصر اويه  
الشركسي أبو بندقية

\* \* \*

الصبر طيب  
والصبر طيب  
واصبر وصبري دائمًا يخيب  
سنين طويلة  
فانت لا حيله  
والعمر غليله  
ضاع من إدئه

القاهرة ١٩٦٩

\* \* \*

## يا مصر

فلاحينك هما هما  
فلاحين رمسيس و خوفو  
جيش  
لا عيش ولا زمزمه  
في الهجيره تبل جوفه  
المرض للموت يجره  
وهو ماشي  
يجر خوفه  
أعمى  
سالك سكه عتمه  
خطوه على قد شوفه

معتقل القاطر ١٩٧٠

\* \* \*

---

## دُعْوَه

يَا خالقُنَا وَعَالَمُ بِلَوْيَنَا<sup>١</sup>  
يَا رَازْفَنَا  
وَحَاسِبْ خَطَاوَيْنَا  
نَسْأَلْ فَضْلَكْ  
مِنْ إِحْسَانَكْ  
يَظْهَرْ عَدْلَكْ  
وَبِسْلَطَانَكْ  
يَطْلُعْ فَلَاحْ مِنْ وَسْطِيْنَا<sup>٢</sup>  
يَزْعَطْ افْنَدِيْنَا  
وَحِرَامِيْنَا<sup>٣</sup>

القاهرة ١٩٦٨

\* \* \*

---

## سبحانك

سبحانك سبحانك  
ما أعظم سلطانك  
يا رب الأكوان  
يا مسخر بالقدرة  
المية والخضراء  
لحياة الإنسان  
سواسيه سواسيه  
ومحبه واخويه  
لجميع البشريه  
من كل الألوان  
سبحانك !

١٩٦٨ القاهرة

\* \* \*

---

## عدى الھوى

عدى الھوى عدى  
میل هنا وھذا  
شاور برمش العین  
ردوا عليه قلبین  
قلبین وانا منهم  
آه م الھوى ومنهم  
قلب انکوی ولا تاب  
والثانی حن وداب  
وبعد صبر سنین  
طلع الھوى کداب  
لا جاب ولا وذا  
عدى الھوى  
عدى

معنقول القاطر ١٩٧١

\* \* \*

---

## عشق الصبايا

شوف الحكايه يا وله  
شوف الحكايه  
عشق الصبايا يا وله  
طول معايا  
منهم هنايا يا وله  
منهم أسايا  
وهما جرحى يا وله  
وهما دوايا

\* \* \*

زرع الوداد على غير ميعاد  
بقي شغلتى  
أزرع وابيع قبل الربيع من جنتى  
واحلف ما اتوب وان شا الله ادوب  
في محبتي

والصبر طيب يا هوى  
صبرك معايا

\* \* \*

حبيت سواد العين سنه  
ونسيت صباحى  
وغرقت فى ليل الضنى  
عطشان وصاحى  
ولما بان ورد الشفافيف  
لون جراحى  
طاوعت قلبي ورحت له  
والشوق ورايا

\* \* \*

لو ألقى خل بيات وفى  
يصبح مراعى  
لا طوى المداين ع القدم  
وامشى له ساعى  
وافرد قلوعى يا وله  
واركب شراعى

---

أنا وحبيبي في الهوى  
على هوايا  
شوف الحكايه !

القاهرة ١٩٦٣

\* \* \*

## يا حبابينا

يا حبابينا

فين .. وحشتنا

لسه فاكرينا

ولا نسيتنا

دا حنا في الغربه

م الهوى دبنا

وانتو في الغربه

جوا في قلوبنا

اوعوا تفتكروا

إننا تبنا

مهما فرقونا

ولا بعدونا

يا حبابينا

معتقل القاطر ١٩٧١

\* \* \*

---

## ساعة العصارى

ساعة العصارى يا نسائم

والبحر نايم

وانا هايم

ماشيه الحليوه وخلالها

يحكى الحكايه اللي ف بالها

يا بو البنيه

صبرك شويه

وادى الكحيله لخيالها

\* \* \*

البنت قالت أشوف بختى

وكفائيه فى الحب مناهده

واعرف نصبيى

عشان ياختنى

يطمئن القلب ويهدأ

قال الودع لما حكى لها

---

على الحكایه اللي ف بالها  
يادى الصبيه  
صبرك شويه  
وادى الكحيله لخيالها

\* \* \*

والحلوه قالت يا نصبي  
هات العدل  
ولا تستعجل  
دا العمر مهمما حيمشى بي  
تروق وتحلا وتنعدل  
والحره تلبس خلخالها  
لايق عليها وحلالها  
يا ابو البنيه  
صبرك شويه  
وادى الكحيله لخيالها

القاهرة ١٩٦٣

\* \* \*

---

## هلا بالحب

هلا بالحب يا لمه هلا به  
يصبّي القلب  
ويخلّيه صبابه  
يدوس ع الشوك  
ويوصل للأمانى  
ونرجع للهوى بعد المتابه

\* \* \*

هلا بالحب يا لمه سفайн  
عليها الحنه من خضر الجنain  
تجوب البحر وتطوف ع الموain  
تلّم الشمل  
ويزيدوا الصحابه

\* \* \*

هلا بالحب يا لمه حمامه  
تشيل الشوق  
على جناح السلامه

---

وترسم للهوى  
مليون علامه  
في ضي النجمه  
وف طى السحابه

\* \* \*

هلا بالحب يا لمه سواقتى  
تصب الغنوه  
تسرح في المساقى  
أدوق واسقى حبيبي  
واللى باقى  
يكفى اللمه  
ويغفض ع الصحابه

\* \* \*

هلا بالحب يا لمه يجينا  
يزود حينا  
أنوار وزينه  
هلا بالحب يجرحنا يداوينا  
ونرجع للهوى  
بعد المتابه

القاهرة ١٩٦٩

## عطشان

عطشان يا صبايا  
وأنا عاشق  
ع السبيل  
عطشان  
والميه ف بلدى  
على عكس ما يجرى النيل  
والنخل العالى مطاطى  
والجذع الواطى ذليل  
والريح العاكس كابس  
والريح العاطى بخيل  
والنسمه اتعكر لونها  
من هم الناس يا خليل  
عطشان  
والنيل فى بلدنا  
والزرع اخضر وجميل

---

وانا كنت امبارح خالى  
والليوم دا  
صبت علىل

\* \* \*

عطشان  
دوایا حبیبی  
يسقینی العشق دلیل  
ودلیل الحب عمايل  
وکلام الحب دلیل  
وانا كل ما اقول التوبه  
تغوینی المواویل  
نطرح فی القلب جناین  
تفقس فيها الز غالیل

\* \* \*

عشاق يا حمام الغیه  
ولا فيش قدامنا بدیل

\* \* \*

سکه ومحسویه علينا  
نطويها جيل ورا جيل

---

ع الشوك نفرد خطاوينا  
في الليل  
تضوى القناديل  
حوالينا قلوب حبابه  
ومعانا العقل دليل  
والشمس تصب صباهه  
والمنبع  
نهر النيل  
وان لاموا علينا  
يلوموا  
ما لهمش علينا سبيل  
ما هو شوك العشق  
ملامه  
والشوك فى الورد أصيل  
ودونى ع السبيل

القاهرة اكتوبر ١٩٧٣

\* \* \*

---

## يا خواجه

يا خواجه يا ويكا .. يا خواجه  
يا بناتع أمريكا .. يا خواجه  
يا حرامى العامل .. يا خواجه  
جوًا الفابريکه .. يا خواجه  
يا بو عقل مجر .. يا خواجه  
وسرير هزار .. يا خواجه  
إسمع يا سى بعجر .. يا خواجه  
يا حرامى الجاز .. يا خواجه  
تعرف ماتهوب يا خواجه  
خطوه الناحيye دى .. يا خواجه  
راح نكسر رجلك يا خواجه  
والظلم بادى .. يا خواجه  
وحنمسح خبرك .. يا خواجه  
مسحه بأسنیکه .. يا خواجه  
ونقول على قبرك .. يا خواجه  
دقى يا مزيكه

---

## نيكسون

شرفت يا نيكسون بابا  
يا بناتع الورتر جيت  
عملولك قيمه وسيما  
سلطين الفول والزيت  
فرشو لك أوسع سكه  
من راس التين على مكه  
وهناك تتفد على عكا  
ويقولوا عليك حجيت  
ما هو مولد ساير داير  
شيلاه يا صاحب البيت

\* \* \*

جو اسيسك يوم تشريفك  
عملولك دقه وزار  
تنقصع فيه المومس  
والقارح والمندار

والشيخ شمهورش راكب  
ع الكوبيا وهات يا مواكب  
وبواقي الزفة عناكب  
ساحبين من تحت الحيط  
واهو مولد ساير داير  
شيلاه يا صاحب البيت

\* \* \*

عز موک فقالوا تعالی  
تأكل بامبون و هريسه  
قمت انت اكمنك مهيف  
صدقت ان احنا فريسه  
طيب لحقوك بالزفة  
يا عريس الغفله يا خفه  
هات وشك  
خدلاك تقه  
شويش من صاحب البيت  
واهوا مولد ساير داير  
شيلاه يا سى صاحب البيت

\* \* \*

خُد مني كلام  
يبقى لك  
ولو انك  
مش ح تعيش  
لا ح اقول أهلاً  
ولا جهلاً  
ولا تنجي  
ولا ما تجيش  
بيقولو اللحم المصري  
مطرح ما بيسرى بيهرى  
ودا من تأثير الكشري  
والفول  
والسوس ابو زيت  
واهو مولد  
ساير داير  
شيلاه يا صاحب البيت

القاهرة ١٩٧٤

\* \* \*

---

## موسم الحرايق

(١)

رئيس مجلس إدارة شركة نصر  
لسرقة مصر - إسرق وأحرق -

يتوجه وبعون الله  
وبنفس التكتيك  
إلياه

يدخل ع المصنع هواه  
ويمارس ملعوب العصر  
إسرق وأحرق

(٢)

سريقه سريقه سريقه سريقه  
سرقوا المصانع  
حريقه حريقه حريقه حريقه  
حرقوا المخزن

سريقه حريقه

حريقه سريقه

حريقه سريقه سريقه حريقه

سرقوا القوت والنور والقدره

حرقوا الأرض البور والخضره

مبن يا ولاد فى الدنيا يصدق

إن الرجال يحرق بيته

خايف قال

م البيت النايم

يصحى ويكشف سرقة زيته

اللى سرقها

واللى حرقتها

بكره صاحبها

ح يخرب بيته

القاهرة ١٩٧٣

\* \* \*

---

## الحمد لله

الحمد لله خبطنا  
تحت بطاطنا  
يا مهلا رجعة طباطنا  
من خط النار  
يا أهل مصر المحميه  
بالحرامييه  
الفول كثير والطعميه  
والبر عمار  
والعيشه معدن واهي ماشيه  
آخر أشياء  
ما دام جنابه والحاشيه  
بكروش وكتار  
ح تقول لى سينا وما سيناشه  
ما تدوشناسى  
ما ستميت أوتوبيس ماشى

شاحنين أنفار  
إيه يعني لما يموت مليون  
أو كل الكون  
العمر أصلاً مش مضمون  
والناس أعمار  
إيه يعني في العقبه جرينا  
ولا ف سينا  
هي الهزيمه تنسينا  
إننا أحرار !  
إيه يعني شعب ف ليل ذله  
ضائع كله  
دا كفايه بس أما تقول له  
إحنا الثوار  
الحمد لله ولا حولا  
مصر الدوله  
غرقانه في الكدب علاوله  
والشعب حمار  
وكفايه أسيادنا البعدا  
عايشين سعدا

---

بفضل ناس تملأ المعدة  
وتنقول أشعار  
أشعار تمجّد وتماين  
حتى الخاين  
وان شاء الله يخرّبها مداين  
عبد الجبار

القاهرة يونيو ١٩٦٧

\* \* \*

---

## ملاح الغناوي

ملاح يا اسماراني  
يا معدى البحور  
موالك سبانى  
ومشيت ع الجسور  
متمعشق وغاؤى  
ومعاك الغناوى  
أبدر حبه حبه  
واملا النيل تقانوى  
ويطوف بالمداين  
عصفور الجنابين  
يرمى الحب حبه  
في قلوب الأحبه  
تخضر المحبه  
وتفرع غناوى

١٩٦٧ القاهرة

---

## شال الهوى

شال الهوى بینا  
حط الهوى تانی  
واحنا والسفینه  
فى بحر الأمانى  
عمى يا للى ماشى  
ع الشط القريب  
قول لي وانت ماشى  
لأه ولا طيب  
حبى راح ما جاشى  
مش حبييجى تانى ؟

\* \* \*

شال الهوى شاله  
بان المستخبي  
شاف قلبي ناداله  
يا عينى يا قلبي

---

حط الهوى شاله  
خبي السحر عنى  
هو الهوى ماله  
دابر باله منى  
كل ما يلاقينى  
أشوف عينه تراعينى  
كانه بينادينى  
أفوت أهلى وجيرانى  
شال الهوى بينا  
حط الهوى تانى

\* \* \*

شال الهوى شيله  
حط الهوى حطه  
هما يوم وليله  
كان فرش وغطى  
شال الهوى بيأ  
من بين الحبابيب  
حط الهوى بيأ  
وأنا قلبى دايب

والتقى ماشى  
لدور ما النقاشى  
وللى راح ما جاشى  
فكرنى ونسانى  
شال الهوى بينا  
حط الهوى تانى

\* \* \*

شال الهوى بينا  
رحنا عثمانين  
حط الهوى بينا  
جيينا عطشانين  
يا عشاق بلدنا  
يا ولاد الغرام  
لا رحنا استفينا  
ولا جينا بسلام  
خدنا الهوى رحنا  
ولحنا زى ما احنا  
ورجعنا بجراحنا  
وبحبة أمانى

---

شال الهوى بینا  
حط الهوى تانی

معتقل للقاطر ١٩٧٠

\* \* \*

---

## عصفور وصياد

يا صياد الطيور يا خال  
صياعك

عن زناد الموت  
لنا عصفور ضعيف الحال  
ولاً اكفيش عيالك قوت

\* \* \*

أنا العصفور أليف الخضره والميه  
أنا المولود  
على كفوف الجنانيه  
باقول تغاريـد  
نغمها جـيد على السامعين  
بمعنى قـريب  
وـمعنى بـعيد  
وـتوريـه  
طـويـت الجو بـجناـحـى

وانا حابر

وصحيت فى الهوا جراحى

وانا طاير

ورحت بعيد مع النسمه

وشفت كتير من القسمه

ولما الدنيا تبكي لى

باقول ومسيرها مبتسمه

وطرت كتير على دا الحال

وشفت الحلو والبطال

يا صياد الطيور يا خال

\* \* \*

باشوف الصقر فارد فى الفضا باعه

وأتباعه

نشرهم ع الشجر ضاعوا

طيور تانين

صغار مساكين

جواعى لكن

دوام صاحبين

ومش قادرین لأنطمامه

عشان نابه ومخلابه  
ومنقاره  
باشوف الكل أحبابه  
وسماره  
وينيا تخاف من القوه  
وجو الدنيا مش هو  
واشوف بلبل  
غريب فى الدوح !  
بيرقص  
رقصة المدبوح  
بهفة ريح  
سقط عشه  
حيشكى لمين  
وفين حيروح !  
وادى له سنين  
على دا الحال  
يقاسي الحلو والبطال

يا صياد الطيور يا خال

\* \* \*

---

يا صياد الطيور حافظ على الخرطوش  
دا ميت عصفور كمان زيني  
ما يستاهلوش  
هناك الصقر  
لو تضرب على وكره  
تلقى اللحم مكتوم  
ولا بياكلوش  
يا صياد الطيور فكر  
وشوف لك صيد  
يكون أكبر

القاهرة ١٩٦٣

\* \* \*

---

## عم السيد

عم السيد	-
سيد ليه ؟	-
كل ما يمشي يلاقى جنيه	-
يعمل ايه	-
زى البرق ينسه ف جيبه	-
طب ما يجيبيه ويأخذ بيه	-
يأخذ ايه	-
ننقش له الورد ف منديله	-
ودا بي Flemish	-
نصر له الورد ونسقى له	-
شرب السم	-
طب أحسن حاجه نغنى له	-
ترالرالم	-
فرخة خالتى مباركه	-
مالها	-

---

فيها الخير والبركه -  
لـيه -  
ترمط كل أدان -  
إـيه -  
بـيـضـه وـرـا اللـقـان -  
هـيـبيـه -  
خـالـتـى مـبـارـكـه تـاـخـدـهـا -  
هـيـه ؟ -  
وـنـطـيـر عـدـكـان -  
لـيه ؟ -  
تقـضـى المـونـه وـالـكمـونـه -  
وـالـلـينـسـونـه وـالـدـخـان -  
نعمـه جـزـيلـه يا حاجـه مـبـارـكـه -  
فرـخـه وـفـيـها الخـير وـالـبرـكـه

القاهرة ١٩٦٦

\* \* \*

## جوازه

شعبان البقال  
عقبال الأنجال  
اتوظف وانتظف  
ولتعدل له الحال

\* \* \*

من بعد الجلبيه  
والفوطه الدبلان  
فى رقبته المهربيه  
من هبش الأكلان  
والدوخه الأزليةه  
والنوم فى الدكان  
بقى صاحب عرببيه  
وعماره وسكنان

لقاء للصبيه

سهران ع الكونكان

وينام للعصريه

كبقية الأعيان

وسألت الخضرىه

وبتوغ الدخان

ع الحكمه الإلهيه

فى نظافة شعبان

وعرفت ان أخانا

شعبان بن بهانه

إتجوز فنانه

وأتعين فنان !

القاهرة ١٩٦٦

\* \* \*

---

## الليل عجوز

الليل عجوز أطرش

ضرير

يلسوعه صوت النفير

ويموت

بضربة شمس

عيان

وفي النزع الأخير

ولسه بيهموس كتير

ويبعيد حديث الأمس

يا ليل

يا عين كل الجراح

يا ندب ف جبين السما

الأمس فين

الأمس راح

الأمس كان

---

لکنما  
نزلت کراییج الصباح  
زی القضا  
لحظة قدر  
تنقش على جبين الباطح  
طريق  
خلاص كل البشر

القاهرة ١٩٦٦

\* \* \*

## ع المحطة

ع المحطة  
ع المحطة  
واللى شفته ع المحطة

\* \* \*

طلع الخفه ام شنطه  
سلم الاوتوبيس  
بنطه  
حته ملعب  
والاکاده  
فى القوام والحسن  
بطه

\* \* \*

هي خشت درجة أولى  
والكراسي بقت منطه  
سابوا تانيه

وغلب تانيه  
والقطيع على أولى خطى  
اللى يهبس فى الجونله  
واللى يعلا  
واللى يوطى

\* \* \*

بص واحد م اللي هما  
دمهم فلفل وشطه  
شاف صناعي  
في البريمو  
قال له خش هنالك يا أسطى  
تانية أنساب اللي زيـك  
دى الحقيقه بلاش مغالطه  
لاسطى قال له يا عم روق  
دى الحياه تحب المباسطه  
وانـت شـايف  
مش مغمض  
حاجـه مـلـبن  
حاجـه قـشـطـه

---

و لا يعني الكون ح يخرب  
لو فقير  
يلهط له لهطه

القاهرة ١٩٦٦

\* \* \*

---

## نویت اصلی

نویت اصلی  
نویت اصلی  
نویت اصلی صرصور دخل لى  
هرش لى مخى  
قعدت افلى  
خربوش خرابش  
صرصور مهابش  
وفضلت اهابش ما حد دللى  
حکیت رباطی  
من تحت باطی  
لا قدرت اطاطی  
ولا طلت اعلى  
حیران یا حالی  
سهران لیالی

---

و سنين بقى لى  
مربوط فى ضلى  
وسألت قال لى  
شيخنا المصلى  
يركع ترأتا  
أسجد ترللنى

\* \* \*

يا رب يا لله  
يا رب يا لله  
زرعت عودى سارح تملاى  
وعدلت ضهرى  
على سرج مهرى  
وطبعت زهرى على خد خل  
وحياة ما عشقى متعب ومشقى  
مهمن جرالى  
مهمن حصل لى  
لا وهب حياتى  
واوصل صلاتى

والآتي آتى  
فى يوم تجلى

القاهرة ١٩٧٤

\* \* \*

---

## على حسب وداد جلبي

على حسب وداد جلبي  
ومزاح البلديات  
أبعد م الشين  
واتآخر  
وأجول للزين  
سلامات

على حسب وداد جلبي

\* \* \*

على صهد الأرض السمرا  
أنا أبوى النيل  
سواني  
ممصوص  
وخشن من بره  
زى الطينه الأسوداني  
والخضره ف جلبي وجلبي

---

دائما على طرف لسانى  
ولسانى حسانى رمانى  
وتعبنى كتير وأذانى  
ياما جابنى  
وياما ودانى  
من جوله فى الحكايات  
على حسب وداد جلبى

\* \* \*

على بحر النيل يا جناوى  
ضليله وجلة ميه  
وناسات ع يجولوا غناوى  
ع تخلى اللجمه هنئه  
وشوطوط مزروعه غناوى  
وغيطان ألحان مرويه  
والزين يغزل مواليه  
من كلمة عمه وخاله  
وأنا زى ناساتى ما جالوا  
ولفت الجول حكايات  
على حسب وداد جلبى

القاهرة ١٩٦٤

## الممنوعات

ممنوع من السفر

ممنوع من الغنا

ممنوع من الكلام

ممنوع من الاستيقاظ

ممنوع من الاستياء

ممنوع من الابتسام

\* \* \*

وكل يوم في حبك

تربيد الممنوعات

وكل يوم بمحبتك

أكثر من اللي فات

\* \* \*

حبيبي يا سفينه

مشسقة وسجينه

مخبر في كل عقده

عسکر فى كل مينا  
يمنعني لو أغير  
عليكى أو أطير  
إليكى واستجير  
بحضنك  
أو أنام  
فى حجرك الوسيع  
وقلبك الربع  
أعود كما الرضيع  
بحرقة الفطام

\* \* \*

حبيتى يا مدینه  
متزوقه وحزينه  
فى كل حاره حسره  
وف كل قصر زينه  
ممنوع من إنى أصبح  
بعشقك .. أو أبات  
ممنوع من المناقشه  
ممنوع من السكات

---

وكل يوم فى حبك  
تزيد الممنوعات  
وكل يوم باحبك  
أكثر من اللي فات

القاهرة ١٩٧٦

\* \* \*

## صبر أيوب

عليل وصف علته  
قال له الحكيم هو  
داء الغرور في البشر  
خلا النفوس هوه  
طبيب وجای يسعفه  
صابه الغرور هو  
ترك أصول حرفه  
وانساق ورا القوه  
عکاد العليل ينقتل  
قام قال له ايه هو  
يا مأساً الصبر فوق الجرح من بره  
الجرح يا عم  
جايپ دم من جوه

\* \* \*

---

هين آخر الصبر يا شيخ أیوب  
ولامتنى الحر يبات مغلوب  
الجو ضباب  
الوقت غروب  
الدب ع الباب  
الباب موروب  
الحرب الحرب الحرب  
ولا غير الحرب سبيل  
والضرب الضرب الضرب  
على ناصية كل نليل  
لنار والعار  
لعن الدار  
والموت للخائن والغدار

\* \* \*

كان جدى كبير السن  
وكان بيقوللى كلام  
زى القرآن  
الحق عجوز وقديم ويغز  
لكن مايمونش وله طلب

والتار قنطر  
فوق كتف الحر  
والصبر ف وقت البلوى  
عذاب

والعزم صديق فى الوقت المر  
ولا غير العزم تلقي صاحب  
والأرض براح  
وان داسها الذل تضيق بالناس  
والخضره تموت  
ويعرى فيها ال يوم أجناس  
ولا تبقى حياء  
ولا يبقى نظام  
ولا خطوه تسير بالناس قدام  
ولا تعرف بكره حبيجي باليه  
ولا تفهم معنى لأى كلام

\* \* \*

ونلف نلف وبرضه نقول  
الحرب سجال دائير على طول  
والسكه أمل

وللنيه عمل  
والجهد حياء  
والراحه شلل

يا زنود الناس الشغاله  
ملعونه الراحة ف خط النار

لنصر عروسه يا رجاله  
لكن ممهوره بالإصرار  
لتار يا عروبتنا

التار

التار فوق رقبتنا  
قطار

وخلاص الشعب الحر اختار  
الحرب الحرب الحرب  
وليحيا كفاح الشعب

القاهرة ١٩٦٨

## الغربة

يا غربه روحي روحي  
لا تحطى على سطوحى  
وسطوحى يطلع فدان  
والفدان يحتاج مروى  
والمروى عرق الإنسان  
والإنسان  
يحتاج ثراه  
والثراه ف غيط الفلاح  
والعامل صاحب المفتاح  
والمفتاح يفتح جنه  
والجنه فيها الحنه  
يا حنه يا محنـيه  
عشـقوكـى الجنـاينـيه  
زرـعوكـى خـضرا خـضـرا  
مـ البـدرـه لـ القـطـفـيه

---

وعجنوكى حمرا حمرا  
للسمرا والخمرية  
والسمرا طرحت بستان  
والستان لابس فستان  
والفستان طاقه طاقه  
أحمر أخضر يا رفاقت  
ورفاقت يا كل الناس  
من كل الناس والأجناس  
ع الحنه واقفين حراس  
والحنـه على سطوحـى  
يا غربـة روحي  
روحي

القاهرة ١٩٦٧

\* \* \*

## كلمتين لمصر

كل عين تعشق حليوه  
وانتى حلوه ف كل عين  
يا حبيبتي  
قلبي عاشق  
واسمحى لى  
 بكلمتين  
كلمتين يا مصر يمكن  
هما آخر كلمتين  
حد ضامن  
يمشى آمن  
أو مآمن يمشى فين ؟  
\* \* \* \*

شابه يا ام الشعر ليلى  
والجبين شق النهار  
والعيون

بحرين أمانى  
والخدود  
عسل ونار  
واللوالى فى ابتسامتك  
يحكوا أسرار المحار  
يا لللى ساكنه القصر عالي  
إمتنى يهنا لى المزار  
كلمينى يا صبيه  
طال على الانتظار  
كلمتين يا مصر يمكن  
هما آخر كلمتين  
حد ضامن  
يمشى آمن  
أو مآمن يمشى فين

\* \* \*

قصرك المسحور غيلانه  
أغبى من دود الغيطان  
بعد مص الغصن لاخضر  
ينحتوا عضم العيدان

---

واللى خلاً الأرض خضرا  
واللى خلاً الدار أمان  
عاش بجوعه ملو جوفه  
مات بخوفه م الغيلان  
روح الغلبان ما قالشى  
عن شقا العمر اللي كان  
كلمتين لمصر يبقوا  
هما آخر كلمتين  
حد ضامن يمشي آمن  
أو مآمن يمشي فين

\* \* \*

آدى كلمه من عذابى قلتها لك  
باقي كلامه  
من حنينى صنتها لك  
فى الضلوع  
من دنيا ظالمه  
كنت خايف يلمحوها  
يقتلوها ف سكة ضلمه  
شقشت والنور بشایر

---

زهرة الصبار يا سلمى  
يا نسيم الشوق يا طاير  
خد لمصر الصبح كلمه  
طول ما يبقى الركب ساير  
بالبصائر والعنين  
يبقى ضامن  
يمشى آمن  
يبقى شايف  
يمشى فين

سجن شبين القناطر ١٩٧٣

\* \* \*

---

## الحاوى

توت حاوی حاوی توت  
خش انقرّج هرج فوت  
زاحم لاحم عارك إضراب  
ناضل فاضل  
خطوه وتقرب  
إحق نفسك  
قبل ما يلعب  
وامسك نفسك  
جوه الملعوب  
دانت ح تضحك لما تموت  
توت حاوی  
حاوى توت

\* \* \*

توت حاوی سبع مرات  
لعبة جديدة

يا حضرات

دق الفول ويا الكرات

هات الشطه والبهارات

شخبط لخبط حضر طاسه وكب الزيت

ولع طلع ريحه مريحه ف جو البيت

ح تلقى عجينة عجيبة متينه

لا بقول تينه ولا بروتينه

كل يا صناعي

كل يا فقير

كل ما هو لسه الفول قناطير

آه يا سلام لو عود جرجير

تفضل تأكل لما تموت

توت حاوي

حاوى توت

\* \* \*

توت حاوي حاوي توت

خش اترج هرج فوت

قعده فكيه

حتسمع فيها

حكایة البيضه والكتکوت  
یُحکی أَنَّ  
وَلَازِمٌ يَحْكِي  
وَكَانَ يَامَا كَانَ  
قَبْلَ الْجَنَّةِ

كَانَ فِيهِ بَيْضَهُ وَفَرَخَهُ كَمَانَ  
دَبَحُوا الْفَرَخَهُ طَبْتَ سَارَخَهُ  
قَامَتِ الْبَيْضَهُ طَقْتَ شَارَخَهُ  
طَقْشَتْ فَقْسَتْ فَرَخَ فَصِيحَهُ  
يَدَنْ وَيَهَلَّ وَيَصِيحَهُ  
حَتَّى أَنْ كَانَ عَلَى وَشَ دَبِيجَ  
يَفْضُلُ يَدَنْ لَمَّا يَمُوتُ  
تَوْتَ حَاوَى حَاوَى تَوْتَ

\* \* \*

سِحْرٌ مَفِيشَ دَا كَلامَ تَهْوِيشَ  
نَفَضْنَ مُخْكَ يَابُو درَوِيشَ  
كَلَّ ما فِيهَا الدُنْيَايِ دَى فِيهَا  
نَاسَ بَتْبَكْشَ  
لَجْلَ تعِيشَ

---

حابس حابس  
عفريت كابس  
بنزل قالع  
يطلع لابس  
واللى بيرقص  
ع المسامير  
واللى بيأبره بيفتحت بير  
واللى بينفعنخ فى المزامير  
يفضل ينفع لما يموت  
توت حاوى  
حاوى توت

القاهرة ١٩٦٨

\* \* \*

---

## كلام المصطبه

بعد السلام والمرحبه  
يا ولاد بلدنا يا طيبين  
نفرش كلام المطبه  
وأوضح لكل السامعين  
مصر الحبيه الطبيه  
أم البنيه والبنيين  
إشحالها فى عز الصبا  
واشحال ولادها المخلصين  
وسط العواصف مرکبه  
بين ريح شمال  
وريح يمين

\* \* \*

جابوا  
الطيب ابن الحل  
كشف ما خاف

وشف و قال  
أهل بصيره في البلد  
جواب لكل السائلين  
قالوا البلد  
عايزه ولد  
يأخذ بتار المظلومين  
ولد يعوض اللي راح  
ويعلا فوق كل الجراح  
ويمد إيهه في الضباب  
يشد أنوار الصباح  
- فيكم ولد يا سمعين ؟  
- أجدع ولد  
- طب هوَ فين ؟  
- وهو مين  
- ابن البلد

\* \* \*

يا بن البلد يا بن البلد  
الوقت وقتك يا ولد  
يا قلب مصر ونبضها يا بن البلد

---

يسرى بطولها وعرضها يا بن البلد  
يا صبحها يا بن البلد  
يا ربعها يا بن البلد  
يا قمها يا بن البلد  
يا رمحها يا بن البلد  
يا نور سمها وأرضها  
يا بن البلد  
يا بن البلد  
الوقت وقتك  
يا ولد  
آدى كلام المصطبه  
يا ولاد بلدنا يا طيبين  
بعد السلام والمرحبه  
واضح  
لكل السامعين

القاهرة ١٩٦٨

\* \* \*

---

## عيد الآس

في عيد الآس  
يا رب الناس  
أشوف الورد منقطر  
ودايب  
فوق خدود الناس  
تشمه النسمه تتغطر  
بأنفاس الورود والناس  
يا رب الناس  
واشوف النيل بيتمطر  
دهب  
سايل نغم للناس  
يصب الغنوه في العالى  
يفرع منها ميت موال  
يقول عمى  
يقول خالى

---

وينساب الكلام سلسل  
أنا الياسمين  
لناس باسمين  
قلوبهم فل  
لا نار ولا غل  
ما دام عايشين  
وفي البستانين  
جدائل قمح  
بتدى الكل  
أنا الياسمين  
أنا الياسمين

\* \* \*

ويتمد البساط سندس  
يشيل القمحه والنرجس  
وندر يطلع النوار  
وموال الكلام دوار  
ما بين الناس  
يا رب الناس

\* \* \*

---

ونكتب ياما ونسطر  
كلام الناس لكل الناس  
وتسرى الكلمه وتعطر  
نسيم بلدى  
عشان الناس  
يشموا الورد منقطر  
ودايب فوق خدود الناس  
فى عيد الآس  
يا رب الناس

١٩٦٨

\* \* \*

---

## الأوله بلدى

الأوله بلدى  
والثانية بلدى  
والثالثة بلدى

\* \* \*

الأوله بلدى بسلطن جو موالي  
والثانية بلدى باقول الكلمة بالعالي  
والثالثة بلدى يا كنزي وعزوتى ومالي  
الأوله بلدى  
بسلطن جو موالي ودا الموصوف  
والثانية بلدى  
بقول الكلمة بالعالي وع المكشوف  
والثالثة بلدى  
يا كنزي وعزوتى ومالي وملو الشوف  
الأوله بلدى بسلطن جو موالي  
ودا الموصوف دوا العيان

---

والثانية بلدى باقول الكلمة بالعالي  
وع المكشوف وفى المليان  
والثالثة بلدى يا كنزي وعزوتى ومالى  
وملو الشوف أو انك آن  
تحدى الحد يا بلدى  
ما بين الحق والبهتان  
ورايتك تعلا يا بلدى  
دليل عن صحة البنيان  
ودا الموصوف  
والأوله بلدى  
والثانويه بلدى  
والثالثه بلدى

القاهرة ١٩٦٧

\* \* \*

---

## بقرة حاحا

ناح النواح والنواحه  
على بقرة حاحا النطااحه  
والبقره حلوب  
حاحا  
تحلب قنطرار  
حاحا  
لكن مسلوب  
حاحا  
من أهل الدار  
حاحا  
والدار بصحاب  
حاحا  
وحداشر باب  
حاحا  
غير السراديب

---

حاحا  
وبحور الدب  
حاحا  
وببيان الدار  
حاحا  
وقفين زنهار  
حاحا  
وف يوم معلوم  
حاحا  
علوها الروم  
حاحا  
زقوا الترباس  
حاحا  
هرروا الحراس  
حاحا  
دخلوا الخواجات  
حاحا  
شفطوا اللبنات  
حاحا

والبقره تنادى  
حاحا

وتقول يا ولادى  
حاحا

وولاد الشوم  
حاحا

رايحين فى النوم  
حاحا

البقره انفهرت  
حاحا

فى القهر انصهرت  
حاحا

وقطت فى البير  
حاحا

سألوا النواطير  
حاحا

طب وقطت ليه  
حاحا

وقطت م الخوف

---

حاحا

والخوف بيجي ليه

حاحا

من عدم الشوف

حاحا

وقدت م الجوع ومن الراحه

للبقره السمرا النطاحه

ناحت مواويل النواحه

على حاحا

وعلى بقرة حاحا

\* \* \*

---

## الفاعل

دللى الشيكاره  
جنب الشكواره  
واجعد يا حنفي  
ولع سيجاره  
فكر شويه  
في العيشه ديه  
إيه الجضيه  
إيه العباره  
من صُغر سنى  
شجيان لكنى  
مالط سنى  
غير البصاره  
ودخلت حاره  
من جوه حاره  
وف كل حاره

---

عليت عماره  
وسط المعاول  
بنا ومناول  
بس المجاول  
كلنى بشطاره  
ولا خلآل صره  
ولا لجمة حره  
والعيشة مزره  
آخر مراره

القاهرة ١٩٦٦

\* \* \*

---

## الربيع

يطوف الربيع  
صغير بديع  
وينهى المطاف  
إذا العدل طاف  
وشاف الجميع

\* \* \*

تعيش الزهور  
إذا الدنيا نور  
وتتملا الخمائل  
وتطرح موده  
عدد كل ورده  
وتعمل عمايل

\* \* \*

باحبك يا بلدى  
واحبك ربيع

شبابك مصحح  
وجوك بديع  
ونيلك موافقى  
لحد الحوافى  
يسافر بوافر  
ويسفى العطاشى  
شجر تمر حنه  
وشجر دقن باشا  
وتخضر أرضك  
بطولك وعرضك  
وتعلـا السنابل  
وتكتسى الغيطان  
وتشدـى البلاـبل  
وتعلـا الودـان  
يا مصر انتى جـنه  
ربـيعك فـتنا  
مشـائل مشـائل  
سنـابل وـحـنه

\* \* \*

---

مجرد أمانى  
يا قلبى يا والع  
ما دام انت تانى  
مخضر وطالع  
بلون الربيع  
يطوف الربيع

١٩٦٧ القاهرة

\* \* \*

---

## میکى

بصراحه يا أستاذ ميكي  
إنك رجعى وتشكىكي  
قاعد لا مؤاذه تهلفط  
وكلامك رومانسيكي  
ولا ناوى تبطل تكتب  
بصراحه كلام بولونسيكي  
عن دور الحل السلمى  
واستعماله التكتيكي  
فى الوقت اللي احنا صراحه  
داixin دوخة البلجيكي  
وبلدنا لسه جريحة  
وبتصرخ بالأفريكي  
لو بات التار يا ولادى  
ح بيات الذل شريكي  
والشعب يقول يا بلادى

بالروح والدم افديكى  
وحاجات بصراحه بتحصل  
فى بلدنا يا أونكل ميكى  
بصراحه ولا انت معايا  
ولا طالل من شبابيكى  
وكأنك مثلا موميا  
للسلطان الأنثىكى  
أحياها لاستعمالها  
لستعمار الأمريكى  
رجعت على هيئة  
ميكى

١٩٦٩ القاهرة

\* \* \*

---

## فات الهوى

فات الهوى سلم علىَ  
بات السهر ساكن عنِيه  
عاد الهوى بين يوم وليله  
واحنا سوا يا نور عنِيه

\* \* \*

فات الهوى  
آه يا اسمرانى  
لحظة ما فات لحظك  
نلادنى  
عاد الهوى قام التقانى  
زى الهوى  
قلبى ف إدیا

\* \* \*

فات الهوى  
يا ولد يا خمرى

---

سلم

وانا سلمت أمري

عاد الهوى بالشوق يا عمرى

يملا السهر والنوم على

فات الهوى

آه يا بن عمى

زى الهوا شعل فى دمى

واما شكىت الوجد لامى

ضحكـت

وباستنى ف عنـيه

معتقل القلعة ١٩٧٣

\* \* \*

## باسهر وبنام

باسهر وبنام

يا حبيبى

ونا كلی غرام

يا حبيبى

ولا يسعدنيش

يا حبيبى

غير الأحلام يا حبيبى

\* \* \*

في ظلام الليل والناس نائمين

والفجر بلاه بعيده بعيد

والفكر شموع

ودموع قايدين

والصبر عذاب

ولا فيش بالإيد

غير إنى استنى

---

يا حببي  
واصبر واتمنى  
يا حببي  
واهرب من ناري  
يا حببي  
واحلم بالجنه  
يا حببي

\* \* \*

با حلم بالنور  
وبنات الحور  
والطروحه التل وتاج الفل  
ولانا وانت بكاس الفرحه ندور  
ع الناس حولينا  
ونسقى الكل  
وعلى الأنغام  
يا حببي  
نصبح وننام  
يا حببي  
ونعيش أيام

يا حبيبي  
ولا في الأحلام  
يا حبيبي

\* \* \*

يا سلام ولو ان لقاك أحلام  
ع الفرحة ازاي بتخليني  
أهرب

**بـالشـوق عـلـى فـوـق يـا سـلام  
وـالشـوق عـلـى الـجـنـه يـوـديـني  
وـالـجـنـه هـنـاك**

بیانیہ

علی شط هو اک

یا حبیبی

مليانه ز هور

جیا جیبی

من غير أشواك

جیا حبیبی

معتقل القاطر ١٩٧١

\* \* \*

---

## هوشى منه

يا دى العجب يا رجب  
يا مرتب الحكايات  
إسمع وشوف واندهش  
واكتبها فى الكتبات  
عسى الكلام ينقرى  
لو قلبوا الصفحات  
خلى الشعوب والدول  
تتعلم البطولات

\* \* \*

الحزن طول عمرنا  
له من حياتنا حياة  
نقضيها فى النهنهه  
ونضيع الأوقات  
نبكى على اللي مضى  
ونعيش مع اللي فات

---

شوف العجب يا رجب  
واعجب من الروايات  
شعب الملاحم بكى  
نزلت دموعه دانات  
ع الظالم المفترى  
حلفت عليه ما يبات

\* \* \*

أول ما طار الخبر  
بين الجنود إشاعات  
مع البارود انهم  
دفعات ورا دفعات  
واحده تصيب العدا  
تردى العدا عشرات  
والثانية من عزمها  
زعق الفضا زعقات  
والثالثة تحمى السما  
من فانتوم الخواجات  
والرابعه من بعدها  
والمية والألافات

مطر بارود وانهم  
فى الأرض والسموات  
يغسل طريق البشر  
ويبيّن الحشرات  
ولما ذاع الخبر  
وأتأكد الإثبات  
صاحب السلاح فى الحرس  
قال هوشى منه مات  
الحاكم اللي زهد  
في الملك واللذات  
والزاهد اللي حكم  
ضد الهوى والذات  
مات المسيح النبى  
ويهودا بالآلوفات  
مات الصديق الوفى  
للحضره فى الغابات  
مات  
بس  
فات للأمل

---

فوق الطريق علامات  
لو سار عليها العمل  
طول الطريق بثبات  
تهدى الغريب سكته  
وتقرب المسافات

معتقل القنطر ١٩٧١

---

## صرخة جيفارا

جيفارا مات  
جيفارا مات  
آخر خبر في الراديوهات  
وفي الكنائس  
والجوامع  
وفي الحوارى  
والشوارع  
وع القهاوى وع البارات  
جيفارا مات  
وأتمد حبل الدردشه  
والتعليقات

\* \* \*

مات المناضل المثال  
يا ميت خساره ع الرجال  
مات الجدع فوق مدفعه جوه الغابات

---

جَسْدٌ نِضَالَهُ بِمَصْرِ عَهْ  
وَمِنْ سَكَاتٍ  
لَا طَبَالِينَ يَفْرَقُونَا  
وَلَا إِعْلَانَاتٍ  
مَا رأَيْكُمْ دَامَ عَزْكُمْ  
يَا أَنْتِيَكَاتٍ  
يَا غَرْقَانِينَ فِي الْمَأْكُولَاتِ  
وَالْمَلْبُوسَاتِ  
يَا دَفِيَانِينَ  
وَمَوْلَعِينَ الدَّفَلَيَاتِ  
يَا مَحْفَلَطِينَ يَا مَلْمَعِينَ  
يَا جَسْمِيَّنَاتِ  
يَا بَتَوْعَ نِضَالَ، آخِرَ زَمْنٍ  
فِي الْعَوَامَاتِ  
مَا رأَيْكُمْ دَامَ عَزْكُمْ  
جِيفَارَامَاتٍ  
لَا طَنْطَنَهُ  
وَلَا شَنْشَنَهُ  
وَلَا إِعْلَامَاتٍ وَاسْتَعْلَامَاتٍ

---

عينى عليه ساعة القضا  
من غير رفاقه تودعه  
يطلع أنينه للفضا  
يزرع  
ولا مين يسمعه  
يمكن صرخ من الألم  
من لسعه النار ف الحشا  
يمكن ضحك  
أو ابتسام  
أو ارتعش  
أو انشسى  
يمكن لفظ آخر نفس  
كلمة وداع  
لجل الجياع  
يمكن وصيه  
لل حاضنين القضيه  
في الصراع  
صور كثير  
ملو الخيال

---

وألف مليون احتمال  
لكن أكيد أكيد أكيد  
ولا جدال  
جيفارا مات  
موته رجال

\* \* \*

يا شغالين ومحرومين  
يا مسلسلين رجلين وراس  
خلاص خلاص  
ما لکوش خلاص  
غير بالبنادق والرصاص  
دا منطق العصر السعيد  
عصر الزنوج والأمريكان  
الكلمه للنار والحديد  
والعدل أخرس أو جبان  
صرخة جيفار يا عبيد  
في أي موطن أو مكان  
ما فيش بديل  
ما فيش مناص

---

يا تجهّزوا جيش الخلاص  
يا تقولوا ع العالم خلاص

القاهرة ١٩٦٨

\* \* \*

---

## شجرة لو

يا أمانى يا شجره ف بستانى  
بتقريع ياما وتعلو  
وببستانها الفكهانى  
ولا نطرح غيرِ كلمة لو  
لو اغمض وأفتح تانى  
الاقينى طاير فى الجو  
والشمس عروسه مقابلانى  
بالطربة الذهبى وبالضوء  
لاخطف طرحتها وفرحتها  
وانزل فى اللحظه وفي التو  
أبدر أنوراها وأشوقى  
ع الأرض تنور تحلى  
والمس بالكفِ المتحنى  
ع الزرع يبشر ويمنى  
والحب يرعرع

---

ويغنى  
والعمر يهنى  
ويغلو

ويقوموا الناس فى الفجر يه  
والصبح بيضحك ها أو  
وأليل بعيونه الحر أميه  
بيعطيك خايف م العو  
وأمانى كتيره مشاغلاني  
ممكن تتحقق يوم أو  
على رأى صاحبنا البستانى  
لو تطرح يوم شجرة لو

القاهرة ١٩٦٧

\* \* \*

---

## حرب الشعب

ما نقولايش  
ما تعدليش  
حرب الشعب  
وغيرها ما فيش  
حاس يا مصاروه  
حاس يا ولاد  
حاس يا مداين  
حاس يا بلاد  
حسنا يا ناسنا وداسنا الغول  
غض بلدنا  
عرض وطول  
ما نقولايش الجيش مسئول  
جيش من غير شعب  
ما يمشيش

القاهرة ١٩٦٨

---

## الثورى النوى

حلا ويللا يا حلا ويللا  
يا خساره يا حول اللا  
الثورى النورى الكلمنجى  
هلاب الدين الشفطنجى  
قاعد فى الصف الأكلنجى  
شحالاطه وكراميلا

\* \* \*

يتمركس  
بعض الأيام  
يتسلم بعض الأيام  
ويصاحب كل الحكماء  
وبستاشر ملأه

\* \* \*

يا حلو لو شفته زمان  
مهماوم بقضايا الإنسان

بيتكنك لا تقول بركان  
ولا بوتاجاز ولا حلّه

\* \* \*

ايش حالك يا جريبي اليوم  
وايش جاب التفاح للدوم  
وايش جاب الأوضه ف بدرورم  
للعربيه وفيلا

\* \* \*

جرانين ومسارح وإداره  
وعلق طبله وزماره  
يسلك أهو بي Zimmerman  
يعطل يجيبيو له المنافيلـ

\* \* \*

واترسن هلانـ الدين  
بقى عاقل جداً ورزين  
ويـا عينـي علينا يا مجانـين  
عشـنا ومتـنا بـعلـه

معـقل القـاطـر ١٩٧٠

\* \* \*

---

## سناة الورد

إلى أجمل عروس في العرب ، الشهيدة سناة محيدلي

ورق  
ورق  
ورق  
ورق  
أفكار ورق  
أشعار ورق  
شُعّار ورق  
شعارات ورق  
ثوار ورق  
ثورات ورق  
أحلام ورق  
حكام ورق  
ورق ورق ورق ورق

---

أه يا وطن على الورق  
الحلم فيك  
على الورق  
والعلم فيك  
على الورق  
وخدعني فيك صوت الورق  
وسافرت فيك  
على الورق  
وحلمت بيتك بـَرَه الورق  
بستان ضليل  
وقلَه للعطشان سبيل  
وناس ونيل  
ومشربيه وحمام هديل  
وبنت حلوه  
وواد جميل  
همموا التثار  
كلاب ورق  
قتلوا الرسوم على الورق  
وقالولي حلمك مستحيل

وحتى لو كان ع الورق  
وكفنونى  
بالورق  
وضييعونى  
فى الورق  
ورق ورق  
ورق ورق  
مقهور وماشى فى الورق  
غرقان عرق  
حلمى انسرق  
شايلى على قلبى الهوى  
من غير دوا  
إلا الورق  
وفجأتن  
لمع .. برق  
وقابلتها فوق الورق  
مع إنها  
مش فى الورق  
ولا عمرها كتبت ورق !

ورق ورق ورق ورق  
شفت العروسة ع الورق

الشمس ؟ لا

البدر ؟ لا

النجمة ؟ لا

البحر ؟ لا

الشعر ؟ لا

السحر ؟ لا

لأدى الحقيقة المرعبة

فاسيه وبسيطه وطبيه

زيك وزبي

وزى بنت باحباها

زى الوجود والحب

والناس كلها

كده الربيع

كده الجنى

كده المسائل تتحسب

كده الكلام

كده الغنا

كده القصيده تنكتب

آه يا سناه الجرح يا بنت الألم

كل الرأيات اتكلست

وانتى العلم

ورق

ورق

ورق

ورق

آه يا وطن غرقال ورق

و عملت انا مركب ورق

وسندباد ملاح ورق

وسبحت فيك بحر الورق

وصارت فيك حيتان ورق

وركبتي فيك أمواج ورق

وعشقت فيك لحظة غرق

كشفت كنوزك يا وطن

تحت الزباله

والورق

\* \* \*

---

ورق ورق ورق ورق  
يا دى الربيع لاخضر  
وسط الخريف طالع  
يا نبعة الصحراء  
قلبي الحزين والمع  
يسقيني يا شابه  
يمكن تطفيئني  
ولان جفت الميه  
ريشك يكفيني  
آه يا سناء القهر يا بنت الأنين  
يا ضربة الناس الغلابه المظلومين  
يام العيون المغرمين  
أبصر بمين  
يا هلتري بعد الوطن  
بتتحبى مين ؟  
ردى على الأحباب  
يا زهرة العناب  
إن كان دعاكى الهوى  
ولان كان فتحلك باب

آه يا سناء الرعد يا بنت الحسوم  
يا نجمة يا متحيره  
بين الغيوم  
باسأل وانا من كسفتى ف نص الهدوم  
قلبك صغير يا حبيتى ع الهموم  
وازاي قدرتى تعشقى  
وطن فسيح  
مطعون جريح  
الدنيا طلعت للقمر  
وهو متكتف كسيح  
يا هناري قلبك محبوط  
ولا انتي يا بنت .. المسيح؟  
آه يا سناء الورد يا بنت الربيع  
يا أغلى زهره اتفتحت هذا الربيع  
ورق ورق ورق ورق  
وقدت الون في الورق  
عصافير ورق  
أشجار ورق  
أزهار ورق

إِنْهَار وَرْق  
قُصْرُ الْكَلَام جَبَّ الرَّبِيع ابْن الرَّبِيع  
وَنَقْشَتْ مِنْهُ عَوْرَق  
طَرَزَتْ بِالْيَاسِمِين  
طَرَحَهُ وَعَشَرْ فَسَاتِين  
وَلَضَمَتْ عَقْدَ الْفَل  
لَجْلَكْ يَا سَتَ الْكَل  
وَفَرِدتْ غَصْنَ الْبَان  
عَلَى قَدْكَ الْفَتَان  
وَفَتَحَتْ بِالْحَنَه  
شَبَاكَ عَلَى الْجَنَه  
طَلِيلَتْ مِنْ الشَّبَاك  
قَابِلُونِي أَلْفَ مَلَك  
رَافِعِينَ عَلَى الْأَعْنَاق  
عَلَمَ الشَّهِيدَه سَنَاء

\* \* \*

---

## الشاعر الأُكْرَة

أنا الأديب لما اتكلم ما باخليشي  
لأنني جاھل  
و فاجومي  
وممخ مفیشی  
وأي تغییر في حیاتی  
ما يتعبنیشی  
وانا اللي قولي على نولي  
مش من بره  
الله الله يا بدوي  
مش من بره

\* \* \*

وابداً كلامي عن الأشعار  
والللي زانوها  
بيرم وخيري

---

وكل الناس اللي صانوها  
اما الكلب عند الجواسيس  
واللي خانوها  
فول كلاب  
وما ينذكروش هنا بالمره  
الله الله يا بدوي  
هنا بالمره

\* \* \*

يا عم بيرم وحياتك  
واللي أمانك  
وخلا ناس مأبين  
عايشين على مقالاتك  
وواد مباحث يتطاول  
على مقاماتك  
لاجعل من الشعرا الأندال  
مسخه وعبره  
الله الله يا بدوي  
مسخه وعبره

\* \* \*

---

في كل مولد يا مباحث  
للففت حزام  
ورقصت تبع المزيكه  
وكنست مقام  
وصاحبت كل الآلاتية  
ومشيت خدام  
لكل عالمه وشيشبها  
حسب الأجره  
الله الله على شيشبها  
حسب الأجره

\* \* \*

حربايه يا بن الحرامي  
ميه الميه  
على كل لون جاهز تركب  
ع التسقية  
اما انت ملاح ومربط  
وابن غبيه  
وحصانك اللي راهنت عليه  
يخسر بكره

---

الله الله يا بدوي  
يُخسر بكره

\* \* \*

الطلب غير الشعر يا واد  
ما تهبلشي  
وأي شخص يكون شاعر  
ما يط بشي  
يا تقول كلامك من جواك  
يا متقبلاشي  
ملعون أبوك طالع نازل  
شاعر أكره

١٩٧٥ القاهرة

\* \* \*

---

## غابة

غابة كلابها دبابة  
نازلين في الناس هم  
واللّى ينام في الغابة  
راح يتاكل هم  
واللّى يدير وشه  
غمضة عين يتهم

• • •  
هم هم هم  
هم هم هم  
هم هم هم  
هم هم هم

• • •

واللّى يغيب عن جحره  
لجل القوت والمم  
يتخان من ورا ضهره

لو يتاخد خم  
غلبة بتأكل ميته  
غلبة بشرب دم

هم هم هم هم  
هم هم هم هم  
هم هم هم هم  
هم هم هم هم

غلبة كلابها ديابة  
نارلين فى الناس هم  
غلبة وناسها غلبة  
خوخيه لا ناب ولا فم  
متكلين ع الصدقة  
متتكللين بالهم

هم هم هم هم  
هم هم هم هم  
هم هم هم هم

---

هم هم هم

\* \* \*

واحنا يا ملح الغابة  
هم يحرك هم  
ضايعين وسط ديابة  
مش فاضيين نهتم  
فاهمين وبنتعابى  
مش راضيين نتلّم

هم هم هم هم  
هم هم هم هم  
هم هم هم هم  
هم هم هم هم

١٩٨٧ القاهرة

---

## أصل الحكاية.. ولد

منين أجيبي ناس لمعناة الكلام

عارفين

شبه الأمارى

إذا حفظوا الوداد

عارفين

\* \* \*

شرعت من القلم رمحى

جرح قمحى

جعلت عشق الغنا زادى

وناس عارفين

\* \* \*

يا ليل يا عين يا وطن

يا صحرا

يا بساتين

يا جرحى

---

يا غنوتي  
يا ناسي يا غايبين  
موالي من غربتى  
أخضر خضارة حزين  
حزين كلام الغنا  
والسامعين عارفين

\* \* \*

آه يا زمان الخنا  
يا ماشى بالمعكوس  
فيك أى شئ ينشرى  
وكل شئ  
بفلوس  
حطيت عديم الرجا  
ع الخايب المتعوس  
خراب  
وحاكم أغا  
يا قهرة العارفين

\* \* \*

رَكِبُ الْأَغْدِيَّةِ الْبَلَدِ  
رَكِبُ عَلَيْهَا الْخُوفُ  
خَلِينَ قَلِيلَ التَّنَا  
جَاهِلُ عَدِيمِ الشُّوْفِ  
خَانُ التَّرَابِ  
وَالْهَوَى

خَنْقُ الصَّمِيرِ فِي الْجَوْفِ  
أَوْدَاسُ بَنْعُلِ الْوَطْرِ  
عَلِّيقٌ .. وَالْعَارِفِينَ

\* \* \* \* \*

مَيْنَ فِي الْبَلَدِ  
يَا بَلَدِ  
كَانَ صَوْتَهُ مِنْ رَاسِهِ  
يَحْسِبُ  
يَكْيِدُ الْعَدَا  
وَيَصُونُ وَدَادَ نَاسِهِ  
دَارُ الْمَدَارِ بِالْخَبْلِ  
وَسَقَانَا مِنْ كَاسِهِ  
مَيْنَ تَحْتَ حُكْمِ الْأَغْدِيَّةِ

---

ينطق  
يقول عارفين

\* \* \*

ياللى قربتووا الجرائد  
كله كلام مغشووش  
ومركبين فى الصحافة  
بنوع وليها كروش  
يدوسوا زر البتاعه  
ينزل كلام مطروش  
حمضان فى حبر المطابع  
وكلنا عارفين

\* \* \*

أصل الحكايه ولاد  
فارس  
ولا زيه  
خد من بلال ندهته  
ومن النبي  
ضيه  
وم الحسين وقفته

فى محنته

وزيه

قدم شبابه فدا

والحق له عارفين

\* \* \*

يابن الربيع والأمل  
والشمس والزينه  
مبن يا فتى أعلمك  
 فعل الخريف فيما  
وكبرت برا الزمان  
لللى ابتلاك بينا  
نايمين على ودنا  
مع اننا عارفين!

\* \* \*

صاحب من سكون الخرس  
كروان بغنيوه  
الملك لك يا فتى  
يا مصرى يا حلويوه  
رقصت نجوم الفلك

---

بالضى تتعانق  
والشمس ويا القمر  
فى برجهم  
عارفين

\* \* \*

شيل الغطا يا عطا  
عبد السلام مدددين  
عبد الحميد يا فتى  
قطب الرجال يا حسين  
داعى المروءة دعى  
والعمر مش عمرين  
خالد يقول صحبتى  
واحنا الجميع عارفين

\* \* \*

الله أكبر هنا  
ع البااغى والجبار  
طعن الفتى طعنته  
خار الأغا وانهار  
المجد دا ابنا

---

والفارس الکرار  
راکب علی مهرنا  
والکدابین عارفين

\* \* \*

مین یا فتی علمک  
لعب العصا ع الخیل  
وازای قطفت القمر  
من فوق شواشی اللیل  
وطبعت نجم السما  
بالوشم علی زندک  
الاسم: خالد  
ولكن  
عاشق ولک هندک  
لم الدلال علمک  
طبع الأسود  
عندک  
مین یا فتی علمک  
عشق الملاح.. والمیل  
هندک یا أدهم هنا

---

أصلك وسلسالك  
والناس يا خالد هنا  
عمك  
هنا خالك  
يا غنوه من قهرنا  
إسمك وموالك  
زى الربيع والأمل  
فى دمنا عايشين  
وليه أجيبي ناس  
لمعناه الكلام عارفين  
واحنا الأمارى  
إذا حفظوا الوداد  
عارضين

سجن الأستئناف القاهرة

١٩٨١

\* \* \*

---

## الفارس؟

أشير على نجنا  
والريح بتصرف صفر  
كل الدروب صفصفت  
ما فى حدا فى الكفر  
غيرك

يا عود الزان  
يا طرحة الأحزان  
جلبى عليك انشعف  
وانا جلبى دا خزان  
فيه الرفاجه العزاز  
بستان وضلليله  
ونصل خنجر خيانه  
غوط فى ذات ليله  
وفيه صبايا حلالك

---

يا واحد العيله  
خايفين عليك تنكسر  
ونجدد الأحزان

\* \* \*

---

## دموع إيزيس

الميه قالت للبساط السندي  
غنوة حنين  
واستأنفت نفس السفر

\* \* \*

يا زرع يا اخضر  
إنت ليه ساكت حزين  
افرح وصحصح  
واستحمي بالقمر

\* \* \*

والصبح ضى الشمس  
بيجي يجففك  
ويللفلك م الزمهرير  
دفا و عفا  
تطلع نضير

---

تسقى الطيور من فرحتك  
تملا الوجود بالزفقة  
واسمع بقى  
يا زرع.. يا عمر السنين  
ماقولش عنى للزهور  
كلام حزين  
الكون ما هوش ناقص غضب  
الكون ما هوش ناقص أنين

\* \* \*

صحيت إيزيس  
من قبل آلاف السنين  
حزينه  
مش من غير سبب  
اكيد اكيد  
كان فيه سبب

\* \* \*

نزلت دموع الحزن  
أشبه بالسيول  
أو بالخيول الجامحة

---

من ضجيج دق الطبول  
شققت لها ع الأرض  
جري.. أو مسار  
من يومها صار  
والنيل مسافر باقتدار  
يكسى الشقوق فى الأرض  
تنفجر حياه  
ولا حد عارف منشئه  
ولا فين مداه  
الكل قال  
والكل عاد  
والكل ما عارفش المعاد  
لكن قليل اللي عرف  
إن المموع  
هي اللي شقت للبشر  
بين الربوع  
نهر الحياة

---

## الزياره

السکه مفروشه  
تیجان الفل  
والنرجس  
والقبه  
صھوھة فرس  
عليها الخضر بیبرجس

\* \* \*

والمشربیه  
عرایس بتبکی  
والبکا مشروع  
مین دا الی نایم وساکت؟  
والسکات مسموع!  
سیدنا الحسین?  
ولا صلاح الدین?  
ولا النبی?

---

ولا الإمام  
لستور يا حراس المقام  
طول ما الكلام بالشكل دا  
ممنوع!

\* \* \*

على العموم  
أنا مش ضليع في علوم الانضباط  
لبويا كان مسلم صحيح  
وكان غبي  
وكان يصلى ع النبي  
عند الغضب  
والانبساط!!

\* \* \*

لبويا كان فلاح  
تعيس  
في ليله ضلمه  
خلفوه  
وف خرقه سودا  
للففوه

---

وف عيشه غبرا  
طلعوه  
ولصموه  
وطسموه  
ودجنه  
وجهزوه  
وجوزوه  
على عماه!  
فكان محير في هواه  
ما بين امى  
وما بين الجاموسه  
وكان يخاف يقتل ناموسه  
وكان خجول خجول خجول  
لكنه كان دائمًا يقول  
استغفر الله العظيم  
من باب الاحتياط!

\* \* \*

أبويها طلعتوه حمار  
فكان طبيعي

---

يجبينى جحس  
لا اعرف نبى  
من اجنبي  
ولا مين ماجاش  
ولا فين ماراحش

\* \* \*

موسى نبى عيسى نبى محمد نبى  
وكل وقت وله أدان  
وكل عصر وله نبى

\* \* \*

واحنا نبينا كده  
من ضلعننا نابت  
لا من سماهم وقع  
ولا من مرا شابت  
ولا انخسف له القمر  
ولا النجوم غابت  
أبوه صعیدى  
وفهم  
قام طلעה ظابط

---

ظبط على قدنا  
وع المزاج  
ظابط

فاجومى من جنسنا  
مالوش مرا سابت  
فلاح قليل الحيا  
إذا الكلاب عابت  
ولا يطاطيش للعدا  
مهما السهام صابت  
عمل حاجات معجزه  
و حاجات كثير خابت  
وعاش ومات وسطنا  
على طبعنا ثابت  
وان كان جرح قلبنا  
كل الجراح طابت  
ولا يطولوه العدا  
مهما الأمور جابت

دمشق ١٩٨٤

\* \* \*

---

## وحدك

وحدك  
وأنا وحدي  
لبعض ساعات  
ولحدى

\* \* \*

طول السفر والليل  
يا غربتى وحدي

\* \* \*

صحراء وأنا جمال  
شيله وأنا شيال  
قصه وأنا قوال  
غربه وأنا وحدي

\* \* \*

يا همسة النسمة  
يا لمسة الأوتار

---

يا خدوك الشوى  
يا عيونك الأنهاـر  
طـول الخـريف عمرـك  
بيـن الحـنين والـنـار  
بتـلـونـي الأـحـلام  
وـنـفـتـحـى النـوار

\* \* \*

وـاـنـا خـريـفي دـوـم  
بـيـن العـطـش  
وـالـصـوم  
لاـ لـى جـلـد عـ النـوم  
وـلـا السـهـر  
وـحدـى

١٩٨٧ القاهرة

\* \* \*

---

## عيد ميلاد

زى النهارده من زمان  
من كام سنه  
ولاقيش لزوم  
للعد أو للحسبيه  
لصل الحكايه  
عد عمرك يا جحا  
قل - يوم فلس  
وخمسه سنه عكننه  
فلس فلس  
يعيا الفلس والجدعنه

\* \* \*

زى النهارده  
الست هانم والدته  
حربت  
وقالت بالقليل

---

يا دهوتى  
واتجمعوا نسوان حارتنا  
يسمعوا  
صرخة قدومى  
ويستباركو بطلعنتى  
خيية عقول طبعا  
وحركات نسونه

\* \* \*

لأ والمصيبة  
ان الجماعه ماشاورونيش  
ولاحد قال لى  
إن كنت آجي  
أو مالجيش  
قال ليه وليه  
يا بويَا ناغش والدى  
قام شئ حصل بعد المناغشه  
مايتحكىش !  
وابن العرب فى الشئ دا  
أحدث ميكنه

---

ليلتها كان الحظ  
آخر نعشة  
وكلمتين  
في ضحكتين  
بعد العشا  
كان القدر جاهز  
مجهز خبطته  
خط عبط  
شووفوا العجيبة المدهشة  
ستنين عذاب  
تجلبها لحظة سلطنه

القاهرة ١٩٦٤

\* \* \*

---

## مسافر

إلى روح الصديق زكي مرتضى

مسافر مسافر  
ودايماً مسافر

في قلب الخطر عن الطريق الصعب  
تسافر بعمرك وأمرك عجيب

\* \* \*

كأنك بطبع العناد سندباد  
وعاشق

وعشقك بعيد البلاد  
مسافر نودى الوداد للرفاقه  
مسافر تجib الحليب للولاد

\* \* \*

يدور الزمان  
بالمكان والوجود

يقابلاك مسافر  
ويجري الحوادث  
ونرجع تعود  
وتلتقاك مسافر  
ويوم ما اتفاينا  
يقلباتك مسافر  
ويوم ما افترقنا  
ففرقتك مسافر

\* \* \*

مسافر مسافر  
ليا سندباد

وداير تلف الزمان والبلاد  
مسافر كأنك لقيت الحقيقة  
مسافر كأنك عرفت المعاد

\* \* \*

وطال السفر يا صديقى الحبيب  
وكان الأمل فى اللقاء  
عن قريب  
لشوفك

---

وابوس ابتسامتك  
واضمك  
واقول لك همومى  
وادوب جوا همك  
ونضحك ونحلم  
فى عز النهار  
وتضوى ابتسامتك  
ويحلا الهزار  
واسافر طريقى  
وانا فى انتظار  
اقابلك مسافر  
فى نفس المسار

\* \* \*

وطير يا حمام بالسلام والوداد  
وترمى التحية على السندياد  
وقول له ان صاحبك  
فى عز انتظاره  
بيكتب ويحسب ليوم المعاد

\* \* \*

وبات الأمل  
سندباد في الخواطر  
وعاش الأمل  
في الجوانح مسافر

\* \* \*

مسافر مسافر  
وتترمح خيول الزمان بالحوافر  
مسافر مسافر  
ويتتبّع صديق الطريق المسافر  
پ تمام ع الطريق  
ونوم الرفيق  
لهاية حكايه عن السندباد  
بدایة حکایه  
لناس ع الطريق

القاهرة ١٩٨٠

---

## الرسالة الثانية

كتابات.. على المظروف

\* \* \*

عنوان البيت؟

من غير عنوان

فى الدنيا الواسعة

وف أى زمان

حتلقو اكثير

عش.. وعصافير

تعشق.. وتطير

فوق الأحزان

\* \* \*

عنوان الشارع؟

مصر.. وبس

من غير أوصاف وسؤال ودليل

عنوان

من فرط الشوق يتحس  
من ريحة الأرض  
وعرق النيل

الراسل  
شاعر عاشق موت  
وشيوعى ومصرى بعلو الصوت  
عنوان العاشق  
سجن أبو ز عبد  
ولأبو ز عبد مصلب للعشاق  
عنوان الشاعر  
قلب العالم  
والعالم عامر بالأسواق  
والشعر حسان

رغم القضبان  
بيلف العالم  
كيف يشاء

عزه  
الشعر كثير  
والبحر غزير  
والهم جبال  
والشوق شلال  
والعشق حلال  
واحنا العاشقين  
حكاينا كثير  
ح اكتب لك ايه  
واحكي لك ايه؟!

السجن؟  
مافيش فى السجن زمن  
الوقت؟  
مالوش فى السجن تمن

أيام بتمر  
وليل بيجر نهار  
ويعدى  
ولحنا فى دوامه  
والأفكار  
بتجريب وتدى

• • •

العلم براً بيعمل ليه؟  
الناس فاكرانا؟  
وساكتين ليه!

الناس بيروحوا الشغل إزاي؟

الناس بيلقوا العيش إزاي؟

الناس بيمضوا اليوم إزاي؟

الناس بيجيلهم نوم إزاي!

الناس

الناس

الناس

الناس

شغلتنا الناس

---

و الناس ويانا ف كل وجود  
واحنا مع الناس  
وعشمنا ف بكره  
مالهش حدود  
واكتب لك ايه؟  
واحكي له ايه؟

\* \* \*

شفتك فى الحلم الليله  
قمر  
وانا طير مأسور  
بجناح مسحور  
عاشق  
وحبيبي الليله أمر  
رفرت خلعت الباب  
والسور  
طيران طيران  
طيران عليت  
طيران  
وحفنى الشوق ع البيت

طيران

وغلبني الشوق غنيت

حنة غنيوة حب

فمر

\* \* \*

يا حمام يا حمام

بابو ألف جناح

يامعدي الساعه فى غمضة عين

عشاق وبلاد العشق براح

والسكه أمان

طول ما احنا اتنين

محبوبتى قصide

مع المداح

وانا غاوی غناوى

وانا ابن يومين

والبحر عنها

وانا الملاح

وهوايا الشط

واروح له منين

---

للغربه ليالي  
ولينا صباح  
ونمد الشمس  
على الشطين  
رفرف يا حمام  
بالألف جناح  
ودينا لبكره  
ف غمضة عين

\* \* \*

وصحيت من حلمي  
لقيتني أنا  
باحلم بك  
وانت معاليا هنا  
في الحلم هنا  
في العلم هنا  
ف هزارى ف جدى  
في كل ما بادى  
وباخت ويا الزملا هنا

---

واكتب لك ايه  
واحكي لك ايه؟

سجن أبو زعبل ١٩٧٧

\* \* \*

---

## موال عشان الوطن

طبيب معايا ألم  
جِوَا الحَشا مجھول  
بنا بنى لى وطن  
بس الأساس  
مجھول  
وانا علتنى.. عزوتى  
ناكر جميل  
وجهول

\* \* \*

جهل الأصول يا بلد  
خلا المغول.. داسك  
وعلاً ناس بالذهب  
ينداسوا.. بدماسك  
وركب البلبه  
والجهل

---

على ناسك  
وأنا اللي ناسك  
في عشقك  
والنصيب  
مجهول

\* \* \*

---

## بعد العطش

الحمد لله الفنان  
بعد العطش  
طرح الرمان  
على صدر محبوبى الفتان  
الألعان  
أبو كسم ظريف

\* \* \*

ولوّن الخدين بالراح  
عنب الكروم  
إبن التفاح  
وغمزارات  
فسترت لا قداح  
واملاً القدح  
واشرب يا خفيف

\* \* \*

---

وجوز عيون  
لأ جوز عصافير  
برموش ترفرف  
علقى يطير  
ومعششين  
على بحر كبير  
يغرق على شطه  
الحريف

\* \* \*

وانزل على الجيد الجبار  
المفترى  
فرع الصبار  
وقول له إيه  
آخر الأخبار  
يا مرمرى  
في جناب الريف

\* \* \*

جنبينا من سحر البستان  
بعد العطش

فکر و حرمان  
ورجعنا نرسم بالألوان  
على كل شجره  
وليف .. وليف

\* \* \*

---

## الغزاله

يا ليل تلا  
فالبدر لا  
على ضى عينه  
شفت الغزاله

\* \* \*

قلت لها .. إسمك؟  
قالت لي لولو  
قلت لها ليلى؟  
قالت لي لا  
شوفوا الغزاله  
بنت الغزاله!

يا ليل يا لللى  
يابو الليالي  
ع اللي حصل لي  
واللى جرالى  
لا البدر قال لي  
كلام يسلى

---

ولأ الغزاله  
رقت لحللى

\* \* \*

قلت لها إسمك؟  
قالت لي لو لو  
قلت لها لي لي؟  
قالت لي لا لا

شوفوا الغزاله  
بنت الغزاله!

\* \* \*

يا ليل أمانه  
يرضيك دا كله  
أعشق حبيبي  
واخاف أقول له!  
ولما عينى  
تسهر يا عينى  
ماتشوفش نوره  
ولأ حتى ضله

\* \* \*

---

قلت لها إسمك؟

قالت لي لولو

قلت لها لي لي؟

قالت لي لا لا

شوفوا الغزاله .

بنت الغزاله !

---

## أمر م الصبر

أمر م الصبر  
سؤلنك لغير مولاك  
يصفر لونك  
وقليل ان سمح وعطاك

\* \* \*

الندل صاحب قليل البخت  
واتواعدوا  
يمشوا رفاجه  
بطول العمر ما يباعدوا  
وفي الأصيل زى الغمامه  
بوعده  
والندل غير طريجه  
والزمن أهو ساعده

---

وبعده لسه الخيانه  
سايره فى الأفلام

دمشق ١٩٨٤

\* \* \*

---

## استمرار

- |             |                |
|-------------|----------------|
| .. باستمرار | الشله بتهيش    |
| .. باستمرار | والوضع ملش     |
| .. باستمرار | والأزمه بتكبر  |
| .. باستمرار | والخلق حتكفر   |
| .. باستمرار | ومباحث تقبض    |
| .. باستمرار | على ناس بتفضفض |
| .. باستمرار | وصحافه دعاره   |
| .. باستمرار | طلبه وزماره    |
| .. باستمرار | وابو دقن مقشه  |
| .. باستمرار | يفتى ويتعشى    |
| .. باستمرار | يحمى الحرامييه |
| .. باستمرار | ضد الشيو عليه  |
| .. باستمرار | ونضيع فى محاكم |
| .. باستمرار | من صنع الحاكم  |
| .. باستمرار | فنلاقى المرسى  |

مَعْوِصُ عَالْكَرْسِيِّ	.. بَاسْتَمْرَارٍ
يَسْمَعُ أَقْوَالَنَا	.. بَاسْتَمْرَارٍ
بِلَرْقِ لَحَالَنَا	.. بَاسْتَمْرَارٍ
فِي خَشْ مَدَاوِلِه	.. بَاسْتَمْرَارٍ
مَعْ أَمْنِ الدُّولَه	.. بَاسْتَمْرَارٍ
يَسْمَعُ جَوَابَاتِهِمْ	.. بَاسْتَمْرَارٍ
وَيَشْوُفُ طَلَبَاتِهِمْ	.. بَاسْتَمْرَارٍ
وَيَعُودُ لِلْجَلْسَه	.. بَاسْتَمْرَارٍ
بِالْخُلُقِ الْمُلْسَه	.. بَاسْتَمْرَارٍ
يَرْطَنُ وَيَهَلِضُمْ	.. بَاسْتَمْرَارٍ
وَالآخِرُ يَحْكُمْ	.. بَاسْتَمْرَارٍ

سجن أبو زعبel ١٩٧٧

\* \* \*

---

## أشعار وأغاني

### الملك هو الملك

مهداه إلى روح الصديق الرائع سعد الله  
ونوس شاعر المسرح العربي وفارسه  
النبيل ومبدع المسرحية الفاتحة الخلدة  
(الملك هو الملك) رحمة الله عليه

- على علیوه  
ياللى  
ضرب الزمیره  
ياللى  
وصربها حربى  
ياللى  
نطت فى قلبى  
ياللى

قلبي رacas  
ياللى  
في بلاد الناس  
ياللى  
والناس مغاريج  
ياللى  
من عكس الريح  
ياللى  
والريح حردانه  
ياللى  
ماتبوح بأمانه  
ياللى  
وأمانه يا خلـى  
ياللى  
تعشق ونقولـى  
ياللى  
على قصة حنه  
ياللى  
في جنينة حنا

ياللى  
حنا وزان  
ياللى  
عند السلطان  
ياللى  
سلطان هبوش  
ياللى  
أبو ذمه فاشوش  
ياللى  
والسبحه فى ايده  
ياللى  
بعيد عبيده  
ياللى  
وعبيده كتار  
ياللى  
زنهر زنهر  
ياللى  
زنهر حكام  
ياللى

يظلم وينام  
باللّى  
وصفوف مساكين  
باللّى  
تايهين ضايعين  
باللّى  
في الفرح ناسينا  
باللّى  
وف همه داعينا  
باللّى  
يسرق صحتنا  
باللّى  
يخنق غناوينا  
باللّى  
غناوينا عذاب  
باللّى  
م الباب للباب  
باللّى  
وعذابنا حنان

ياللى

مش للسلطان

ياللى

سلطان الشوم

ياللى

سرق الفيوم

ياللى

وخدوه محثار

ياللى

م الدار للنار

ياللى

نصبوله الزار

نصبوله الزار

\* \* \*

---

## شرم برم

شرم برم  
حالى غلبان  
شرم برم  
حالى تعبان

\* \* \*

لنبا غروره وكدابه  
لكن جميله وجذابه  
مجاريج ونشقها صبابه  
للينا  
وادى حال الإنسان

شرم برم حالى غلبان  
شرم برم حالى تعبان  
\*

مجنونه خالص ترالى  
 بكلمه تعزل وتولى

---

وف لحظه  
تاخد ما تخلي  
أمان (أمان ياللى أمان)

شرم برم حالي غلبان  
شرم برم حالي تعبان

\*

دلوعه ماشيء بتتعندر  
بين الإمام والشاهدندر  
والغاوى قاعد يستظر  
حب العزيز يطرح رمان

شرم برم حالي غلبان  
شرم برم حالي تعبان

\*

يا حلم يا جناح المساكين  
يا وعد من ورد البساتين  
ملايين ربيع رايحين جايدين  
والكون حزين من غير ألوان

شرم برم حالي غلبان  
شرم برم حالي تعبان

## طنوش طنوش

طنوش طنوش

طنش نش

طنوس آخر طناش

\* \* \*

طنوش قال لك طناش

ومتعصلجناش

تعمل لي فيها عنتر

دا شئ مايخصناش

بعن بعيد حينعب

وحتبقى حالته أصعب

خلبك من حزب أشعب

طنش

ناكل بلاش

---

تح قفاك وفق  
وازرع وشك أوالح  
ماتحطش المصالح  
مابين خاصم وصالح  
دا مفيش خصومه دائمه  
تفضل ع الوش عايمه  
ولا القيامه قايمه  
إلا ف لحظة طناش

طنوش طنوش  
طنشن  
عايش آخر طناش

\*

غفير وخالته دائمه  
لو مسکوه عصايه  
وليسوه عبايه  
وحطوه ع المرابي  
حيشوف أجدع أمير  
ملعون أبو الفقير  
وتسأل عن أصوله

---

يقول ماشفتهاش

طنوش طنوش

طنشنشن

طنوش

قالك طناش

\*

---

## طفى النور يا بهيه

طفى النور با بهيه  
كله عساكر دوريه

\* \* \*

جوزك راجع من سوقه  
راكبه الهم وبيسوقه  
نطوا العسكر من طوقة  
دوريه ورا دوريه

طفى النور يا بهيه  
كله عساكر دوريه

\*

جوزك سارح على غيطه  
بيلضم همه ف خيطه  
قرحوا العسكر على حيطه  
يلعبوا عسكر حراميه

---

طفى النور يا بهيه  
كله عساكر دوريه

\*

خالك راجع من مكه  
بالمتجمد والفكه  
طلعوا العفاريت فى السكه  
ألف ولاد الجنيه

طفى النور يا بهيه  
كله عساكر دوريه

\*

ولدك رايح على عكا  
يفتح سكه على سكه  
طلعوا عليه سدوا السكه  
واتحاصر رايحه وجيه

قىدى النور يغا بهيه  
كل العسكر حراميه

\*

---

## عطشان يا صبايا

عطشان يا صبايا  
درب الھوى صعيب  
والصhra بعيده مدیده  
عطشان والميه قریب  
والخطوه عذاب ومتاهه  
والحلم اخضر وعجب  
وانا كل ما اجول التوبه  
ترمیني المکاتیب  
يا حبیبی يا نجمه لیلی  
يا منور لى السرادیب  
مکتوب على کف العاشق  
روح بلدك يا غریب  
دى الغربه فى الزمان دا  
تونس بالحبيب

\* \* \*

---

## السبوع

حلقاتك برجالاتك

حلقه دهب فى وداناتك

\* \* \*

يا حنتوسك

يا منتوسوك

يجعل عمرك قد فلوسوك

جتنا الشمس

وطالبه تبوسوك

خجلت من ضى ابتساماتك

حلقاتك برجالاتك

حلقه دهب فى وداناتك

\* \* \*

حصنتك ماتشوف الذل

بخرتك بخدود الفل

ورقينتك من عين الكل

النبي حارسك  
من عتراتك

حلقاتك برجالاتك

حلقه دهب

فى وداناتك

\*

قلعاتك حرز

لبستك حرز

القمطه حرير

والصوف ع الشرز

\* \* \*

قلعاتك طاقه

لبستك طاقه

وكتبت حجابك

على وبر الناقه

يكفيك الشين

والعيَا والدين

وسكوت الناس

وكلام العين

قلعـتـك قـبـه  
لبـسـتك قـبـه  
إـيـدـعـ يـاـ شـيـطـانـ  
وـتـعـالـىـ يـاـ شـابـهـ  
لـفـيهـ وـرـاقـيهـ  
وـاسـهـرـىـ سـلـيـهـ  
وـفـ بـرـدـ اللـيلـ  
ضـمـىـ وـنـفـيـهـ  
قلـعـتـك عـافـيـهـ  
لبـسـتك عـافـيـهـ  
وـرـمـيـتـ هـلاـهـيـاـكـ  
فـىـ المـيـهـ الدـافـيـهـ  
وـغـسلـتـ ذـنـوبـكـ  
وـقـرـيـتـ مـكـتـوبـكـ  
الـسـعـدـ موـاعـدـكـ  
وـالـهـنـاـ مـحـسـوبـكـ

\* \* \*

يارـبـناـ يـارـبـناـ  
يـكـبرـ ويـبـقـىـ زـيـنـاـ

طق الودع  
سحر وبدع  
سعد السعوڈ فی قصرنا

\* \* \*

تتاتنا خطى العتب  
ودوس على كل العتب  
واللى انقرا  
واللى انكتب  
واسرح فى نعمة ربنا

\* \* \*

ياربنا ياربنا  
يکبر ويبيقى زينا  
خد البشاره يا حسن  
وافتح لنا الفال الحسن  
وابعدت على عيونه الوسن  
نوم العوافى والهنا

ياربنا ياربنا

يکبر ويبيقى زينا

\*

---

نام نام نام نام  
وادبح لك  
برجين حمام  
واعمل لك طاجن وبرام  
واعدلك سهران مابنام  
واغزل لك زعبوط وحرام  
واخطب لك بنتين م الشام  
واقطف لك ورد الأحلام  
واكتب لك ع الورد كلام  
نام نام نام نام  
وادبح لك برجين حمام

\*

حسادك بaitien الليل  
يتلروا على نار الويل  
سهرهم ودموعهم سيل  
شقتهم لوجالك ميل  
واتحصن منهم بالخيل  
وملايكه شايلينك شيل

---

نام نام نام نام  
وادبح لك برجين حمام  
\*

---

## حادى يا بادى

- حادى يا بادى  
يا زهرى النادى  
فکرک ايه؟

عمك شنطح  
جالك ينطح  
تدى له ايه؟

- عمك شنطح  
جالك ينطح  
أدى له ايه?  
أدى له قطفه

- تدى له قطفه!  
قطفة ايه?

- قطفة ما قطفه  
فکره وخاطفه  
امال قول لى

لو انت يا خلى  
عمك شنطح  
جالك ينطح  
تدى له ايه؟

- كان يا ما كان

- كان دلوقتى  
ولا زمان؟

- ما هو دلوقتى زى زمان  
 كانوا جماعه ف أرض وسيعه

فيها طبيعه  
وناسها الصافيه

تروى الصحرا بعرق العافيه  
الأرض الساکته تبوح بساتين

- الله الله

- قمح وياسمين

- والناس عايشين

بما يرضي الله

\* \* \*

---

## - الله يا دائم

- الله يا دائم  
هو الدائم  
ولا دائم غير الله  
- آه يا زمان كاذب  
يا زمان  
في الحدوثه  
وفي العنوان  
دنيا مظاهر  
عايشة الظاهر  
والقططان هو  
السلطان  
- الله يا دائم  
هو الدائم  
ولا دائم غير الله  
- حطوا الخوشه على الخوضه

فوق البوصه المفعوشه  
تنقمع تبقي عوشه  
تنتمظر على غصن البان  
- الله يا دايم هو الدايم  
ولا دايم غير الله  
- واحد حلى  
وواحد ضيف  
نط الحلى سأل ضيفه  
حضر فزر  
تقدر كيف  
تعرف عنتر من خوفه  
بات الضيف على حد السيف  
تنقلب مش عارف كيف  
شغل مخه وفرشه وهرشه  
وفرده ولمه وشمته وقرشه  
قوللى يا مخى يا صنع الكيف  
زى ما بين الشتا والصيف  
فين الغارق والشتان  
بين الفارس والسلطان

---

صنفر مخه وقشره وبشره  
وفرده ولمه  
وشاله وحطه  
تعب الضيف من لعب السيف  
غنى يا عين ويالالى كمان  
جاله الهاتف ليلة صيف  
فوقه مرائيه وتحته حصان  
ابيض ف ابيض  
زى الطيف  
قال له يا غافل يا غلبان  
عنتر هو جراب السيف  
والسلطان  
حشو القبطان

\* \* \*

---

## تىكى تىكى تىك

- تىكى تىكى تىكى  
تىكى تىكى تىكى تك  
- مين؟

- تين على لوز  
- لأ لوز على تين

تىن على لوز  
أو لوز على تين  
كله مغضى بقمر الدين

توته توته

يا تحت التوته  
والحدوته والسامعين

جدى يقول لى  
النار ما تخلى  
لما تولى على الظالمين

\* \* \*

كان يا ما كان  
في زمان ومكان  
كانوا تلاته من الثلاثين  
كاف مع سين  
على زين الدين  
عملوا مؤامره على إلقاءيين  
أصل الشيللو بيشهه يلو  
حتى حمار الزبالين  
بعد ما شالوا وحطوا  
وغضوا  
ناموا وغضوا  
ومش خايفين  
قامت قومه ف عز النومه  
لا خلت كاف ولا زين ولا سين  
توته توته  
دى الحدوته  
وادى التوته  
والسامعين

## الكلمات المتقاطعة

بدل الكوره  
ولعب الفوره  
وشغل الغاغه والبرجاس  
تاكيل زغده  
تاكلاك طوبه  
تملا دماغك بالقلقاس

ياللا نفك  
حنة لعبه  
زى السكر بالأناناس  
كلمه ومعنى  
رأسى وأفقى  
بحكم حكايه تهم الناس

---

تيجوا نفكـر  
ياللا يا سـكر

\* \* \*

- واحد رأسـى  
- رأسـى بتضرـب تقلب  
تشـغى بالـأفـكار  
مسرح  
والأـفـكار هـوـامـه  
في الدـوـامـه لـيل وـنـهـار

\* \* \*

- واحد رأسـى  
حاـكم عـربـى كان طـرـطـور  
عاـشـق ضـلـمـه  
يـخـاف النـورـ؟  
- كل ما فيـنا من حـكـامـ  
جاـيـين من قـراـقوـش وـكـافـورـ  
كـذـبـوا - أـفـكـوا  
فـضـحـوا - هـتـكـوا  
خـانـوا - غـدـرـوا

## فتکوا - سفکوا

\* \* \*

- اتنین رأسى

شاعر داعر میت حى

طالع نازل

رایح جى

فاتح ایده

مادح سیده

ولا قال حاجه

ولا عادشى

- كل ما فينا من شعارات

كهنه وهنife وختنائزير

نكصوا - باعوا

لمعوا - ذاعوا

شبعوا - جاعوا

سرقوا - نصبوا

افلوا - غربوا

\* \* \*

---

واحد أفقى  
أفقى ببيرح

كل ما باسرح بالمشوار  
أشرب من أنهار الكلمة  
واعلم لغة الأزهار

\* \* \*

- واحد أفقى  
شعر ا ثلاثة

ف كلامه باروده  
- بيرم ناظم بابلو نيرودا  
كل ما فينا من عشاق  
داقو ما بينا من أشواق

صاموا - جاعوا  
ناهوا - ضاعوا  
ولهوا - عشقوا  
شبوا - نشأوا  
مرروا فاتوا  
صبحوا باتوا  
غرسوا

## رشقوا

\* \* \*

- اتنين أفقى

شاعر واعر لازم جى

يملا عيون العالم ضى

- كل ما فينا من أحزان

تستنطر عاشق فنان

يأتى - يقبل

شاعر - بلبل

حرفى - فنى

يشدو - يغنى

أهلی قومى

جوعى صومى

شغلی أملی

صحوى نومى

هبا لبوا

قوموا هبوا

يشرق يسطع

صبح مطلع

---

پندت یینى  
نشد و نغنى  
نمرح نلعب  
نشدو نغنى  
واحد تالت عاشر ميه  
نشدو نغنى  
نملا العالم خضره عفيه  
نشدو نغنى

\* \* \*

---

## البَيْاع

ياللى فتحت البَيْاع  
فتحك على مقول  
لأن أصل البَيْاع  
واصل على موصول  
فأى شئ في البَيْاع  
الناس تشفوف على طول  
والناس تموت في البَيْاع  
فيبيقى مين مسئول؟

\* \* \*

وازاي حتفتح بَيْاع  
في وسط ناس بتقول  
لأن هذا البَيْاع  
جاب الخراب بالطول  
لأن جنة بَيْاع  
جاهل غبي مخبول

---

أمر بفتح البتاع  
لأنه كان مسطول

\* \* \*

وبعد فتح البتاع  
جابوا الهوا المنقول  
نكش عشوش البتاع  
وهد كل أصول  
وفات في غيط البتاع  
قام سمن المحصول  
وخلالون البتاع  
أصفر حزين مهزول

\* \* \*

فساد قانون البتاع  
ولا عليه ولا معلول  
فالقاضى تبع البتاع  
فالحق ع المقتول  
والجهل ساد فى البتاع  
ولا مقرى ولا منقول  
والخوف سرح فى البتاع  
خلا الديابه تصول

يبقى البتاع فى البتاع  
والناس صايبها ذهول  
وان حد قال دا البتاع  
يقولوله مش معقول  
وناس تعيش بالبتاع  
وناس تموت بالفول  
وناس تقامع البتاع  
وناس تقامع كشكول

آدى اللي جابه البتاع  
جاب الخراب مشمول  
لأن حنة بتاع  
فحلب لراس الغول  
باع البتاع بالتتابع  
وعشان يعيش على طول  
عين حرس بالبتاع  
وبرضه مات مقتول

سجن الاستئناف

١٩٨١

## الفهرس

الإهداء		الخط خطى	٦
الشعر .. حرية		منشور وطني على رقم ١	٧
الرسالة رقم ١		حالة	٧١
من معقل طره		أواه	٧٣
الستباد		في المعقل	٧٥
هلال العيد		بيان هام	٧٨
ح نقى		نواره	٩١
بهية		يا فلسطينية	١٠١
دور يا كلام		باحبك	١٠٤
سلام للأرض		الأخلق	١٠٧
أنا رحت القلعة		قل أعونو	١١١
على الأرغول		سايجون	١١٢
خليلة فوق راس الشهيد		الشعب الزين	١١٦
على بلبك يا سرت		حسبة بrama	١١٩
الشربة العجيبة		ديستان	١٢٢
القواد الفصيح		محكمة	١٢٤

---

١٩٦	طهران	١٢٧	ع اللي حاصل
١٩٨	أول الكلام	١٣٤	ورقه .. من ملف القضية
٢٠١	الفرحة	١٤٤	نيسكون جاء
٢٠٢	الربع	١٤٧	ساتيا جراها
٢٠٥	الثورة	١٥٠	قال الرواى
٢٠٧	الهلوسة	١٥٣	من فضلكم
٢١١	الأقوال المأسورة	١٥٧	تاجر
٢١٤	الندale	١٥٨	اطلع من دول
٢١٦	الخالق الناطق	١٥٩	بلح أبريم
٢١٩	التضليل	١٦٢	يا بيه
٢٢١	آخر الكلام (الدرس)	١٦٣	دعا الكروان
٢٢٤	صندوق الدنيا	١٦٦	الصوت المصرى
٢٤٦	اليوبيو	١٦٩	شوبش طرزان
٢٤٩	فيدوا شمعه	١٧١	إصحى يا مصر
٢٥٣	كلب الست	١٧٤	جنون لبنان
٢٦١	دولًا مين	١٨٠	موال فلسطيني مصرى
٢٦٤	موال السمك	١٨٣	يا عرب
٢٦٥	الطنبور	١٨٧	انتظار
٢٧١	التبوه	١٩٠	استغفارية



٤٦٥	يا حبابينا	٤٣٣	بوتيكت
٤٦٦	ساعة العصاري	٤٣٦	صلبرين
٤٦٨	هلا بالحب	٤٣٩	جيل الجينز
٤٧٠	عطشان	٤٤١	بيرم
٤٧٣	يا خواجه	٤٤٢	الحمام
٤٧٤	نيكسون	٤٤٤	يا ليل يا عين
٤٧٧	موسم الحرائق	٤٤٥	عيون الكلام
٤٧٩	الحمدله	٤٤٦	مر الكلام
٤٨٢	ملح القاوى	٤٤٧	على رأى المثل
٤٨٣	شال الهوى	٤٤٩	موال الفول واللحمة
٤٨٧	عصفور وصياد	٤٥٢	الشواعر
٤٩١	عم السيد	٤٥٣	الصمت
٤٩٣	جوازه	٤٥٥	الليندي
٤٩٥	الليل عجوز	٤٥٦	الشركسى
٤٩٧	ع المحطة	٤٥٨	يا مصر
٥٠٠	نويت اصلى	٤٥٩	دعوه
٥٠٣	على حسب وداد جلبي	٤٦٠	سبحاتك
٥٠٥	الممنوعات	٤٦١	عد الهوى
٥٠٨	صبر ايوب	٤٦٢	عشق الصبارا

---

٥٧٢	غابة	٥١٢	الغربيه
٥٧٥	اصل الحكايه ولد	٥١٤	كلمتين لمصر
٥٨٣	الفارس	٥١٨	الحلوي
٥٨٥	دموع ايزيس	٥٢٢	كلام المصطبه
٥٨٨	الزيلاره	٥٢٥	عبد الآس
٥٩٣	وحك	٥٢٨	الأوله بلهى
٥٩٥	عيد ميلاد	٥٣٠	بقره حاحا
٥٩٨	مسافر	٥٣٤	الفاعل
٦٠٢	الرساله الثانية	٥٣٦	الربيع
٦١٠	موال عشان الوطن	٥٣٩	ميكي
٦١٢	بعد العطش	٥٤١	فلات الهوى
٦١٥	الغزاله	٥٤٣	باسهر وبنام
٦١٨	امر م الصبر	٥٤٠	صرخه جيفارا
٦٢٠	استمرار	٥٤٥	شجره لو
	أشعار واغاثى	٥٥٧	حرب الشعب
٦٢٢	الملك هو الملك	٥٥٨	الثوري النwoي
٦٤٨	الكلمات المتقاطعة	٥٦٠	سناء الورد
٦٥٤	البتاع	٥٦٨	الشاعر الأكره